


文中記 十一卷六



皇族

漢書門類			
三〇八	三〇一	三〇一	三〇一
冊	架	函	號

內閣文庫			
三六六	三〇一	三〇一	三〇一
函	架	冊	號

內閣文庫			
番號	漢	3015	
冊數	30 (6)		
函號	366	81	



天中記卷之十

淺草文庫

朗陵陳耀文海伯甫纂

四明屠隆緯貞甫校

帝王

皇皇者天不言四時行焉百物生焉三皇垂拱無為

設言而民不違道德玄泊有似皇天故稱曰皇皇者中

也光也弘也含弘履中開陰布綱上合皇極其施光明

指天畫地神化潛煌煌盛美不可勝量春秋運皇君

也美也大也大人之惣美大稱也時質故惣之也號之

為皇者煌煌人莫遠也白虎通皇者煌煌也道爛然顯明

也元命包

帝者天號也德配天地不私公位稱之曰帝天子者
繼天治物改正一統各得其宜父天母地以養生人至
尊之號也大君者君人之盛也易天立五帝以為相四
時施生法度明察春夏慶賞秋冬刑罰帝者任德設刑
以則象之言其能行天道舉錯審諦也易書帝者天之
一名所以名帝帝者諦也言天蕩然無心忘於物我言
公平通遠舉事審諦故謂之帝也五帝道同於此亦能
審諦故取其名書正義

道缺皇道缺故帝者興洛書

皇帝皇帝至尊之稱皇者煌也盛德煌煌無所不照帝
者諦也能行天道事天審諦故稱皇帝獨皇者大也言

其煌煌盛美帝者德象天地言其能行天道舉措審諦

父天母地為天下主漢官儀

王古之人造文字者三畫而連其中謂之王三畫者天

地與人也連中者通其道也取天地與人之才而參之

非王者其孰能當是故王者必法天以大仁覆育萬物

既化而生之又養而成之董子王者往也神之所輸向人

所歸樂元命包道大天大地大王亦大域中有四大而王

居其一焉老子李陽冰曰王者之王中一畫近上王者則

天之義王者至尊四號之別名王畿內之所稱王有

天下故稱王獨王天下所歸往也說文

帝王帝者天下之適也王者天下之往也天下不適不

往不可謂帝王故帝王不得人不能成得人失道亦不能守文帝王者號也號者功之表也所以表功明德號令臣下者也德合天地者稱帝仁義合者稱王別優劣也禮記謚法曰德象天地稱帝仁義所生稱王帝者天號王者五行之稱也白通帝者天號王者人稱天有五帝以立名人有三王以正度尚書

天子帝王天子至尊之定名也應神受命為天所子故謂之天子帝王德侔天地者稱皇帝天祐而子之號稱天子故聖王生則稱天子繁天子皆五帝精寶各有題序次運相據起必有神靈符紀諸神扶助使開階立遂春秋天子之尊也圖神精與天地通血氣含五帝精天愛之

子之也春秋保太古之時烝黎初載未有上下而自順序天未事焉君未設焉後稍矯虔或相陵震侵漁不止為萌巨害於是天命聖人使司牧之使不失性四海蒙利莫不被德僉共奉戴謂之天子潛夫始生之者天地養成之者人也能養天之所生而勿櫻庚之謂天子天子之動也以全天為故者也呂氏天子夷狄之所稱父天母地故稱天子獨古之神聖人母感天而生子故曰天子說文聖人受命皆天所生故謂之天子成公八

君為天下王者天也繼天者君也君之所存者命也為人臣而侵其君之命而用之是不臣也為人君而失其命是不君也穀渠君者群也群下之歸心也白通君道

能群

荀子

賞慶刑威曰君

左傳

君者群也群天下萬民除

其害者謂之君王者往也天下往之善養生人者也故

人尊之善辯治人者也故人安之善顯設人者也故人

親之善粉飾人者也故人悅之四德具而天下往之四

德無一而天下去之往之之謂王去之之謂七故曰道

存則國存道亡則國亡韓詩外傳說文君尊也从尹从口以

發號徐曰君者尹也正也長民之通稱晉悼公曰臣之

求君以出令也於文口尹為君

齊一古之立帝王者非以奉養其欲也聖人踐位者非

以逸樂其身也為天下之民強陵弱眾暴寡詐者欺愚

勇者慢怯又為其懷智詐不以相教積財不以相分故

立天子以齊一之

文子

立為天下古者立天子貴之者非以利一人曰天下無

一貴則禮無由通通理為天下也故立天子為天下也

非立天下為天子也立國君以為國也非立國以為君

也慎子

君之為君孔子曰商汝知君之君乎子夏曰魚失水則

死水失魚猶為水也孔子曰商知之矣子尸

天下智慮人主者以天下之日視以天下之耳聰以天

下之智慮以天下之力爭是故號令能下究而臣情得

上聞百官脩同群臣輻湊喜不以賞賜怒不以罪誅是

故威厲立而不廢聰明光而不蔽法令察而不苛耳目

達而不闞善否之情日陳於前而無所逆

淮南子

明如日月人主之居也如日月之明也天下之所同側目而視側耳而聽延頸舉踵而望也是故非澹薄無以明德非寧靜無以致遠非寬大無以兼覆非慈厚無以懷衆非平正無以制斷

上

恩如春養君人者乘南面之位操殺生之柄威如秋霜恩如春養何求而不得何化而不從人君也當以江海為腹山林為面當使其觀者不知江海何藏山林何有

唐子

導進稱辭昔者天子子能衣而宰夫設服足能行而相者導進能言而行人稱辭故無失言失禮也

慎子

人主之術人主之術處無為之事而行不言之教清靜而不動一度而不搖因循而任下責成而不勞是故心知規而師傳諭導口能言而行人稱辭足能行而相者先導耳能聽而執正進諫是故慮無失策謀無過事言為文章行為儀表於天下

淮南子

翳明隱聽古之王者冕而前旒所以蔽明也黈纊塞耳所以掩聰天子外屏所以自障故所禮者遠則所在者邇所治者大則所守者少

上

天子坐九重之內樹塞其門旒以翳明衡以隱聽鳶以抑馳

蘇子

權勢權勢者人主之車輿也大臣者人主之駟馬也體離車輿之安而手失駟馬之心而能不危者古今未有

也淮南

運無所積天道運而無所積故萬物成帝道運無所積故天下歸聖道運而無所積故海內服明於天通於聖六通四辟於帝王之德者其自為也夫虛靜恬淡寂寞無為者萬物之本也以此處上帝王天子之德也莊天帝王之德夫帝王之德以天下為宗以道德為主以無為為常無為也則用天下而有餘有為也則為天下用而不足莊

無為古之王天下者知雖落天地不自慮也辯雖彫萬物不自說也能雖窮海內不自為也天不產而萬物化地不長而萬物育帝王無為而天下功故曰莫神於天

莫富於地莫大於帝王故曰帝王之德配天地乘天地馳萬物而用人羣之道也上

綱紀昔者之聖王仰取象於天俯取度於地中取法於人調陰陽之氣和四時之節察陵陸水澤肥墪高下之宜以立事生財除飢寒之患辟疾疢之灾中受人事以制禮樂行仁義之道以治人倫列金木水火土之性以立父子之親而成家聽五音清濁六律相生之數以立君臣之義而成國察四時孟仲季之序以立長幼之節而成官列地而州之分國而治之立大學以教之此治之綱紀也得道則舉失道則廢文因物因人夫人君不出戶以知天下者因物以識物因

人以知人故積力之所舉即無不勝也衆智之所為即無不成也千人之衆無絕糧萬人之群無廢功上

法江海古之善為君者法江海江海無為以成其大容下以成其廣故能長久為天下谿谷其德乃足無為故能取百川不求故能得不行故能至是以取天下而無事不自貴故富不自見故明不自矜故長處不有之地故為天下王不爭故莫能與之爭終不為大故能成其

大子文

利勢國者天下之利用也人主者天下之利勢也得道以持之則大安也大榮也積羨之源也不得道以持之則大危也大累也有之不如無之有也及其綦也索為

匹夫不可得也荀子

國之隆君者國之隆也父者家之隆也隆一而治二而

亂二

導利芮良夫諫厲王曰王人者將導利而布之上下者也使神人百物無不得其極猶日怵惕懼怨之來匹夫專利猶謂之盜王而行之其歸鮮矣周語

正邪里革曰夫君也者將牧民而正其邪者也若君縱私回而棄民事民旁有慝無由省之益邪多矣將安用

之善語

昭德塞遠臧哀伯曰君人者將昭德塞遠以臨照百官猶懼或失之故昭令德以示子孫百官於是乎戒懼而

不敢易紀律

左桓

君道 晉平公問於師曠曰人君之道如何對曰人君之道清淨無為務在博愛趨在任賢廣開耳目以察萬方不固溺於流俗不拘繫於左右廓然遠見蹕然獨立屢省考績以臨臣下此人君之操也平公曰善死 君事 齊宣王謂尹文曰人君之事何如尹文對曰人君之事無為而能容下夫事寡易從法省易因故民不以政獲罪也大道容衆大德容下聖人寡為而天下理矣宣王曰善

司牧 衛國逐獻公晉悼公謂師曠曰衛人出其君不亦甚乎對曰或者其君實甚也夫天生民而立之君使司

牧之無使失性良君將賞善而除民患愛民如子蓋之如天容之若地民奉其君愛之如父母仰之如日月敬之如神明畏之若雷霆夫君神之主也而民望之也天之愛民甚矣豈使一人肆於民上以縱其淫而棄天地之性乎必不然矣若困民之性乏神之祀百姓絕望社稷無主將焉用之不去何為公曰善新序 三懼 孔子曰明王有三懼一曰處尊位而恐不聞其過二曰得志而恐驕三曰聞天下之至道而恐不能行二懼者明君之務也韓詩外傳 四術 治天下有四術一曰忠愛二曰無私三曰用賢四曰度量通財足用用賢則多功無私百知之宗也忠愛

天中記

卷一

君父之行也子尹

先公昔先聖王之治天下也必先公公則天下平矣嘗
試觀於上志有天下者衆矣其得之必以公其失之必
以偏凡主之立也生於公故鴻範曰無偏無黨呂氏春秋
輿策勢者君之輿威者君之策臣者君之馬民者君之
輪勢固則輿安威定則策勁臣順則馬良民和則輪利
為國失此必有覆車奔馬折輪敗載之患安得不危鄧
子以國位為車以勢為馬以號令為轡以刑罰為鞭策
使堯舜御之則天下治桀紂御之則天下亂則賢不肖
相去遠矣韓非子國者君之車也勢者君之馬也夫不處
勢以禁誅擅愛之臣而必德厚以與天下齊行以爭民

是皆不乘君之車不因馬之利舍車而下走者也上

五壅人主有五壅臣閉其主曰壅臣制財利曰壅臣擅
行令曰壅臣得行義曰壅臣得樹人曰壅臣閉其主則
主失位臣制財利則主失德臣擅行令則主失制臣得
行義則主失名臣得樹人則主失黨此人主之所以獨
擅也非人臣之所以得操也上

三道聖人之所以為治道者三一曰利二曰威三曰名
夫利者所以得民也威者所以行令也名者上下之所
同道也非此三者雖有不急矣上

二柄明主之所導制其臣者二柄而已矣二柄者刑德
也殺戮之謂刑慶賞之謂德明君之行賞也曖乎如

時雨百姓利其澤其行罰也畏乎如雷霆神聖不能解也故明君無偷賞無赦罰賞偷則功臣墮其業赦罪則姦人易為非是故誠有功則雖疏賤必賞誠有過則雖近愛必誅近愛必誅則疏賤者不怠而近愛者不驕也

身察為之人主而身察百官則日不足力不給且上用目則下飾觀上用耳則下飾聲上用慮則下繁辭先王以三者為不足故舍己能而因法數審賞罰先王之所守要故法省而不侵獨制四海之內聰智不得用其詐險深不得關其佞姦邪無所依遠在千里外不敢易其辭勢在郎中不敢敵善飾非朝廷羣下直湊單不敢相

踰越故治不足而曰有餘上之任勢使然也上

立功成名明君之所以立功成名者四一曰天時二曰人心三曰技能四曰勢位故得天時則不務而自生得人心則不趣而自勸因技能則不急而自疾得勢位則不推進而名成若水之流若船之浮守自然之道行毋窮之令故曰明主上

步驟馳騫三皇步五帝驟三王馳五霸騫或稱帝王接

上稱天子明以爵事天接下稱帝王明以號令臣下

命

英華根核帝者得其英華王者得其根核霸者得其附故帝道不行不能王王道不行不能霸霸道不行不

能守其身禮十威儀

任德帝不先義任道德王不先力尚仁義霸不先正尚

武力

論語摘
輔象

明一明一者皇察道者帝通德者王謀得兵勝者霸管子

居中人君者降禮尊賢而王重法愛人而霸好利多誑

而危欲近四旁莫如中央故王者必居天下之中也荀子

義立用國者義立而王信立而霸權謀立而亡三者明

王之所證擇也荀子粹而王駁而霸無一焉而亡上

體太一帝者體太一王者法陰陽霸者則四時君者用

六律秉太一者牢籠天地彈壓山川含吐陰陽伸曳四

時紀綱八極經緯六合覆露照導普汜無私蠓飛蠕動

莫不仰德而生陰陽者承天地之和形萬殊之體含氣

化物以成埒類羸縮卷舒淪於不測終始虛滿轉於無

原則四時者春生夏長秋收冬藏取予有節出入有時

開闔張歛不失其叙喜怒剛柔不離其理用六律者生

之與殺也賞之與罰也予之與奪也非此無道也故謹

於權衡準繩審乎輕重足以治其境內矣淮南子體太一

者明於天地之情通於道德之倫聰明照於日月精神

通於萬物動靜調於陰陽喜怒和於四時覆露皆道溥

洽而無私蠓飛蠕動莫不依德而生德澤流於方外名

聲傳乎後世法陰陽者承天地之和德與天地參光明

與日月並照精神與鬼神齊靈戴圓履方抱表寢繩內

能理身外得人心發施號令天下從風則四時者春生
夏長秋收冬藏取與有節出入有量喜怒剛柔不離其
理柔而不脆剛而不折淮南作韜寬而不肆肅而不悖優游
委順以養群類其德含愚而容不肖無所私愛也用六
律者伐亂禁暴興賢良廢不肖正邪以為正攘險以為
平矯枉以為直明於施舍開塞之道乘時因勢以服役
人心者也帝者不體陰陽即侵王者不法四時即削霸
者不用六律即辱君者失準繩即廢故小而行大即窮
塞而不親大而行小即狹隘而不容文子
道治德化夫上古稱三皇五帝而次有三王五伯此皆
天下君之冠首也故言三皇以道治五帝用德化三王

由仁義五伯以權智其說之曰無令刑罰謂之皇有
制令而無刑罰謂之帝賞善誅惡諸侯朝事謂之王興
兵約盟以信義矯世謂之伯王者往也言其惠澤優游
天下歸往也王道純粹其德如彼伯道駁雜其功如此
俱有天下而君萬民垂統子孫其實一也圖王不成亦
可以霸桓譚新論

步驟優劣易稱天先春而後秋地先生而後凋日月先
光而後出是以王者則之亦先教而後刑三皇結繩五
帝畫像三王肉刑五霸黠巧此言步驟稍有優劣也風俗
垂策繫手三皇垂策而五帝繫手唐虞按轡禹湯馳轅
雖使周公御衛仲尼促節固不已也陸子

道一道一者帝德克者王依仁仗義者霸無為而治者道也為能不待者德也存三七國仁也貴貢不入義也

孫綽子

依道三皇依道五帝仗德三主施仁五霸行義強國任

智蓋優劣之異薄厚之降也

阮籍論老

含天光人主含天光據璣衡齊七政操八極故君明聖

人道得正則日月光明五星有度

春秋感精符

天樞春生夏長秋收冬藏天之正也不可干而逆之逆之者雖成必敗故人君亦有天樞生養成藏亦復不別干而逆之逆之雖盛必衰此天道人君之大綱也鬼谷子承天意天之生人也蓋非以為君也天之立君也蓋非

以為位也夫為人君行其私欲而不顧其人是不能承天意忘其位之所以宜事也說苑

經世至人不役志以經世而虛心以應物誠信著於天地不爭暢於萬物然後萬物歸懷天地不逆故德音發而天下響會景行彰而六合俱應而後始可以經寒暑涉治亂而不與逆逢也莊子注

孤寡不穀人之所惡唯孤寡不穀而王公以為稱老顏獨對齊宣王曰老子曰雖貴必以賤為本雖高必以下為基是以侯王稱孤寡不穀是其賤之本與非夫孤寡者人之困賤下位也而侯王以自謂豈非下人而尊貴士與戰國策南面稱寡而不以侈大呂覽

孤晉悼公言於諸大夫曰孤始願不及此孤之及此天也抑人之有元君將稟命焉二三子爲令之不從故求元君而訪焉孤之不元廢也其誰怨國語晉文公出獵前有
大蛇文公還車及宿齋三日清于廟曰孤有三罪蛇死新序孔子曰凡天下有三德生而長大美好無雙少長
貴賤見而皆說之此上德也知維天地能辯諸物此中德也
勇悍果敢聚衆率兵此下德也凡人有此一德者足以南面稱孤矣紀高帝使使召田橫橫謂其客曰橫始與漢王俱南面稱孤今漢王爲天子而橫廼爲亡虜北面事之其媿固已甚矣前漢
不穀齊桓公伐楚謂屈完曰豈不穀是爲先君之好是

繼與不穀同好如何

左傳四年

襄王出居于鄭使來告難曰

不穀不德得罪于母弟之寵子帶鄙在鄭地汜敢告叔

父

二十四

越師圍吳王吳王懼使人行成曰昔不穀先委

制於越君君告孤請成許君成以至于今

國語楚在王謂

申公巫臣曰以不穀之不肖而群臣莫吾違吾國幾於

亡乎

荀子先問

曲禮云諸侯與民言自稱寡人庶方小侯自

稱曰孤其在四夷雖大曰子於內自稱不穀禮記雖爲

定例事在臨時所稱

春秋疏

正義稱號古之正義東西南北苟舟車之所達人之所

至莫不率服而後云天子德厚焉澤溼焉而後稱帝又

加美焉而後稱皇今稱號甚美而實不出長城

賈道機

合者稱皇鉤命德象天地為帝仁義所生為王樂稽

稱號丞相王綰等議曰古有天皇有地皇有泰皇嘉擢上

古天子庖犧氏神農氏稱皇堯舜稱帝夏殷周稱王秦

承周末為漢驅除自以德兼三皇功包五帝故并以為

號漢高祖受命功德宜之因而不改也斷

天王天王諸夏之所稱天下之所歸往故稱天王上

國家封禪記云詔百官以次下國家隨後明日太醫令

問國家起居國家云不勞漢官

天家百官小吏稱天子曰天家天子無外以天下為家

故稱天家獨

大家親近侍從官稱天子為大家上

天辟如淳曰天辟謂天子也京房易傳曰棄正作淫厥

妖木斷自屬妃后有顛木仆反立斷枯復生天辟惡之

漢五行志春秋潛潭巴曰里社明此里有聖人出其响百姓

歸天辟亡宋均曰响鳴之怒者聖人怒則天辟亡矣明

官家鮑白令之對秦始皇曰天下官則讓賢是也天下

家則世繼是也故五帝以天下為官三王以天下為家

說苑五帝官天下故傳之賢三王家天下故傳之子今指

天子為官家則猶言帝王也蔣齊萬安帝義熙初童謠

曰官家養蘆化作荻晉五行志太宗嘗問杜鎬曰天子何以

呼官家對曰三皇官天下五帝家天下上甚悅儒林真

宗問李仲容何故謂天子曰官家遽對云蔣濟言三皇

湘山野錄

官天下五帝家天下無三五之德故曰官家

宅家至尊以天下為宅四海為家不敢斥呼故曰宅家

亦猶陛下之義資暇集

鉅公武帝東巡海上至東萊羣臣有言見一老父牽狗

言吾欲見鉅公已忽不見鄭氏曰天子也張晏曰天子

為天下父故曰鉅公也郊祀志

縣官霍禹曰縣官非我家將軍不得至是霍山曰今丞

相用事縣官信之如淳曰縣官謂天子前漢

大尊樂運陳宣帝八失曰內史御正職在弼諧皆須參

議共治天下大尊比來小大之事多獨斷之周書顏

匡公玄宗宴蕃客唐崇勾當音聲言甚明辨上極歡長

入人許小客一日過崇曰今日崖公甚蜺斗散樂呼天

子為崖公以歡為蜺斗以每日在至尊左右為長入唐語

林教坊記萬花谷前集以崖公為天誤

震旦南詔以十二月十六日謂之星回節日遊于避風

臺命清平官賦詩驃信詩曰自我居震旦翊衛類夔契

元相同一心子孫堪貽厥清平官趙叔達曰下令俚柔

洽獻縣美棟來其國謂天子為震旦詞臣為清平官謂

朕曰元卿曰相百姓俚柔也王裕編事

幸御漢有天下號曰皇帝自稱朕人臣稱之曰陛下其

命令曰制詔衣冠車馬器械百物曰乘輿所在曰行在

所至曰幸所居曰某禁中所追曰御漢雜事

龍首王者之道如龍之首高居而遠望深視而審聽神其形而散其精若天高而不可極若淵深而不可測故可怒而不怒臣乃爲虎可殺而不殺大賊乃發六帝王之祚帝王之祚必有明聖顯懿之德豐功厚利積累之業然後精誠通于神明流澤加於生民故能爲鬼神所福饗天下所歸往未見運世無本功德不紀而能屈起在此位者也班彪王命論帝王之起必有天下瑞應自然之符明統顯祚豐懿之業加以茂德成功賢智之助而後居世臨臣爲神所保佑永世所尊崇未見運叙無紀次勳澤不加於民而可力爭觀觴神器者也傳彥林王令叙

神器夫體睿窮幾含靈獨秀謂之聖人所以能君四海而役萬物使動植之類莫不各得其所百姓仰之惟若親戚分若椒蘭故爲旗章輿服以崇之王璽黃屋以尊之以神器之重推之於兆民之上自中智以降則萬物之爲役者也宋志

有道師尚父曰天下壙壙一人有之天下蕞蕞一人理之故夫天下者非一家之有也惟有道者理之惟有道者紀之惟有道者使之惟有道者宜處而父之賈

體元春秋元命苞曰元年者何元宜爲一謂之元何曰君之始元也杜預傳注曰凡人君即位欲其體元以居

正

王床易是謀類曰假威出座王床鄭玄曰坐王床處天下之位也

天鏡握天鏡而授河圖執玉衡而運乾象徐陵皇齊受

終建極握鏡臨宸神武重輝欽明懿鑠齊建武記握鏡旋樞

允集明哲齊禪梁文張寶圖以光帝載懸玉鏡以徹滌靈唐元

和類神器有歸鼎運斯集憑王几握天鏡簡文大表

天序成帝初匡衡張譚奏言帝王之事莫大乎承天之

序承天之序莫重於郊祀前漢郊祀武帝築阮种曰在昔哲

王承天之序光宅宇宙咸用規矩乾坤惠康品類晉肆

予一人祇承天序魏禪晉文天序不可以無統人神不可以

曠土晉紀陟鑒乾序欽若明命齊即位告天文猥以冲入纂乾

緒思與黎元共綏戩福齊海陵詔

踐祚谷永對成帝曰陛下踐至尊之祚為天下主奉帝

王之職以統群生前漢仰宣遺烈俯弘景祚宋永光詔神器殆

於朽索景祚危於綴旒上朕以眇身祇承寶祚周宣繼

統興業興復洪祚後黃瓊傳高皇赫矣仰膺乾顧景星蒸哉

實啓洪祚王休昭碑

登極大命元集大業攸歸宜遵漢魏纂承皇極宋書太

位御三極風登萬寓宋永元詔夫肇自生民樹以司牧所以

闡極則天開元創物齊告天文陛下窮神盡聖揔極居中齊

武皇以英明提極經緯天人齊太漢宣嗣位之後即

遣蒲類之軍光武登極既竟始有長安之捷王僧辨公

御失馭禍纏霄極元紀望紫極而長號瞻丹陵而殞慟上

握圖握乾圖之休徵應五百之顯期曹植論光武御鳳曆握

龍圖梁武紀何以應寶曆何以嗣龍圖元紀握圖南面紹茲

寶運上握圖執鉞將在御天上聖王御世河龍負卷舒

圖論語比踐寶祚握瑤圖唐類考識

握樞負宸握樞无歸明哲宋與齊九錫文秉籙御天握樞臨極

王元長策秀才文高祖應期撫運握樞御宇陳書

握機握機創歷誕命建家王元長詩序魏文與吳主策曰朕

承運革命秉統天機吳志

握符聖皇乃握乾符闡坤珍握皇圖稽帝文東都賦大魏

膺靈符天祿方茲始曹植大魏篇信斯武之未喪膺靈符而

在茲陸士衡吊魏武文魏武協建靈符天命既集石苞與孫皓書伏

大晉應符御世桓溫薦譙秀表天子受符以辛日立號春秋

帝受命握符出也命決宜順靈符速踐皇阼魏志

膺籙膺籙受圖順天行誅東京賦言漢高由德膺籙者代興于

前失道數盡者迭廢于後魏志注董巴等奏五德更運膺籙受

符應吉甫晉武帝華林園詩肇基駿命膺籙受圖齊廢東昏詔惟是孱蒙

再膺天籙陳紀惟王應期誕秀開籙握圖上宣奉大宗嗣

膺寶籙上奄宅區夏爰膺帝籙北齊贊五德之運同徵合

符膺籙次相代春秋命曆序

秉維人君者攝天地之政秉四海之維舉動不可以虛

聖法進退不可以離道規謬言出口則亂及八方後陳蕃疏

登皇大漢之開元也奮布衣以登皇位東都賦神器不可

以辭拒皇位不可以謙讓漢冊親詔陛下躡曆登皇乘圖殘

帝天地更築日月再張孔雅張天造曆駕日登皇聲雷

寓寓宙勢壓河岳上

皇綱古者陰陽始分天地初制皇綱云緒帝紀乃設後

旨駟達廓帝紘恢皇綱答賓戲曹操階禍竊執天衡丕尋亂

階盜據神器昭烈丕承天序存復祖業誕膺皇綱不墜

于地朕以幼冲繼統鴻業諸葛集詔九州絕貫皇綱解紐孫

刑代典帝王莫不張皇綱以羅遠飛仁風以被物晉譚傳

關朗曰聖人輔相天地準繩陰陽恢皇綱立人極脩策

週馭長羅遠駕昭治亂于未然笑成敗于無兆文平聖

人之臨天下也祖乾綱以流化順谷風以興仁上元帝

振乾綱於已墜紐絕維而更張晉劉波傳帝典缺而不補王

綱弛而未張楊雄傳王綱縱弛于上智士鬱伊于下后崔寔政

論拯頽綱以繼三五鼓芳風以扇遊塵范甯穀梁傳序

宸居高光二聖宸居其域典引宸居失御神器流離劉琨表

獻文承歷景屬宸居顏延年曲水詩序宸極不可久曠民人不

可乏主梁詔紫宸曠位赤縣無主梁王僧辨表毓德素里樓景

宸軒謝希逸宣貴妃誄德芬道俗美敷宸宇魏孝文詔賈逵曰宸室

之奧者後人指帝居曰宸廣韻曰天子之居增韻帝居

北辰之宮

天曆思厚國本用弘天曆周宣詔天曆遂獄訟之歸神鼎

隨謳歌之去周禪冊皇靈有睠處移天曆陳書宸曆御寓弘

革典憲沈休彈王源孝武弃世屬當曆宸宋太安成王地隆

親茂皇曆攸歸上祗從鴻曆虔奉皇符南齊華文祖而

撫歸運畏上天而躬寶曆齊書齊武帝威承景曆肅御

金科臣

寶命宸運肇創寶命維新齊書寶命無常主帝王非一族

梁嗣膺寶政欽若前圖鬱林神鼎將遷寶策無主宋禪

書負荷寶圖亟回星管陳書武帝撥亂反正膺圖御錄文

帝克嗣洪基光宣寶業上寶冊歲紐帝圖掩映簡文

鼎玉欽若唐虞推其鼎玉梁書運鍾百六鼎玉遷變

陳書先殄衣冠次移龜鼎齊書干戈揖讓取之也殊

途鼎玉龜符成之也一致海錄

天業婉婉幙中畫輝輝天業昌謝宣遠攝天之業使之

理易寅畏上靈用膺景業梁

天璣大魏承天璣曹植秋伊昔不造鴻化中微用集寶

命仰陟天機顏延年註曰天璣喻帝位也即璿璣王

衡機璣同

天居皇家赫而天居蔡伯喈層閣肅天居馳道直如髮

選明

天綱陳蕃無室志清天綱又謀雖緝幽運未當后

天暉廣筵華宴必參末例朝半問訊時奉天暉南齊

帝暉臨幄百司定列顏延年

水詩序

天歡高宗誕辰與侍臣賦詩宴樂上曰可識朕意不須

惜醉李嶠等奏曰既陪天歡不敢不醉景龍文館記

擁璇擁璇特衛傾佇明哲史禪齊擁璇沉首屬懷聖哲

齊禪昔放飭御世沈璧屬子重華握曆持衡擁璇魏禪

握紀李百藥封建論陛下握紀御天膺期啓聖獨照宸

衷永懷前古華英

五行之精帝王者五行之精易姓之符代興之會以七

百二十年為一軌有德者遇之至於八百無德者不及

至四百載是以周家八百六十七年夏家四百數十年

漢行夏止迄今四百二十六歲魏志注

合元德合元者稱皇孔子曰皇象元道遙術無文字德

明謚合天者稱帝河洛受瑞可放仁義合者稱王符瑞

應天下歸往公羊成公八年傳註疏春秋說

青蒲元帝欲廢太子史丹直入卧内伏青蒲上泣言太

子遂定應劭曰以青規地曰青蒲非皇后不得至此前書

王融疏云待詔朱闕伏對青蒲南齊書太后廢麟林詔曰

丹屏之北為沾鬻之所青蒲之上開桑中之肆紀日伏

青蒲罕能切直任彦升策秀才文

楓宸芸若克庭槐楓被宸景福殿賦古者王禁被以楓槐外

朝之位樹九棘焉埤雅

尊無為上天子尊無為上故天以為子位臨臣庶威重

四海動靜以理則星辰順序意有邪僻則晷度錯遠爰后

傳延

乾剛明主嚴天元之尊正乾剛之位若國政一由帝命

王事每決於已後陳忠傳奮乾剛之位平天覆之施前谷宋傳

宅中彼偏據而規小豈如宅中而圖大東京賦古之王者

擇天之中而立國擇國之中而立宮春秋宅天衷立民

極顏延年序菴受敷錫宅中拓宇顏詩

萬葉晉詔桓玄蕃衛王家垂固萬葉中興書拓世貽統固

萬葉而為量顏延年序

步斗步玉斗握金鏡地維續天柱正張說握乾符頌

宜地巨地稱皇罄天作主顏延年詩

威力夫帝王者必立德立功可大可久經之以仁義繕

之以文武深根固蒂貽厥子孫一言一行以為軌範垂

之萬代為不可易所以域中四大王居其一帝力可以

鎮萬邦王威可以伏兆庶翻譯帝王畧論

帝主不得稱帝王肅云王者雖號稱帝而不得稱天帝

而曰天子乃天之子子之與父尊卑相去遠矣金光明

經云以天護故復稱天子翻譯

負宸皇帝應天御物負宸臨民含光宇宙照清海表梁邵

陵王綸啓廣弘明集

登圖大唐膺期啓運握機御曆誕命建家初起義則道

叶百靈始登圖則威加萬國明梁決對廣弘明集

天中記

卷五

三

佛經五王世間帝王有其五種一粟散王威德最劣二
鐵輪王治閻浮提三銅輪王兼二天下四銀輪王化三
天下五金輪王統四天下仁王經此之五王論其位上下
不同語其德勝劣有異推秦皇漢武閻浮提內唯王
震且五種王中粟散王也廣弘明釋明梁四種輪王
威定諸方亦有差別慈恩云金輪望風順化銀輪遣
使方降銅輪震威乃服鐵輪奮戈始定翻俱舍云從
此洲人壽無量歲乃至八萬歲有轉輪王生契經從
勝但說金輪故契經言若王生在刹帝利種紹灌頂
位於十五日受齋戒時沐浴首身受勝齋戒亦高臺
殿臣僚輔翼東方忽有金輪寶現其輪千輻具足穀

輞衆相圓淨如巧匠成舒妙光明來應王所此王定
是轉金輪王轉餘輪王應知亦尔上中國者三千日
月萬二千天地之中央也故有輪王迭出聖主繼興
御七寶而王四天行十善而被萬國明梁唐武后證
聖元年秋九月加尊號夫冊金輪聖神皇帝舊儀乾
開寶歷御極轉金輪宗楚客

歸仰夫為王者率土歸仰王當如橋濟度萬民王當如
平親暎皆平王當如道下遠聖蹤王者如日普照世間
王者如月與物清凉王如父母恩育慈矜王者如天覆
蓋一切王者如地載養萬物王者如火為諸萬民燒除
惡患王者如水潤澤四方應如過上轉輪聖王乃以十

善道教化衆生雜寶釋氏以自在名王妙玄云轉輪聖

王四域自在翻

因陀羅此云帝正翻天主以帝代之上

遮闍那此云王薩遮經云王者民之父母以法攝護衆

生令安樂故上

帝王之道帝王之道包之如海養之如春朝錯其君天

下也炎之如日威之如神極之如海養之如春辟猶草

木之植山林鳥魚之毓川澤祭天地而施化豈云人事

之厚薄哉答賓

帝王由昌本仁祖義褒有德祿賢能誅惡亂總遠方一

統類美風俗此帝王所由昌也前東方夫本仁祖義褒

德祿賢勸善刑暴五帝一王所繇昌也朕夙興夜寐稽

參政事祈進民心庶幾成風紹休聖緒漢武

萬機之位大周應千載之期當萬機之位述禮明樂合

地平天武列文昭翼真明俗廣弘明王皇上繼三五而

臨萬機紹七百以御六辯勲格無稱道還淳粹經大緯

地之德左日右月之明皇王之所未曉群聖之所不備

億兆之所宜通將來之所必至莫不望其玄波而達其

幽致者也庚黔

天誥闇情難曉觸理多疑天誥遠流預同撫覲萬夜獲

開千昏永曙入神之妙發自天衷敢以膚受謹爲注釋

豈伊錐管用窮天奧沈績梁武立神

天思天思淵發妙旨凝深至理既弘孝機兼極生屬昌

辰預觀聖藻

王緝答勅
審神戒論

天情睿思機深天情雲發標理明例渙若冰消

王瑩伏

奉淵旨頓祛群疑天情獨照妙鑒懸覽

伏眎

天識天識昭遠聖情淵察伏覽玄微實曉庸昧

建安

天旨天旨弘深慇懃

於象

范孝

伏讀天旨照鏡塵蒙皎

若朝暉朗如宵讀

陸

猥奉神旨昭若發蒙

殷

天誨天誨諄諄引諭彌博徒懷遊聖終懵管窺

謝

天照天照淵凝妙旨周博折彼異端弘茲教範信可以

朗悟冥塗棟梁千載矣

王珍

天製蒙示天製謹加讀誦垢吝雲消特蕪懽拈

帝

天儀天儀臨席眸容親證拜伏雖多疲勞頓遣

簡文答
相東書

天覽臣障雖多災身穢饒疾針艾湯藥每黷天覽

簡文
謝載

天獎大恩淵深歡情廣奧夕趨瓊筵晨登朱陛謬頒大

獎猶及下官

蕭映答晉安
王心要書

天藻聖上愍其迷途爰奮天藻鉤深致遠盡化知神

陸

仰墜天璫俯逮闡提所謂若披重霧以攀合璧出幽夜

而眇燭龍短綆爰及望瀾峴海

沈

天苑敢藉寵靈頻干聽覽再降神旨未垂臨燭自以結

根天苑竊高前載累冒宸嚴倍增戰息

梁太子綱
請御講啓

天慈欲須其果翻種苦栽欲除濁乏反趨鹹水伏願天

慈曲垂矜許

隋釋彥琮
通極論

天澤聖主流慈天澤滂被上答乾慈永同彼岸蕭綸

天鑒天鑒凝遠未蒙降遂晉安王等重請御講啓

道綱聖王御世淳風遐被振道綱以維六合布德綱以

維群儁川無扣浪之天谷無含歎之士晉什道恒釋駁論

地綱皇帝握斯乾紀執斯地綱懸特日月嘯吒風雲齊

魏武成詔

韶乾皇上体神御極挹睿臨乾二儀叶德五精翼化下

洞淵泉上達蒼昊

統天皇帝以上獻統天大明御極彈壓九代驅駕百王

至德上通深仁下漏盧思道詩序

運元象理大綱伏八柄運元象撮衆有者天子也周生烈子

古帝王

盤古天地渾混如鷄子盤古生其中萬八千歲天地開

闢陽清為天陰濁為地盤古在其中一日九變神于天

聖于地天日高一丈地日深一丈盤古日長一丈如此

萬八千歲天極高地極深盤古極長三五盤古垂死化

身氣成風雲聲為雷霆左眼為日右眼為月四肢五体

為四極五嶽血液為江河筋脉為地里肌肉為田土髮

蟲為星辰皮毛為草木齒骨為金石精髓為珠玉汗流

為雨澤身之諸蟲因風所感化為黎吐元氣盤古之君

龍首蛇身噓為風雨吹為雷電開目為晝閉目為夜死

後骨節為山林腸為江海血為淮瀆毛髮為草木五運歷年

記又昔古傳盤古左手為東嶽右手為西嶽腹為中嶽首為南嶽足為北嶽事物紀原盤古氏神靈一日九變蓋元混之初陶融造化之主也真源賦謂元始應世萬八千年為一甲子荆湖南北今以十月十六日為盤古氏生日以候月之陰晴云其頭化之所宜有以也史略廣都縣有盤古三郎廟頗有靈應民之過門稍不致敬必加顯驗或為人歐擊或道途顛蹶由是遠近畏而敬之縣人楊知遇者嘗受正一盟威錄一夕醉甚將還其家路遠月黑因廟門過大呼曰余正一弟子也願得神力示以歸路俄有一炬火自廟門出前引比至其家二十餘里雖狹橋細路畧無蹉跌火炬

亦無見矣鄉里尤礪異之錄異

天皇春秋保乾圖云天皇於是斟元陳樞以立易威言斟酌元化該皇極以建易道宋君云威則也言斟酌元氣陳列樞機之行以改立先法易通卦驗云天皇氏之先與乾曜合元君有五期輔有三名注云君之用事五行更王者亦有五期三輔公卿大夫也河圖括地象云天皇九翼提名旋復蓋輔翼者九人

地皇人皇盤古氏後有天皇君一十三人時遭劫火乃有地皇君一十一人各萬八千餘年乃有人皇君兄弟九人結繩刻木四萬五千六百年真源賦天地初起狀如鷄子盤古生其中經九萬歲次三皇及燧人氏治二萬

二百九十七年帝系譜

九皇九皇之制主不虛王臣不虛貴階級尊卑名號自
 君吏民次者無國歷寵歷錄副所以付授與天人參相
 結連鉤攷之具不備故也子鶚冠九皇殊制而政莫不効
 焉故曰泰一泰皇問泰一曰天地人事三者孰急泰一
 曰愛精養神內端者所以希天上泰一之道九皇之傳
 請成於泰始之末上注春秋緯云人皇兄弟九人分治
 天下九皇之號豈緣是歟泰皇蓋九皇之長也索隱
 曰按李斯議云天皇地皇之下即云泰皇當人皇也而
 封禪書云昔者太帝使素女鼓瑟而悲蓋二皇已前稱
 泰皇注秦紀李斯云泰皇最貴

東戶東戶氏之熙載也紹荒屯遺羨好垂精拱默而九
 寰以承流當是之時禽獸成群竹木遂長道上頗行而
 不拾遺耕者餘餼宿之隴首其歌樂而無謔其哭哀而
 不聲皆至德之世也子思淮南子云東戶季子之世道
 路不拾遺耒耜餘糧宿諸畝首使君子小人各得其宜
 也許氏云古之人君傳又作東扈

几蘧几蘧氏之御天下也不治而不亂狗耳目內通而
 外乎心知天下之人惟知母不知父鶉居醵飲而不求
 不譽晝則旅行夜則類處及其死也梟昇風化而已令
 之曰知生之民子亢倉莊子人間世云夫狗耳目內通而
 外於心知鬼神將來而况其散焉者是伏羲几蘧之所

行終而况其散者成玄英云狗使也能令根竅內通不
緣於物境精神安靜志外於心知則外遣於形內忘於
知鬼神冥附而舍止矣凡遽者三皇以前無文字之君
言伏羲几遽行之以終其身也

至德之世昔者容成氏大庭氏伯皇氏中央氏栗陸氏
驪畜氏軒轅氏赫胥氏尊盧氏祝融氏伏羲氏神農氏
當是時也民結繩而用之甘其食美其服樂其俗安其
居鄰國相望雞狗之音相聞民至老死而不相往來若
此之時則至治已

赫胥氏夫赫胥氏之時民居不知所爲行不知所之含
哺而熙鼓腹而遊民能以此矣

皇雄齊授梁策云遂古之載肇有生人皇雄大庭之辟
赫胥尊盧之后斯並龍圖鳥跡以前恍惚杳冥之世固
無得而詳焉

合維元帝答王僧辨曰天生蒸民而樹之君所以對揚
天休司牧黔首攝提合維以前栗陸驪連之外書契不
傳無得稱也

神民氏路史云天地開闢爰有神民氏神異業精氣

通行見潛夫都於神民之丘一曰神皇氏陳子桎

綱目外紀云神皇蓋使神民異業精氣通行者

王潛夫云天地開闢有神民氏神異業精氣通行有
招召命有遭隨吉凶之期天難諶斯聖賢雖察不自

專故立卜筮以質神靈

按此論之意蓋謂開闢之後有神有民民之與神業雖異而精氣則相通也民之吉凶因行命而致故立卜筮以質神靈耳非以神民為帝者名氏也羅氏誤以行字帶上讀遂為強立名氏陳氏不察本書遂因之而示蓋使云不大誤于後學耶

路史又有大隗氏陳氏亦因載之按莊子徐無鬼云黃帝將見大隗乎具茨之山注云大隗大司神名也一云大道也又云具茨今名秦隗山未嘗以為帝者名也而羅氏云不知果何所見其他所列帝王名氏詎可盡憑耶

路史有鉅靈氏 左丘明國語云華嶽本一山當河

河水過而曲行河神巨靈手盪脚蹋開而為兩今掌

足之跡仍存水經有巨靈胡者偏得神元之道能造山

川出華嚴開俱不云帝王也

齊桓公欲封禪管仲曰古者封泰山禪梁父者七十

二家而夷吾所記者十有二焉昔無懷氏云史記

孔子登泰山觀易姓而王可得而數者七十餘人不

得而數者萬數也韓書外傳

楊朱曰太古之事滅矣孰誌之哉三皇之事若存若

亡五帝之事若覺若夢三王之事或隱或顯億不識

一當身之事或聞或見萬不識一目前之事或存或

廢千不識一太古至于今日年數固不可勝紀子列
高辛已往則聞其人不見其書唐虞夏殷則見其書
不詳其事周氏已來載籍具矣仲長昌言
按此昔人所論往古事者也而路史之云若此

三皇

三皇伏羲女媧神農春秋運伏羲祝融神農禮記處戲
燧人神農合文伏羲神農黃帝之書謂之三墳孔安國
女媧燧人祝融事經典未嘗以皇帝言之又不承五行
之運蓋霸而不王者也且祝融乃顓頊之代火官之長
可列於三皇哉則諸家之論唯安國為長蘇明
通化三皇邁化民不犯愆後天文志三皇邁化五星如連珠

日月如合璧上三皇邁德七曜順軌晉天文志

登闕羽獵賦歷五帝之寥廓涉三皇之登闕書昭曰登

高也闕大也選攝三皇之高蹤楊雄河

統天三皇統天五帝御寓道含弘而遠大德普覆而平

均廣弘明集夫王道之主其德能載包含以統乾元也桓譚新論

太昊燧人氏沒庖犧氏代之繼天而生首德於木為百

王先帝出於震末有所因故位在東方主春象日之明

是稱太昊皇王世紀

緜合天地開闢五緯各在其方至伏犧乃合故以為元

存秋內事

三皇最先說文云賈侍中說此犧非古字張揖字詁云

羲古字戲今字一號包羲氏三皇之最先書序養犧牲

以充庖厨故曰庖犧氏服牛乘馬亦曰伏羲通曆伏犧德

洽上下禮舍文嘉

庖官太昊之世設九庖之官崔寔政論

春皇春皇者庖犧之別號至德於天下元元之類莫不

尊焉以木德稱王故曰春皇其明叡照於八區是謂太

昊昊者明也位居東方以含養蠢化叶于木德其音附

角號曰木皇拾遺記一號雄皇氏世紀

法始或曰太上無法而治法非所以為治也曰鴻荒之

世聖人惡之是以法始乎伏羲而成乎堯匪伏匪堯禮

義峭峭聖人不取也揚子問道篇周易云伏羲為上古俯仰

二儀經綸萬象至德備於冥昧神化通於精粹是以圖

書著其迹河洛表其文變太素之質改淳遠之化三才

之位既立四維之義乃張禮樂文物自茲而始拾遺記

功揆天地虞犧氏之王天下也枕石寢繩淮南作殺秋

約冬負方州抱負天陰陽所擁沉滯不通者寢理之逆

氣戾物傷民厚積者絕止之其民童蒙不知西東視暝

暝行蹟蹟侗然自得莫知其所由浮游汎然不知所本

自養不知所如徃當此之時禽獸蟲蛇無不懷其爪牙

藏其螫毒功揆天地然而不章其功不揚其名隱真人

之道以從天地之固然何即道德上通而智故消滅也

子文

天中記

至德伏戲女媧不設法度而以至德遺於後世何則至
虛無純一而不嚶喋奇事也淮南子春秋世譜云華胥生
男子為伏羲女子為女媧故世言女媧伏羲之妹
鍊補往古之時四極廢九州裂女媧鍊五色石以補蒼
天斷鰲足以立四極蒼天補四極正考其功烈上際九
天下契黃壚名聲被後世光輝重萬物乘雷車服駕應
龍駢青虬援絕瑞席羅圖黃雲絡前白螭後奔蛇浮游
消搖遊鬼神登九天朝帝於靈門宓穆休于太祖之下
淮南子福萬民壽九州莫大乎真氣鍊五石立四極莫大
乎神用易內篇平定州有東西浮化二山皆有女媧廟其
東浮山即媧氏補天之處其煉石竈尚存而所產諸色

石亦可燒云歲上元夕人家各置一鑪當戶是曰補天

圖經互見天地門

羅圖上見注羅列圖籍以為席蓐一說羅圖車上席也

七十化黃帝生陰陽上駢生耳目桑林生臂手此女媧

所以七十化也淮南子黃帝古天神女媧之腸化為神處栗廣之

野橫道而處山海經女媧古神女而帝者人面蛇身一日

中七十變其腹化為此神栗廣野名注女媧鍊得五方

氣變化成形補天地三十六變世應知七十二化處其

位床姑紫壇歌

二皇太古二皇得道之柄立於中央神與化游以撫罔

方是故能天運地滯輪轉而無廢淮南注二皇伏羲神農

也

為師故不言之令不視之見此伏犧神農之所以為師也故民之化也不從其所言而從所行淮南

嘗百草古者民茹草飲水采樹木之實食羸蛇之肉時

多疾病毒傷之害於是神農乃始教民播植五穀相上

地宜燥濕肥瘠高下嘗百草之滋味水泉之甘苦令民

知所避就當此之時一日而遇七十毒神農以為走

獸難以久養民乃求可食之物嘗百草實察鹹苦之味

教民食穀賈誼神農嘗百草嘗五穀蒸民乃粒食陸景

或云神農嘗百藥之時一日百死百生其所得三百六

十物以應周天之數

化如神神農之治天下也神不馳於胸中智不出於口

域懷其仁誠之心甘雨時降五穀蕃植春生夏長秋收

冬藏月省時考歲終獻功以時嘗穀祀於明堂明堂之

制有益而無四方風雨不能饑寒暑不能傷遷延而入

之養民以公其民樸重端慤不忿爭而財足不勞形而

功成因天地之資而與之和同是故威厲而不殺刑錯

而不用法省而不煩故其化如神其地南至交趾北至

幽都東至暘谷西至三危莫不聽從當此之時法寬刑

緩囹圄空虛而天下一俗莫懷姦心淮南

戴玉理有神人名石年蒼色大眉戴玉理駕六龍出地

輔號皇神農春秋命曆序

問太一神農稽首再拜問於太一小子曰鑿井出泉五味煎煮口別生熟後乃食咀男女異利子識其父魯聞太古之時人壽過百無殂落之咎獨何氣使然耶太一小子曰天有九門中道最良日月行之名曰國皇字曰老人出見南方長生不死衆耀同光神農乃從其嘗藥以救人命神農本草

夫負妻戴神農氏夫負妻戴以治天下堯曰朕之比神農猶且與昏也神農之教曰土有當年不耕者則天下或受其飢矣女有當年不績者則天下或受其寒矣故夫親耕妻親績

紀綱四時神農黃帝竅領天下紀綱四時和調陰陽於

是萬民莫不踈身而思戴聽而視故治而不和子文

赤帝神農為赤帝露繁

黃軒邈矣黃軒應天載靈帝牽秀黃

德冠黃帝德冠帝位春秋合誠圖

調日月黃帝治天下而力牧太山稽輔之淮調日月之

行治陰陽之氣節四時之度正律曆之數別男女明二

下使強不掩弱衆不暴寡民保命而不天歲時熟而不

凶百官正而無私上下調而無尤法令明而不闇輔佐

公而不阿田者讓畔道不拾遺市不預賈故於此時日

月星辰不失其行風雨時節五穀豐昌鳳凰翔於庭麒麟

游於郊子文青龍進駕飛黃伏皂諸北僭耳之國莫不

獻其貢職淮南

蘭席黃帝使百辟群臣受德教者先列珪玉於蘭席上
燃沉榆之香春雜寶為屑以沉榆之膠和之為泥以塗
地分別尊卑華戎之位也拾遺記事王融疏云天移雲
動勒封岱宗咸五登三追蹤七十集三燭于蘭席聆萬
歲之禎聲豈不躋哉南齊書

四面子貢問孔子曰古者黃帝四面信乎孔子曰黃帝
取合巳者四人使治四方不謀而親不約而成大有成
功此之謂四面也尹呂氏春秋云黃帝立四面
三百年宰我問于孔子曰昔者予聞諸榮伊曰黃帝三
百年請問黃帝者人耶抑非人耶何以至於三百年子

曰生而民得其利百年死而民畏其神百民亡而民用
其教百年故曰三百年大戴禮

尤行黃帝置四史以主圖籍使九行之士以統萬國九
行者孝慈文信言忠恭勇義以觀天地以祠萬靈亦為
九德之臣拾遺記

任風力舉風后力牧常先大鴻以治民史記黃帝夢大風
吹天下之塵垢皆去又夢人執千鈞之弩驅羊萬群帝
寤而嘆曰風為號令執政者也垢去土后在也天下豈
有姓風名后者哉夫子欽之弩異力者也驅羊數萬群
能牧民為善者也天下豈有姓力名牧者也於是依二
古而求之得風后於海隅登以為相得力牧於大澤進

以為將帝王世紀黃帝師於風后風后善於伏羲氏之道故

推演陰陽之事春秋內事黃帝察三辰於上跡禍福乎下經

緯歷數然後天步有常則風后之為也後張衡傳黃帝得力

牧而為五帝先大禹得咎繇而為三王祖前量錯傳黃帝所

以垂衣裳而天下理者任風力也帝堯所以光宅天下

者任稷高也舊唐虞懷真傳

陶天下黃帝問於伯高曰吾欲陶天下而以為一家為

之有道乎伯高對曰請刈其莞而樹之吾謹逃其蚤牙

則天下可陶而為一家管子

合鬼神昔者黃帝合鬼神於泰山之上駕象車而六蛟

龍畢方並鎡蚩尤居前風伯進掃雨師灑道虎狼在前

鬼神在後騰蛇伏地鳳凰覆上大合鬼神作為清角非韓

管子

置法黃帝之治天下也其民不引而來不推而往不使

而成不禁而止故黃帝之治也置法而不變使民安其

法者也管子任法

問道黃帝聞廣成子在於空同之上故往見之曰我聞

吾子達於至道敢問至道之精吾欲取天地之精以佐

五穀以養民人吾又欲官陰陽以遂群生為之柰何治

身柰何而可以長久廣成子龐然而起曰至道之精窈

窈冥冥至道之極昏昏默默莊子

遊天衢黃帝之遊天衢奏鈞天之鼓建日月之旗乘瑤

雲之輿駕六翼之龍彭祖前駟松喬俠轂光景流而不見長風逐而不及發軔紫宮不崇朝而匝六合也

孫綽子

適昆虞黃帝將適昆虞之丘中路逢容成子乘翠華之

蓋建日月之旗騫紫虬御雙鳥黃帝命方明遊路謂容

成子曰吾將釣于一壑栖于一丘

符子

龍驤黃帝之初養性養民不好戰伐而四帝各以方色

稱號交共謀之邊城日驚介冑不釋黃帝歎曰君危于

上民安于下主失於國其臣再嫁厥病之由非養寇耶

今慶民萌之上而四盜亢衡遁震子師於是遂即營壘

以滅四帝向令黃帝若不龍驤虎變而與俗同道則其

民亦嫁于四帝矣

蔣子萬機論

黃靈思玄賦黃靈詹而訪命兮穆天道其焉如注黃靈

黃帝也詹至也訪謀也穆求也如之也

黃炎黃炎故用水火矣共工氏固次作難矣五帝固相

與爭矣遽興廢勝者用事

呂覽

夫兵者所以禁暴討亂

也炎帝為火災故黃帝擒之共工為水害故顓瑱誅之

淮南子

世及干寶晉武革命論云鴻黃世及以一民也黃帝內

禪体文德也

紀

左傳史克曰昔帝鴻氏有不才子賈逵

杜預曰帝鴻黃帝也按山海經帝俊生帝鴻帝鴻生

白民干云世及則賈杜似誤唐逢行珪鬻子注云軒

轅氏少典次子父曰帝鴻氏路史謂帝鴻為黃帝子

帝俊是黃帝字無稽

紀三綱炎帝分八節以始農功軒轅紀三綱而闡書契

晉律
歷志

制法窮聖神備道德滋萌元氣開闢太初斯乃天皇氏
之所以應乎天也依土地明神靈駕六羽而上騰度九
州而下濟斯乃人皇氏之所以順乎人也造書契教畋
漁合五緯而節四時登九天而類萬物斯乃犧皇氏之
所以制人法也務播殖該變通嘗藥以救兆人聚貨而
交天下斯乃農皇氏之所以與人利也振夔鼓載龍旗
天則女授符帝
人宮也
母廟也
神降斗斯乃軒轅氏之所以除

乘時乘時設教必生大聖以首之庖羲氏甄才煥文君

人子天神農以之首於皇而體至道也軒轅氏推筮命

官度方順紀顓頊奉之首於帝而法玄德也帝仲孺文
宣王廟碑

無言三皇無言而化流四海故天下無所歸功帝者體

天則地有言有令面天下太平君臣讓功四海化行百

姓不知其所以然武經
七書

五帝

五帝黃帝少昊顓頊帝嚳唐堯虞舜為五帝六人而云

五帝者以其俱合五帝座星也康成黃帝顓頊帝嚳唐堯

虞舜為五帝史記少昊顓頊高辛唐虞為五帝孔安國康成

以女媧為皇軒轅為帝按軒轅之德不劣女媧何故不

為稱皇而淪之入帝仍為六人哉司馬遷近遺少昊而
 遠收黃帝甚為踈畧唯安國為定論兼明書
 神聖五帝神然其臣莫能及故自親事處于法宮之中
 明堂之上動靜上配天下順地中得人故衆生之類亡
 不覆也根著之徒亡不載也燭以光明亡偏異也德上
 及飛鳥下至水蟲草木諸產皆被其澤然後陰陽調四
 時節日月光風雨時膏露降五穀熟祿孽滅賊氣息民
 不疾疫河出圖洛出書神龍至鳳鳥翔德澤滿天下靈
 光施四海此謂配天地治國大體之功也前晁錯傳
 道化五帝之世道化淳備穀梁註
 朱宣河圖曰白帝朱宣宋均曰少昊氏也王元長策秀

才文五正置於朱宣下民不忒

少昊窮桑氏嬴姓也以金德王故號金天氏或曰宗師

太昊之道故曰少昊古史考少昊以主西方一號金天氏

亦曰金窮氏時有五鳳隨方之色集於帝庭因曰鳳鳥

氏拾遺記

勤民昔在金天勤於民事命春鷹以耕稼召夏鷹以耘

耨秋鷹所以收歛冬鷹於焉蓋藏晉食貨志

獻裘少昊都於曲阜鞮鞮毛人獻其羽裘渠搜之人服

禹之德獻其珎裘毛出五采田休子王者奉五行教民種

相以時則渠搜來獻裘德茂盛不耻惡衣則四夷獻其

白裘孫氏瑞圖

絕地天通楚觀射父曰少皞之衰也九黎亂德民神雜

揉不可方物漢書作故家為巫史享祀無度黷齊明而神弗

蠲嘉生不降禍災存臻莫盡其氣顓頊受之廼命南正

重司天呂屬神命火正黎司地呂屬民使復舊常亡相

侵黷是謂絕地天通楚語前郊祀志

揖靈顓頊居位奇祥衆祉莫不摠集不稟正朔者越山

航海而皆至也帝乃揖四方之靈群后執珪以禮百辟

各有班序受文德者錫以鐘磬受武德者錫以干戈拾遺

緣道昔者帝顓頊年十五而佐黃帝二十而治天下其

治天下也上緣黃帝之道而行之學黃帝之道而常之

子

日慎一日顓頊曰功莫美於去惡而為善罪莫大於去

善而為惡故非吾善善而已也善緣善也非惡惡而已

也惡緣惡也吾日慎一日其此而已也賈太傅新書

法天地良人請問十二紀文信侯曰嘗得學黃帝之所

以誨顓頊矣爰有大圜在上大矩在下汝能法之為民

父母蓋聞古之清世是法天地凡十二紀者所以紀治

亂存亡也呂覽

銘器天和元年詔曰昔周王受命請聞顓頊廟有戒盈

之器室為復禮之銘後周書

帝嘗昔者帝嘗年十五而佐帝顓頊三十而治天下其

治天下也上緣黃帝之道而明之學帝顓頊之道而行

之鬻
子

信仁帝譽曰德莫高於博愛人而政莫高於博利人故

政莫大於信治莫大於仁吾慎此而已也賈太傅新書

叙三辰顯頊氏其相戴干其號高辛厥質神靈德行祇

肅迎逆日月順天之則能叙三辰以固民潛夫論

戴干帝倍駢齒上法日參秉度成紀以理陰陽河圖起帝

倍戴干是謂清明發節移度盖像招搖元命苞

道德帝譽有天下號高辛高辛者道德大信也譽者極

也言其能施行窮極道德也白虎通譽者考也成也言其

考明法度醇美譽然若酒之芬香也風俗通

黃唐自昔黃唐經畧萬國燮定東西疆理南北前叙大

漢基隆于羲農規廣于黃唐選班固五等之制始於

唐陸士衡周氏以鑒夏殷之長久遵黃堂之並建唐李百藥

封建

倍堯倍堯之時混吾之美在下其道非獨出時也山不

用而童瞻澤不弊而養足管子後

陶唐堯先居唐後居陶丘故曰陶唐氏元和郡志上稽乾

則降承龍翼而炳諸典謨以冠德卓絕武臣者莫崇乎

陶唐班固

明法昔者堯之治天下也猶埴之在埏也唯陶之所以

為猶金之在爐恣治之所以鑄其民引之而來推之而

往使之而成禁之而止故堯之治也善明法禁之令而

天中記
已矣管子任法

游汾堯治天下之民平海內之政往見四子藐姑射之

山汾水之陽宵然喪其天下焉莊道四子王倪齧缺被

衣許由注體元則大悵望姑射之阿曲水詩序昔聞汾水游

今見塵外鑣謝靈運北回詩德遠帝堯曰吾存心於先古說苑作加志於窮民痛萬

姓之罹罪憂衆生之不遂也故一民或餓曰此我饑之

也一民或寒曰此我寒之也一民有罪曰此我陷之也

仁行而義立德博而化廣故不賞而民勸不罰而民治

先恕而後行是故德音遠也賈太傅新書說苑載

刑措帝堯之治天下也蓋殺一人刑二人而天下治傳

曰威厲而不試刑措而不用此之謂也荀議子贛曰

云堯舜之王一人不刑而天下治教誠而愛深也書大

儉德人君之有天下者瑤臺九疊而堯白屋黼衣九種

而堯大布宮中三市而堯鶉居珍羞百種而堯糲飯菜

粥騏驎青龍而堯素車樸馬尸人之所以樂為人主者

以其窮耳目之欲而適躬體之便也今高臺層榭人之

所麗也而堯樸桷不斷素題不斫珍怪竒異人之所美

也而堯糲粢之飯藜藿之美文繡白狐人之所好也而

堯布衣揜形鹿裘御寒養性之具不加厚而增之以任

重之憂故舉天下而傳之于舜若解重負然非直辭讓

誠無以為也淮南精堯之有天下也非貪萬人之富而

安人主之位也以為百姓力征強凌弱衆暴寡於是堯
 乃身服節儉之行而明相愛之仁以和輯之是故茅茨
 不剪采椽不斷大路不畫越席不緣大蔑不和粢食不
 殿巡狩行教勤勞天下周流五嶽豈其奉養不足樂哉
 舉天下而以為社稷非有利焉年衰志憊舉天下而傳
 之舜猶却行而脫蹠也上主帝堯王天下之時金銀珠
 玉弗服也錦綉文綺弗衣也奇怪異物弗視也玩好之
 器弗寶也淫泆之樂弗聽也宮垣屋室弗墜色也椽桷
 柱楹弗藻飾也茅茨之蓋弗剪齊也敝衣結履不弊不
 更為也滋味重累弗食也温飯煖羹不酸饑不易也不
 以私曲之故留耕種之時削心約志從事于無為其自

奉也甚尊其賦役也甚寡故萬民富樂而無饑寒之色
 百姓戴其君如日月親其君如父母六堯之王天下也
 有茅茨不剪采椽不斷糲粢之食藜藿之羹冬日麇裘
 夏日葛衣雖監門之服養不虧於此矣子堯有天下
 飯於土簋飲於土銅其地南至交趾北至幽都東西至
 日月之所出入者莫不賓服上晏子問于子華子曰嬰
 聞聖人尚儉堯不以土階為陋而有虞氏林戒于塗
 繇於傳有之乎子華子曰昔堯居於衢室之宮垂衣
 而褰幅邃如神明之居輯五瑞以見群后帶幅舄而
 入覲者如衆星之拱北堯則若固有之也舜遊於巖
 廊之士被袵衣而鼓五絃之琴畫日月於太常備十

有二章黼黻玄黃爛如也出則有鸞和動則有珮環
步趨中於莖詔之節舜亦若固有之也夫堯舜之備
物也如此而惡有所謂土階三尺茅茨不翦者惡有
所謂塗髹以自怵戒者此腐儒之所守而汙俗之所
以相欺者也野人之所稱道故記所不傳者也子華
九臣當堯之時舜為司徒契為司馬禹為司空后稷為
田疇夔為樂正倕為工師伯夷為秩宗臯陶為大理益
掌歐禽堯體力便巧不能為一馬堯為君而九子為臣
其何故也堯知九職之事使九子者各受其事皆勝其
任以成九功堯遂成厥功以王天下說苑君道堯之九臣誠
而能興於朝其四臣詐而誅於野上堯之治天下也舜

為司徒契為司馬禹為司空后稷為大田師奚仲為工
其導萬民也水處者漁山處者木谷處者牧陸處者農
地宜其事事宜其械械宜其用用宜其人澤臯織網陵
阪耕田得以所有易所無以所工易所拙是故離叛者
寡而聽從者衆譬若播棊丸於地員者走澤方者處高
各從其所安若風之過蕭忽然感之各以清濁應矣淮南
齊治官理民者有司也君無事焉猶尊君也辟地墾草
者后稷也決河濬江者禹也聽獄制中者臯陶也有聖
名者堯也故得道以御者身雖無能必使能者為已用
不得其道技藝雖多未有益也言詮
堯戒堯戒曰戰戰慄慄日慎一日人莫蹟於山而蹟於

堯人

大公劉向曰古有行大公者帝堯也貴為天子富有天下得舜而傳之私其子去天下若遺躡於天下猶然况細於天下者乎

恩深堯遭洪水之灾天下分絕為十二州制遠之道微而無乖畔之難者德厚恩深無怨於下也前谷求傳

德化唐堯以德化為冠冕以稷契為筋力高而益崇動而愈據此先聖所以長守萬國保其社稷者也後黃瓊傳

羣龍為用昔唐堯在上羣龍為用是以能建天地之功增日月之耀者也上即頭傳

華封人曰嘻聖人請祝聖人使聖人

壽堯曰辭使聖人富堯曰辭使聖人多男子堯曰辭封

人曰壽富多男子人之所欲也女獨不欲何耶堯曰多

男子則多懼富則多事壽則多辱是三者非所以養德

也故辭封人曰始也我以女為聖人耶今然君子也天

生萬民必授之職多男子而授之職則何懼之有富而

使人分之則何事之有夫聖人鶉居而鷩食鳥行而無

彰天下有道則與物皆昌天下無道則脩德就間千歲

厭世去而上僊乘彼白雲至于帝鄉三患莫至身常無

殃則何辱之有莊天道

康衢謠堯治天下五十年不知天下治歟不治歟不知

億兆之願戴已歟不願戴已歟顧問左右左右不知問

外朝外朝不知問在野在野不知堯乃微服游於康衢
 聞兒童謠曰立我蒸民莫匪爾極不識不知順帝之則
 堯喜問曰誰教爾為此言童兒曰我聞之大夫問大夫
 大夫曰古詩也堯還宮召舜因禪以天下列仲尼
 用心舜問於堯曰天王之用心何如堯曰吾不教無告
 不廢窮民苦死者嘉孺子而哀婦人此吾所以用心已
 舜曰美則美矣而未大也堯曰然則何如舜曰天德而
 出寧日月照而四時行若晝夜之有經雲行而雨施矣
 堯曰膠膠擾擾乎子天之合也我人之合也莊天道
 安樂許由欲觀帝意謂堯曰坐於華殿之上面雙闕之
 下君之榮願亦已足矣夫堯曰余坐華殿之上森然而

松生於棟余立櫺扉之內霏匹而雲生於牖雖面雙闕
 無異乎崔巍之冠蓬萊雖背墉擲無異乎迴巒之縈崑
 崙余安知其所以安樂符子
 六王之冠夫堯之賢六王之冠也舜一徙而成邑而堯
 無天下矣有人無術以禁下恃為舜而不失其民不亦
 無術乎韓難三

帝媯昔在帝媯巨唐之世海賦

舜祖幕夫成天地之大功者其子孫未嘗不章虞夏商

周是也 虞幕能聽協風以成樂物生者也云其

後皆為王公侯伯鄭國語 晉侯問于史趙曰陳其遂亡乎

對曰未也且陳氏得政于齊而後卒亡自幕至于瞽瞍

無違命舜重之以明德實德於遂遂世守之及胡公不
 淫故周賜之姓使祀虞帝臣聞盛德必百世祀虞之世
 數未也繼守將在齊其兆既存矣左昭展禽云幕能帥
 顓頊者也有虞氏報焉魯語孔晁云幕能脩道功不及祖
 德不及宗故每於歲之大烝而祭焉謂之報言虞舜祭
 幕明幕是舜先不知去舜遠近也左舜祖幕幕生窮蟬
 窮蟬生敬康敬康生喬牛喬牛生瞽叟瞽叟產舜劉耽
 碑鄭衆曰幕舜之先賈逵以幕為虞思非也傳言自幕
 而至瞽叟知幕在瞽叟之前非虞思明矣陳世家
 不利利人舜耕歷山陶河濱漁雷澤不取其利以教百
 姓百姓舉利之此所謂能以所不利利人者也管子歷山

之農者侵畔舜往耕焉暮年剛畝正河濱之漁者爭抵
 舜往漁焉暮年而讓長東夷之陶者器苦窳舜往陶焉
 暮年而器牢仲尼歎曰耕漁與陶非舜官也而舜往為
 之者所以救敗也舜其信仁乎乃躬耕處苦而民從之
 一韓難舜兼愛百姓務利天下其田歷山也荷彼耒耜耕
 彼南畝與四海俱有其利其漁雷澤也旱則為耕者鑿
 瀆儉則為獵者表虎故有光若日月天下歸之若父母
 尸昔舜耕於歷山暮年而田者爭處堯堯以封壤肥饒
 相讓釣於河瀆暮年而漁者爭處湍瀨以曲隈深潭相
 予當此之時口不設言手不指麾執玄德於心而化馳

若神淮原

行猶河海舜南面而治天下太平燭于王燭息于
求風食於膏火飲于醴泉舜之行其猶河海乎千仞之
溪滿焉螻蛄之穴亦滿焉由此觀之禹湯之功不足言
也尸子

託位舜一徙成邑再徙成都三徙成國四方之士歸之
堯聞其賢徵之草茅之中與之語禮樂而不逆與之語
政至簡而易行與之語道廣大而不窮於是妻之以媼
媵之以娥九子事之而託天下焉淮南子屬以九子贈以昭
華之玉而傳天下焉淮南子

見堯昔堯殂之後舜仰慕三年坐則見堯于墻食則覩
堯于羹後漢李固傳

舜鯀堯以天下讓舜鯀為諸侯怒於堯曰得天之道者
為帝得地之道者為三公今我得地之道而不以我為
三公以堯為失論欲得三公乃使猛獸欲以為亂比獸
之角能以為城舉其尾能以為旌召之不來仿佯於野
以患帝舜於是殛之於羽山副之以吳刀禹不敢怨而
反事之官為司空呂氏春秋堯欲傳天下於舜鯀諫曰不祥
哉孰以天下而傳之於匹夫乎堯不聽舉兵而誅殺鯀
於羽山之郊共工又諫曰孰以天下而傳之於匹夫乎
堯不聽又舉兵而誅共工於幽之都於是天下莫敢言
無傳天下於舜仲尼聞之曰堯之知舜之賢非其難者
也不以其所疑敗其所察則難也韓非子堯以天下與舜

顏色不變舜受天下於堯亦顏色不變知天下無損益於已也夫何為哉尸子

大功舜有大功二十而為天子注舉十六相去四凶也

左十帝舜以二八成功文王以多士興周晉華譚二八

舉而四門穆十亂用而天下安何充疏二八升而唐朝

盛伊呂用而湯武寧袁安名舜去四凶而格天地唐書宗立

太子制

教舜務成昭之教舜曰避天下之逆從天下之順天下

不足取也避天下之順從天下之逆天下不足失也尸子

作食器堯禪天下虞舜受之作為食器斬山木而財之

削鋸脩之迹流漆墨其上輸之於宮以為食器諸侯以

為益侈國之不服者十三韓非子

不下席子曰參女以為明主為勞乎昔者舜左禹而右

皋陶不下席而天下治書大傳

不下堂人君不親小事百官有司各任其職故舜命九

賢則無所用心彈五絃之琴詠南風之詩不下堂廟而

天下治也吳志步騰

黃序王元長策秀才文九工開於黃序庶績其凝注帝

王世紀曰舜始即真改正朔以土承火色尚黃尚書中

候所謂建黃授正改用選

端如北極舜之在位也端如北極准覽舜之在位猶北

辰然家五帝注見萬卷菁華

天口已

五

致天下堯問於舜曰我欲致天下爲之柰何對曰執一
無失行微無怠忠信無倦而天下自來執一如天地行
微如日月忠誠盛於內貴於外形於四海天下其在一
隅耶夫有何足致也前堯問
尊德禮魏徵疏潛夫論曰人君之理莫大於道德教化
也聖人甚尊德禮而卑刑罰故舜先敕契以敬敷五教
而後任咎繇以五刑也貞觀政要
遇時舜之耕漁其賢不肖與爲天子同其未遇時也以
其徒屬掘地財取水利編蒲葦結罟網手足胼胝不居
然後免於凍餒之患其遇時也登爲天子賢士歸之萬
民譽之丈夫女子振振殷殷無不戴說舜自爲詩曰普

天之下莫非王土率土之濱莫非王臣所以見盡有之
也盡有之賢非加也盡無之賢非損也時使然也呂氏春秋
卷婁卷婁者舜也羊肉不慕蟻蟻慕羊肉羊肉羶也舜
有羶行百姓悅之故三徙成都至鄧之虛而十有萬
堯聞舜之賢舉之童土之地曰冀得其來之澤莊子
寡爲昔者舜旣盆無臙而下不以餘獲罪飯乎土盞啜
乎土型而農不以力獲罪麇衣而盤領而女不以巧獲
罪法下易由事寡易爲功而民不以政獲罪故大道多
容大德衆下聖人寡爲故用物常壯也韓詩外傳
十堯九舜知高九舜明出十堯三四六五不能喻十堯
九舜無以方廣弘明梁元徽四方云十堯九舜何足云

天中記

廣弘明
梁元徽

卷二

也紀今夫堯舜生而在上位雖有十桀紂而不能亂者則世治也桀紂亦生而在上位雖有十堯舜而不能治者則勢亂也韓責公者易雖一賢少謬執難者衆雖九舜猶亂桓範要論

左堯右舜事強暴之國必致寶單國舉而後已雖左堯右舜未有能以此道免者也韓詩外傳

體堯蹈舜濟時拯世之術豈必體堯蹈舜然後乃理哉期於補綻決壞枝柱邪傾隨形裁割措於安寧後崔寔傳

善教堯舜至天下之善教化者也南面而聽天下生民之屬莫不振動從服以化順之然而朱象獨不化堯舜者天下之英也朱象者天下之鬼一時之瑣也今世俗

不怪朱象而非堯舜豈不過甚矣哉夫是之謂鬼說四王舜染於許由伯陽禹染於臯陶伯益梁染於伊尹仲虺武王染於太公望周公且此四王者所染當故王天下立為天子功名蔽天地舉天下之仁義顯人必稱此四王者呂覽舜偃堯禹偃舜湯放桀武王伐紂此四王者人臣弒其君者也而天下譽之察四王之情貪得人之意也度其行暴亂之兵也然四王自廣措也而天下稱大焉自顯名也而天下稱明焉則威足以臨天下利足以蓋世天下從之韓非子

四代梁武帝云書起軒轅同以燧人為皇其五帝自黃帝至堯而止知帝不可以過五故曰舜非三王亦非五

帝與三王為四代而已書學記云三王曰代唯其師注

虞夏殷周

五代五代建侯開國成家傳嗣百世歷載千數皆以能

當天官功加百姓五代之臣以道事君以仁撫世澤及

草木兼利外內普天率土莫不被德其所安全真天工

也是以福祚流行本枝百世潛夫論靈光殿賦殷五代

之純熙紹伊唐之炎精注五代唐虞夏殷周也

旗古今昔舜欲旗古今務大外而不成既足以成帝矣

禹欲帝而不成既足以正殊俗矣湯欲繼禹而不成既

足以服四荒矣武王欲及湯而不成既足以王道矣五

伯欲繼三王而不成既足以為諸侯長矣呂覽

神明主天胙光德而隕明忒昔在有熊高陽高辛唐虞

三代咸有顯懿故天胙之為神明主且著在天庭是生

民之願也厥饗國久長楊重

威察今人言五帝三王者其盛無偶威察若存其故何

也其法盛其德厚故思其德必稱其人朝夕祝之升聞

於天上帝俱歆用永厥世而豐其年家語

咸五司馬相如難蜀父老文曰上咸五下登三注言與

五帝皆盛而登于三王之上也前四三皇而六五帝曾

何周夏之足言景福遐邇五三校獵畜王資而承敵國

之豐超五帝侔三王者必此法也韓非人主師五帝而

式三王後崔朝登五帝夕宿三皇村南太

孕育乃先孕虞育夏甄殷陶周班固吞虞孕夏罩漢籠

周梁簡文遂欲流唐漂虞條殷蕩周揚雄

馳驟堯步舜趨禹馳湯驟杜太清

五帝之戒武王問五帝之戒可得聞太公曰黃帝云余

在民上搖搖恐夕不至朝故今人三緘其口慎言語也

堯居民上振振如臨深淵舜居民上兢兢如履薄冰禹

居民上慄慄如恐不滿湯居民上翼翼恐不敢息林意

八代今既不能絕法八代故宜參以霸政八代謂三皇

五帝也後崔寔傳

無地蘇秦說趙王曰舜無咫尺之地以有天下禹無百

人之聚以王諸侯史記枚叔諫吳王書云舜無立錐之地

以有天下禹無十戶之聚以王諸侯選堯無百戶之郭

舜無置錐之地以有天下湯無七里之分以王諸侯淮南

論

三代

令王韓厥曰三代之令王皆數百年保天之祿夫豈無

辟王賴前哲以免也左成

四王齊賓媚人對晉人曰四王之王也樹德而濟同欲

焉五伯之霸也勤而撫之以役王命成堯伐驩兜舜伐

有苗禹伐共工湯伐有夏文王伐索武王伐紂此二帝

四王皆以仁義之兵行于天下也荀議

伯禹堯美禹績乃賜姓姒氏封為夏伯故謂之伯禹天

天

下宗之謂大禹

帝王世紀

禹步禹治洪水疏河決江十年不闕其家手不瓜脛不

生毛生偏枯之病步不相過人曰禹步尸禹有功抑下

鴻荀成股無完腓脛不生毛韓字書股作腓腓細毛也

見遠禹之決江水也民聚瓦礫及其事已成功已立為

萬世利禹之所見者遠也而民莫之知呂樂昔禹決江

濬河而民聚瓦石子產開畝樹桑鄭人謫訾韓顯

惜陰禹為司空繼鮪治水勞身涉勤不重徑天之璧而

愛日之寸陰帝王世紀陶侃常語人曰大禹聖人乃惜寸陰

至於衆人當惜分陰晉書

趨時禹之趨時冠挂而不顧履遺而不取非爭其先也

爭得其時也故聖人不貴尺之璧而重寸之陰時難得

而易失也淮原禹之治水身執畚插以為民先當此之

時燒不暇攢濡不給扞要沐浴靈雨梳櫛扶風平治水

土定千八百國脩禹蹙洪水身親其勞澤行路宿過門

不入當此之時簪墮不撥冠挂不顧而暇耕乎益鉄

待士禹之治天下也以五聲聽門懸鐘鼓鐸磬而置軺

以待四海之士為銘於箕箒曰教寡人以道者擊鼓教

寡人以義者擊鐘教寡人以事者振鐸語寡人以憂者

擊磬語寡人以獄訟者揮鞞此之謂五聲是以禹嘗據

一饋而七十起日中而不暇飽食曰吾猶恐四海之士

留於道路是以四海之士皆至是以禹當朝廷間也可

以羅爵子鬻昔者禹一沐而三握髮一食而三起以禮有道之士通乎已之不足也通乎已之不足則不與物爭矣呂謹

泣罪禹出見罪人下車問而泣之左右曰夫罪人不順

道故使然焉君王何為痛之至於此也禹曰堯舜之人

皆以堯舜之心為心今寡人為君也百姓各自以其心

為心是以痛之也說時多禹嘆物未堯心廣弘明

作祭器舜禪天下而傳之於禹禹作為祭器墨染其外

而朱畫其內縵帛為茵蔣席頗緣觴酌有采而樽俎有

飾此彌侈矣而國之不服者三十三韓十太宗常怪舜

造漆器禹雕其俎諫者十餘不止小物何必爾耶褚遂良傳

司祿益食昔三苗大亂天命殛之夏禹受于玄宮有大

神人面鳥身降而輔之司祿益食而民不飢司金益富

而國家實司命益半而民不夭禹乃克二苗而神民不

遠四方歸之闢地以王隋巢

德衰堯治天下伯成子高為諸侯焉堯授舜舜授禹伯

成子高辭為諸侯而耕禹往見之則耕在野禹趨就下

位而問焉曰昔者堯治天下吾子立為諸侯焉堯授舜

吾子猶存焉及吾在位子辭諸侯而耕何故伯成子高

曰昔堯之治天下舉天下而傳之他人至無欲也擇賢

而與之其位至公也以至無欲至公之行示天下故不

賞而民勸不罰而民畏舜亦猶然今君賞罰而民欲且

多私是君之所懷者私也百姓知之貪爭之端自此始
夫德自此衰刑自此繁矣吾不忍見以是處野也今君
又何求而見我君行矣無留吾事耕而不顧辨舜王天
下臯陶佐政比人無擇深隱不見禹王天下伯益輔治
伯成子高委位而耕論
啓攻益伯益干啓位啓殺之竹燕王欲傳國於子之也
問之潘壽對曰禹愛益而任天下於益已而以啓人為
史及老而以啓為不足任天下故傳天下於益而勢重
盡在啓也已而啓與友黨攻益而奪之天下是禹名傳
天下於益而實令啓自取之也婦非管仲妾婧云畢子
生五歲而佐禹曹大家云臯子者臯陶之子伯益也列

秦益後益即臯陶子也仲長統

金版出地論語陰禧識曰庚子之日金版剋書出地庭
中曰臣族虜王禽宋均曰謂殺閔龍之後庚子旦庭中
地有此版異也龍同姓稱族王雷殺我必見禽也任昉
牋云金板出地告龍逢之怨

王鏡尚書帝命驗期云桀失王鏡用其噬虎注王鏡謂
清明之道虎視謂其暴虐

金椎孝經援神契云后偷任威折其玉斗失其金椎注
后桀也偷苟且自奉也玉斗者渾儀金椎言國之寶

琬琰后桀命扁伐岷山岷山女于桀二人曰琬曰琰桀
愛二女無子焉斲其名于若華之王若華是琬華是琰而

棄其元妃于洛曰妹嬉氏以與伊尹交遂以夏七年紀

大穢桀為無道天下顛恐于辛任威國人大崩湯欲令

伊尹往視曠夏恐其不信湯乃自射伊尹伊尹奔夏三

年反報于亮曰桀迷于末嬉好彼琬琰不恤其衆民心

積怨皆曰上天不恤夏命其卒湯與伊尹盟以示必滅

夏伊尹又往視曠夏聽于末嬉之言以告湯湯良車七

十乘必死六千人以戊子戰于郟遂禽移大穢登自鳴

條乃入巢門遂有夏民大悅親鄰如夏呂慎大簡選

注琬當作婉婉順阿意之人或作美玉誤按國語

桀伐有施有施人以妹嬉女焉妹嬉有寵于是乎與

伊尹比而亡夏竹書呂覽末嬉伊尹之事似亦非誣

作大輅夏后氏沒殷人受之作為大輅而建九旒食器

雕琢觴酌刻鏤四壁聖墀茵席雕文此彌侈矣而國之

不服者五十三韓十過

太史出奔夏桀迷惑暴亂太史令終古出其圖法執而

泣之先奔于商三年而桀乃亡商紂沈于酒德爰近姑

卒息殺三不辜太史令向摯藝作載其圖法先歸文王

期年而紂乃亡故聖人之見存亡之迹成敗之際也非

乃鳴條之野甲子之日也呂覽淮南

天下傑古者桀紂長巨姣美天下之傑也筋力越勁百

人之敵也然而身死國亡為天下大僂後世言惡則必

稽焉荀非相

也論上正疇四海至賢疇四海湯武是也至罷不容妻子桀紂是

三宗於殷太甲為太宗大戊曰中宗武丁曰高宗周公為無逸之戒舉三宗以勸成王所以勸帝之功博矣前劉

議歎湯有天下傳二十八王而其甚盛者號稱三宗唐太宗贊象箸昔者紂為象箸而箕子怖以為象箸必不加於土

劔必將犀王之杯象箸王杯必不羨菽藿則必旌象豹胎旌象豹胎必不衣短褐而食於茅屋之下則錦衣九

重廣室高臺吾畏其卒故怖其始居五年紂為肉圃設炮烙登糟丘臨酒池紂遂以亡故箕子見象箸以知天

下之禍韓喻

長夜之飲紂為長夜之飲懼以失日問其左右盡不知

也乃使問箕子箕子為其徒曰為天下主而一國皆失

日天下其危矣一國皆不知而我獨知之吾其危矣辭

以醉而不知韓說

王版周有王版紂令膠鬲索之文王不予費仲來求因

予之是膠鬲賢而費仲無道也周惡賢者之得志也故

予費仲上喻史蘇曰妲己有寵與膠鬲比而亡殷國語

請解炮烙昔者文王侵孟克言舉鄴三事舉而紂惡之

文王乃懼請入雒西之地赤壤之國方千里以請解炮

烙之刑天下皆悅仲尼聞之曰仁哉文王輕千里之國

而請解炮烙之刑智哉文王出千里之地而得天下之

義王費仲說紂曰西伯昌賢百姓悅之諸侯附焉不可
不誅不誅必為殷禍紂曰子言義在何可誅費仲曰冠
雖穿弊必戴於頭履雖五采必踐之於地今西戎昌人
臣也脩義而人向之卒為天下患其必昌乎人人不以
其賢為其主非可必誅也且主而誅臣焉有過紂曰夫
仁義者上所以勸下也今昌好仁義誅之不可三說不
用故凶外

拘文姜里文王砥德脩政三年而天下二垂歸之紂聞
而患之曰余夙興夜寐與之競行則苦心勞形縱而置
之恐伐余一人崇侯虎曰周伯昌行仁義而善謀太子

發勇敢而不疑中子且恭儉而知時若與之從則不堪
其殃縱而赦之身必危亡冠雖弊必加於頭及未成講
圖之屈商乃拘文王於羗里於是散宜生乃以千金求
天下之珍怪得騶虞雞斯之乘玄玉百工大貝白朋玄
豹黃熊青犴白虎文皮千合以獻於紂因費仲而通紂
見而說之乃免其身殺牛而賜之文王歸乃為土門築
靈臺相女童擊鍾鼓以待紂之失也紂聞之曰周伯昌
改道易行吾無憂矣乃為炮烙剖比干剔孕婦殺諫者
文王乃遂其謀淮道

三淫周文王處岐諸侯去殷三淫而翼文王散宜生曰
殷可伐也文王弗許周公旦乃作詩曰文王在上於昭

于天周雖舊邦其命惟新以繩文王之德

呂古樂

見幾公子曰文王率殷之叛國而事紂是納紂為雲使

得志天下流毒百姓文王之為也何不仁之甚乎孰若

直司正諫以正其患先生曰夫幾者動之微也非聖人

不能見也于時曆數雖改殷仲尚強紂剛猛暴雲飭非

拒諫豈文王之能動乎

通曆

王馬論語比考識曰殷惑妲己王馬走宋均曰女妲己

有美色也王馬喻賢臣奔去也任昉殘云至馬駿奔表

微子之去

澤枯湯教祝網者而四十國朝文王壅死人之骸而九

夷歸之武王陰喝人於樾下左擁而右扇子而天下懷

其德

淮南人

陰謀武王伐紂太公陰謀食小兒以丹令身純赤長大

教言殷亡殷民見兒身赤以為天神及言殷亡皆謂商

滅兵至牧野晨舉脂燭姦謀惑民權掩不備周之所諱

也

論衡

兵忌武王之誅紂也行之日以兵忌東面而迎太歲至

汜而汜至懷而懷至共頭而山隧霍叔懼曰出三日而

五災至無乃不可乎周公曰剗比干而囚箕子飛簾惡

來知政夫又惡有不可焉遂選馬而進朝食於戚暮宿

於百泉厭旦於牧之野鼓之而紂卒易鄉遂乘殷人而

進誅紂

荀儒效

淮南共頭而墜下云彗星出而授殷人其

天中記

卷十一

十一

柄當戰之時十日亂于上風雨擊於中然而前無蹈難
之賞而後無道北之刑白刃不畢拔而天下得矣兵
係墮武王至殷郊係墮五人御於前莫肯之為曰吾所
以事君者非係也武王左釋白羽右釋黃鉞勉而自為
係孔子聞之曰此五人者之所以為王者佐也不肖主
之所弗安也呂不文王伐崇至鳳黃墟鞭係解因自結
之太公望曰何為也王曰君與處皆其師中皆其友下
盡其使也今王先君之臣故無可使也韓外

黃鳥武王率兵車以伐紂紂虎旅百萬陣于商郊起自
黃鳥至于赤斧三軍之士靡不失色武王乃命太公把
白旄以麾之紂軍反走鬻任彥升令曰白羽一麾黃鳥

底定甲既鱗下車亦瓦解

毋野武王伐紂戰于牧野紂之卒輻分紂之車瓦裂紂
之甲如鱗下賀乎武王書大武王大敗殷人上堂見王
曰誰之王也曰諸侯之王即取而歸之於諸侯天下聞
之曰武王庶於財矣入室見女曰誰之女也曰諸侯之
女也即取而歸之於諸侯天下聞之曰武王庶於色也
說乃封比于之墓表商容之間柴箕子之門朝成湯之
廟淮南立其後于宋以奉桑林呂慎於是聽遺老之言
復盤庚之政發鉅橋之粟賦鹿臺之錢以示民無私出
拘救罪分財弃責以振窮困呂破鼓折抱弛弓絕絃去
舍露宿以示平易解劔帶笏以示無仇淮濟河而西歸

報于廟

呂

天下酌酒爵

樂稽

康梁紂為天子賦歛無度戮殺無止康梁沉酒宮中成

市天下同心而苦之

淮南要畧

天智王武王克商時甲子夕紂取天智王琰五環身以

自焚凡厥有庶告焚王四千五日武王乃俾于千人求

之四千庶王則銷天智王五在火中不銷凡武王俘商

舊寶萬千佩王億有八萬

周書

注天智王之美者縫環其

身自厚也凡焚王四千庶王則銷天智王不銷紂身不

盡也

殷長者武王入殷聞殷有長者武王往見之而問殷之

所以亡殷長者對曰王欲知之則請以日中為期武王

與周公旦明日早要期則弗得也武王憐之周公曰吾

已知之矣此君子也取不能其主有以其惡告王不忍

為也若夫期而不當言而不信此殷之所以亡也已以

此告王矣

呂貴因

武有七德楚子曰夫文止戈為武武王克商作頌曰載

戰于戈載橐弓矢夫武禁暴戢兵保大定功安民和衆

豐財者也故使子孫無忘其章

左宣十三

示民無返武三伐紂過隧斬岸過水拆舟過谷發梁過

山焚萊示民無返志也

說苑權謀

載尸武王伐紂載尸而行海內未定故不為三年之喪

始

淮南齊俗

成王周公旦所朝於窮巷之中甕牖之下者七十人文
王造之而未遂武王遂之而未成周公抱少主而成之
故曰成王呂下賢

成周成王之定成周也其辭曰惟余一人營居于成周
惟余一人有善易得而見也有不善易得而誅也上長利
政度成王問政於尹佚曰吾何德之行而民親其上對
曰使之時而敬順之王曰其度安在曰如臨深淵如履
薄冰王曰懼哉王人乎尹佚曰天地之間四海之內善
之則吾畜也不善則吾讎也昔夏商之臣反讎桀紂而
臣湯武宿沙之民皆自攻其君而歸神農此世之所明
知也如何其無懼也淮南道應

民得四生成王曰寡人聞之聖王在上位使民富且壽
云若夫富則可為也若夫壽則不在天乎粥子對曰唯
疑請以上世之政詔於君王政曰聖王在上位則天下
無軍兵之事故諸侯不私相攻而民不私相鬪閱不私
相煞也故聖王在上位則民免於一死而得一生矣聖
王在上則君積於道而吏積於德而民積於用力故婦
人為其所衣食丈夫為其所食則民無凍餒矣故聖王在
上則民免於二死而得二生矣聖王在上則君積於仁
而吏積於愛而民積於順則刑罰廢矣而民無天遏之
誅故聖王在上則民免於三死而得三生矣聖王在上
則使民有時而用之有節則民無厲疾故聖王在上則

民免於四死而得四生矣聖王在上則使盈境內與賢
 良以禁邪惡故賢人必用而不肖人不作則已得其命
 矣故夫富且壽者聖王之功也周成王曰受命矣賈子
 上賢周至成王有上賢之材因文武之業以周召為輔
 有司各敬其事在位莫非其人天下甫二世耳然周公
 猶作詩書深戒成王以恐失天下書則曰王母若殷王
 紂其詩則曰宜監于殷駿命不易前翼奉傳
 法度素定昔成王之政周公在前邵公在後畢公在左
 史佚在右四子挾而維之目見正容耳聞正言一日即
 位天下曠然言其法度素定也後翟醜傳
 流聲成王之為太子也則周召為保傅史佚昭文章故

能聞道章備登崇大業刑措不用流聲洋溢

晉統傳

中才成王人之中才也近管蔡則讒入有周邵則義闡

豈可謂天聰明哉然而克終於道者得不謂教之然耶

元氏長慶集周公左而召公右伯禽魯而太公齊上

薰風潛暢成康以四十二年之間刑厝不用薰風潛暢

頌聲遐舉越裳重譯萬里來歸

隋志

蕃屏王子朝使告于諸侯曰昔武王克殷成王靖四方

康王息民並建母弟以蕃屏周亦曰吾無專享文武之

功至于厲王王心戾虐萬民弗忍居王于彘諸侯釋位

以間王政宣王有志而後效官

左昭二十六年

共伯和共伯和即于王位

竹書

共伯名和好行仁義諸侯

賢之厲王無道國人作難王奔于彘諸侯奉和以行天子事號曰共和元年魯連十四年大旱廬舍俱焚卜于太陽兆曰厲王為祟共伯子使諸侯王子請為宣王共伯復歸國于衛和有至德尊之不喜廢之不怒道邇得志于共山之首司馬彪莊註沈約竹書註許由虞乎潁陽而共伯得乎共首莊讓王呂慎大共伯和脩其行好仁賢而海內皆以來為稽矣周厲之難天子曠絕而天下皆來請矣呂開春觀左傳釋位效官及魯呂諸書則共伯名和無可疑者高誘注乃謂共國伯爵夏時諸侯共首得志不知出何書何耶漢書古今人表云共伯和孟康云入為三公今本無師古曰和共伯名遷史以為周召二相

行政號曰共和無所據也

四三王夏扶謂荆軻曰何以教太子軻曰高欲令四三王下欲令六五霸於君何如也燕丹天下有有道士

雖幸而有未必知也不知則與無賢同此治世之所以短而亂世之所以長也故王者不四霸者不六亾國相望囚主相及得士則無此之患呂截世

非唐笑虞始皇既并海內以威力為王道以權詐為要術遂非唐笑虞絕滅舊章防禁文學行是古之戮嚴誅誘之誅十餘年滂沱而盈溢故皇天疾威吾丘壽王論

金鏡尚書考靈曜曰秦失金鏡魚目入珠鄭玄曰金鏡喻明道也始皇呂不韋子言亂真也

折槁秦皇挾錄圖見其傳曰亡秦者胡也因發卒五十萬萬使蒙公楊翁將築脩城西屬流沙北擊遼水東結朝鮮中國內郡輓車而餉之又利越之犀角象齒翡翠珠璣乃使尉屠睢發卒五十萬為五軍一軍塞罽城之領一軍守九嶷之塞一軍處番禺之都一軍守南野之界一軍結餘干之水二年不解甲施弩使監祿無以轉餉又以卒鑿渠而通糧道以與越人戰殺西嘔君譯吁朶而越人皆入叢薄中與禽獸處莫肯為秦虜相置桀駿以為將而夜攻秦人殺尉屠睢伏尸流血數十萬乃發適戍以備之於是陳勝起于大澤劉項興義兵隨而定若折槁振落遂亡天下禍在備胡而利越也

淮人

鑄金人秦之時高為臺榭大為苑囿遠為馳道鑄金人發適戍入芻橐頭會箕賦輸於少府丁壯丈夫西至臨洮狄道東至會稽浮石南至豫章桂林北至飛狐陽原道路死人以溝量當此之時忠諫者謂之不祥而道仁義者謂之狂

淮人

然劉氏奪之若轉閉

道

十七始皇既兼天下大修靡於是有方士韓客侯生齊客盧生相與謀亡去始皇大怒坑犯法者四百六十餘人盧生不得而侯生後至始皇召見將數而車裂之侯生曰臣聞知死必勇陛下肯聽臣一言乎始皇曰若欲何言言之侯生曰陛下奢侈淫泆下暗上聾臣等故去丹朱傲虐好慢淫遂以不升今陛下之淫萬丹朱而千

昆吾桀紂臣恐陛下之十七也而曾不一存始皇默然久之曰汝何不早言侯生曰陛下之意方乘青雲飄搖於文章之觀自賢自健上侮五帝下凌三王棄朴素就末技陛下亡徵見久矣臣等恐言之無益也而自取死故逃今臣必死故為陛下陳之欲使陛下自知也始皇曰吾可以變乎侯生曰形已成矣陛下之佐又非也臣恐變之不能存也始皇喟然釋之說苑反質

任刑昔秦法繁於秋荼而網密於凝脂然而上下相遁姦偽萌生有司法之若救爛撲焦不能禁非網疏而罪漏禮義廢而刑罰任也鹽鐵刑德

虎捽梟磔始皇方虎捽而梟磔噬士猶腊肉也揚重黎

自營始皇既吞天下召群臣而議曰吾德出於五帝吾將官天下誰可使代我後者鮑白令之對曰陛下行桀紂之道欲為五帝之禪非陛下所能行也始皇大怒曰令之前若何以言我行桀紂之道也趣說之不解則死對曰陛下築靈于雲宮殿五里建千石之鍾萬石之虞婦女連百倡優累千興作驪山宮室至雍相繼不絕所以自奉者殫天下竭民力偏駁自私不能以及人所謂自營僅存之主也何暇比德五帝欲官天下哉始皇聞然面有慙色久之曰令之言乃令眾醜我說苑至公

巢杖秦以刑罰為巢故有覆巢破卵之患以趙高李斯為杖故有傾仆缺覆之禍何哉所任非也陸賈新語

獻蒲為脯二世時趙高用事乃先獻蒲為脯指鹿為馬
以驗群臣古今注風俗通趙高欲作亂或以青為黑黑為黃民
言從之至今語猶存也鄭玄禮器注崔琦對梁冀曰將使玄
黃改色馬鹿異形乎後漢文苑傳

漢階築紂是湯武之梯秦項是大漢之階四逆不興則
四順不昇周生烈子

卯金有人卯金握天鏡春秋錄孔去卯金出軫握命孔符尚書

考靈曜帝命驗云賊起蜚卯生虎注賊始皇虎高祖

出軫有人椎起戴王英折旦失籥七其金虎東南紛紛
注精起昌光出軫已圖之上金虎喻秦君

什殷周漢興以來傳文未遠以所聞見伍唐虞而什殷

周煥炳郁郁莫盛於斯論衡佚文

總萬廷高皇攝政摠萬廷四海歸詠治威明文德道化

承天精元祚興隆協聖靈龍魚河圖

鳳舉高帝龍飛鳳舉於楚宋之間山東子弟為輔論衡國病

光武龍興鳳舉取天下若拾遺何以不及湯武論衡齊世

優五代堯以唐侯入嗣帝位舜以司徒因堯授禪禹以

司空緣功代舜湯由七十里文王百里武王為西伯襲

文王位五代之起皆有因緣力易為也高祖從亭長提

三尺取天下光武由白水奮威武海內無尺土所因

一位所乘直奉天命樂推自然此則起高於淵濬為深

於丘山也此方五代孰者為優論衡恢國

七制大哉七制之主其以仁義公恕統天下乎其役簡其刑清君子樂其道小人懷其生四百年間天下無二志其有以結人心乎終之以禮樂則三王之舉也文中蜀三傑徵士傳幹曰劉備寬仁有度能得人死力諸葛亮達治知變正而有謀而為之相張飛閔羽勇而有義皆萬人之敵而為之將此三人者皆人傑也以備之畧三傑佐之何為不濟也蜀志

天中記十一卷終

天中記卷之十二

朗陵陳耀文晦伯甫纂

四明屠隆緯貞甫校

誕聖

履跡詩含神霧曰太跡出雷澤華胥履之生宓犧宋均註曰雷澤地名華胥伏犧母孝經鈎命訣曰華胥履跡惟生皇犧註跡靈威仰之跡也履跡而生以為奇惟也青虹繞身庖犧所都之國有華胥之洲神母遊其上有青虹繞神母久而方滅即覺有娠歷十二年而生庖犧長頭脩目龜齒龍唇肩有白毫鬚垂委地拾遺仇夷山四絕孤立太昊之治伏犧生處道甲開伏犧人頭蛇身

以十月四日人定時生帝系譜

龍感炎帝神農氏姜姓也母曰任已有蟠氏女名曰女

登焉少典正妃游華山之陽有神龍首感女登於尚羊

生炎帝人身牛首長於姜水有聖德繼無懷之後世紀

帝魁孝經鈎命訣曰任已感龍生帝魁鄭玄曰任已帝

魁之母也魁神農名或仰不覩炎帝帝魁之美東京賦

電繞斗樞黃帝名軒北斗黃帝之精母地祇之女附寶

之郊野大電繞斗樞星耀感附寶生軒胷文曰黃帝子

河圖黃帝有熊氏少典之子姬姓也母曰附寶其先即

炎帝母家有蟠氏之女附寶見大電光繞北斗樞星照

於郊野感附寶孕二十四月而生黃帝於壽丘長於姬

水世紀司空季子曰昔少典取于有蟠氏生黃帝炎帝

帝以姬水成炎帝以姜水成成而異德故黃帝為姬炎

帝為姜二帝用師以相濟也異德之故也晉語孝經鈎命

訣曰附寶出降大靈生帝軒註電黃精軒轅氣也軒黃

帝名

虹流華渚春秋元命包曰黃帝時大星如虹下流華渚

女節夢接意感生白帝朱宣宋均曰華渚渚名也朱宣

少昊氏

渚為陵少昊生於稚華之渚其渚一旦化而為陵鬱鬱

葱葱焉休子

瑤光貫月顯頊高陽氏母曰景僕蜀山氏女為昌意正

妃謂之女樞金天氏之末世紀璿光之星如蜺貫月正白
感女樞于幽房之宮生黑帝顓頊河圖顓頊生十年而
佐少昊十二年而冠二十二而登帝位世紀閭丘叩對齊
宣王曰昔者顓頊行年十二而治天下新序
龍婚堯母慶都有名於世蓋大帝之女生於斗維之野
常在三河之南天偶大雷電有血流潤大石之中生慶
都長大形像大帝常有黃雲覆蓋之夢食不飢及年二
十寄伊長孺家出觀三河之首常若有神隨之者有赤
龍負圖出慶都督讀之云赤受天運下有圖人衣赤光
面八彩鬚髮長七尺二寸銳上豐下足履翼宿署曰赤
帝起成天下寶奄然陰風四合赤龍與慶都婚有媿龍

消不見既乳視堯如圖表及堯有知慶都以圖予堯春秋

合誠圖赤龍感之孕十四月而生堯於丹陵宋符瑞志

感樞星瞽瞍妻曰握登見大虹意感而生舜於姚墟故

姓姚氏世紀書帝命驗云姚氏縱華感樞注縱生也舜母

握登感樞星生舜重華樞如虹也河圖注命云握登見

大虹意生黃帝謂舜

流星貫昴崇伯鯀取有莘氏女謂之女志系志是謂脩

已山行見流星貫昴夢接意感又吞神珠意故胃拆而

生禹於石紐帝王紀鯀娶於有莘氏之女名曰女嬉年壯

未孽嬉於砥山得意故而吞之意若爲人所感因而姓

孕剖脅而產高密吳越春秋

月精女狄莫及石紐山下泉中得月精如雞子愛而吞

之遂孕十四月生夏禹開山圖

白帝精禹白帝精以星感帝命命星貫昴鈞命生發于

背繁首戴鈎鈐足文履已胃懷玉斗雜書靈姚氏以禹

胃有黑子如北斗鄭謂懷旋璣王衡之道戴鈐謂有骨

表如鈎鈐星也

吞卵高辛氏之世妃曰簡狄以春分玄鳥至之日從帝

祀郊禘與其妹浴於玄丘之水有玄鳥銜卵而墜之五

色甚好二人競取覆以玉筐簡狄先得而吞之遂孕匈

剖而生契受封于商宋符玄鳥翔水遺卵于流娥簡格

吞生契封商書中有娥氏有二佚女為之九成之臺飲

食必以鼓帝令燕往視之鳴若謚隘二女愛而爭搏之

覆以玉筐少選發而視之燕遺二卵北飛遂不及二女

作歌一終曰燕燕往飛呂覽音初

玄王衛彪侯見單穆公曰昔孔甲亂夏四世而殞玄王

勤商十有四葉今本而興帝甲亂之七世而殞后稷勤

周十有五世而興周語宗有司謂夏父弗忌曰自玄王以

及主癸莫若湯自稷以及王季莫若文武魯語賈逵注曰

玄王謂契也

白氣貫月契後十三世生主癸主癸之妃曰扶都見白

氣貫月意感以乙日生湯號天乙上感生黑帝湯河圖

狼星成湯母感狼星之精又感黑龍而成金樓子

履大人迹高辛氏之世妃曰姜嫄助祭郊禘見大人迹履之當時歆如有人道感已遂有身而三男以為不祥棄之阨巷羊牛避而不踐又送之山林之中會伐林者薦覆之又取而置寒冰土大鳥來以一翼藉覆之姜嫄以為異乃收養焉名之曰棄長為堯稷官有功於民宋志浚于豕牢后稷之孫曰公劉公劉之後十三世而生季歷季歷之妃曰太任夢長人感已浚于豕牢而生昌是為周文王上文公對胥臣曰昔者大任娠文王不變少浚于豕牢而得文王不加病焉文王在母不憂在傳弗勤處師弗煩事王不怒宋志生而有顓王子朝使告諸侯曰定王六年秦人降祆曰

周其有顓王亦克能脩其職至于靈王生而有顓王甚神聖無惡於諸侯左傳

吞王英漢高帝父曰劉執嘉執嘉之母夢赤鳥若龍戲已而生執嘉母名含始是為昭靈后昭靈后游於洛池有王鷄銜赤珠刻曰王英吞此者王昭靈后取而吞之又寢於大澤之陂夢與神遇是時靄電晦冥太公視之見蛟龍在其上遂有身而生季是為高帝宋志

夢龍據胃文帝母薄姬高祖召欲幸之對曰昨暮夢青龍據妾胃上曰我是也是貴徵吾為爾成之一御而生文帝漢書宋志

生猗蘭殿景帝坐崇方閣上有丹霞起赤龍盤棟間使

王夫人居之改崇方閣為荷蘭殿

漢武內事

得幸有娠夢日

入懷景帝亦夢高祖謂已曰王美人得子可名為彘及

生男因名焉是為武帝帝以乙酉年七月七日旦生於

荷蘭殿

故事

互見日類

生甲觀孝成皇帝元帝太子也母王皇后元帝在太子

宮生甲觀畫堂

本記

周世宗天清節百寮表曰候屬澄河

時當降聖是甲觀懸弧之日乃銅律禦戶之時

冊師古

曰甲者甲乙丙丁之次也元后傳言見於丙殿

嘉禾光武父欽初為濟陽令有武帝行宮常封閉上將

生欽以令舍下濕開宮後殿居之建平元年十二月甲

子夜上生時有赤光照室中畫欽異之使卜者

王長卜之長辟左右曰此善事不可言是歲嘉禾生一

莖九穗長大異於凡禾縣界大豐熟因名上曰秀是歲

鳳凰來集濟陽故宮皆畫鳳凰之瑞

東觀漢記

光武赤光照

室影如五麟七鳳

金樓子

神光之異晉元帝諱睿字景文世祖咸寧二年生于洛

陽初誕有神光之異一室盡明所籍藁如始刈

中興書

神光照室宋武帝居在丹徒始生之夜有神光照室其

夕并露降于墓樹皇考以高祖生有奇異名為奇奴皇

妣既殂養於舅氏改為寄奴焉

符瑞志

光屬天魏道武母賀氏初因遷徙遊于雲澤既而寢息

夢日出室內寤而見光日牖屬天歛然有感以建國三

十四年七月七日生於參台陂北其夜復有光明

本紀

天地氛氳孝文母李夫人皇興元年八月戊申生於平

城紫宮神光照於室內天地氛氳和氣充塞

上

日化龍統宣武母高夫人初夢為日所逐避於牀下日

化為龍統已數匝寤而驚悸既而有娠太和七年閏四

月生帝於平城宮

上

抱日梁武帝母張氏嘗夢抱日已而有娠遂產帝

南史紀

初后嘗於室內忽見庭前昌蒲生花光彩照灼非世中

所有后驚視謂侍者曰汝見不對曰不見后曰常聞見

者當富貴因遽取吞之是月產高祖將產之夜后見庭

內若有衣冠陪列焉

梁傳

紫胞孝元帝母阮脩容帝母在采女次侍始褰戶幔有

風回裾武帝意感幸之采女夢月墮懷中

一六夢龍單其床遂

孕天監七年八月丁巳生帝舉室中非常香有紫胞之

異武帝奇之因賜采女姓阮進為脩容

南史紀

從來甚異隋高祖母呂氏以大統七年六月癸丑夜生

高祖於馮翊般若寺紫氣充庭有尼來自河東謂皇妣

曰此兒所從來甚異不可於俗間處之尼將高祖舍於

別館躬自撫養皇妣嘗抱高祖忽見頭上角出徧體鱗

起皇妣大駭墜高祖於地尼自外入見曰已譎我兒致

今晚得天下

隋紀

紫氣充庭唐高祖以後周天和元年十一月丁酉生於

長安是日紫氣充庭神光照室冊

慶雲見太宗以隋開皇十八年歲次戊午生于武功之

列館初太宗在孕而語聲達于外后心異之將誕育后

不之覺而太宗已生有慶雲見彌漫數里上属于天二

龍戲于門外水中經三日乃冲于天而去見者譙焉上

千秋節玄宗以垂拱元年八月五日生於東都開元十

七年八月癸亥宴百寮於花萼樓下丞相源乾曜張說

上表曰少昊暮流虹之感商湯本玄鳥之命陛下二氣

合神九龍浴聖月惟仲秋日在端五常星不見之夜祥

光照室之朝請以為千秋節著之甲令布之天下咸令

宴樂群臣以是日獻甘露醇酎上萬歲壽酒王公戚里

進金鏡綬帶士庶以結絲承露囊相遺問村社作壽酒

宴樂名為賽白帝報田神上明玄天光啓大聖下彰皇

化垂裕無窮帝手詔報曰凡是節日或以天氣推移或

以人事表記當朕生辰卿等請為令節上獻嘉名自我

作古是為美事依卿來請宣付所司唐實錄

金鑑錄張九齡表云千秋節日王公以下悉以金寶鏡

進獻臣愚以謂明鏡所以鑑形往事所以鑑心臣敢緣

此義謹于生辰節上事鑑十章名曰千秋金鏡錄雖聞

見褊淺所擇不深至于區區效愚庶乎萬一李集

諷諭玄宗誕日崔日用采詩大小雅二十篇及相如封

禪書獻之借以諷諭且勸告成詔賜衣物

天長天寶七載百官蕭照等請改千秋節為天長節從
之實獨孤及于肅宗初天長節進鏡表云當白露戒序
之秋是黃河澄清之日臣幸逢嘉節願展微誠謹進二
鏡一獻聖皇一獻陛下輒以愚悃上續聖壽伏以聖皇
執契垂化有如金玉之式陛下時乘御天騁飛龍于國
步故以金龍飾鏡以表聖德伏冀纖塵莫翳朗鑒常懸
掛仙臺如日之昇含萬物而無私不照華英
賦詩張彙千秋鏡賦伊惟仲秋日在端午我皇帝出震
蘭殿誕應紫微祥光夜合佳氣晨飛華英張說皇帝誕日
集賢殿宴詩曰瑞表壬寅露光傳甲子宵南詩鳳紀
編生日御氣雲樓敞含風綵仗高

天成地平節玄宗在東宮為太平公主所忌宮中左
持兩端而潛附太平者必陰伺察事雖纖介皆聞于上
太子心不自安后時方娠太子密謂張說曰用事者不
欲告多息胤恐禍及此婦人密令說懷去胎藥而入太
子於曲室躬自煮藥醺然似寐夢神人覆鼎既寤如夢
如是者三太子異之以告說說曰天命也無宜他慮既
而太平誅后果生肅宗舊書肅宗以景雲二年九月三
日乙亥生于東宮之別殿祥光照室即位後號天成地

節冊
府

天興節肅宗吳皇后坐父事没入掖庭開元二十二年
玄宗幸忠王邸見王服御蕭然傍無媵侍命高力士選

被庭宮人以賜之而吳后在籍中舊頃之后侍寢厭不寤吟呼若有痛氣不屬者肅宗呼之不解秉燭視之良久方寤肅宗問之后手掩其左脇曰妾向夢有神人長文餘介金操劔謂妾曰帝命與汝作子自左脇以劔決而入腹痛殆不可忍及今未之已也肅宗驗之于燭下有若縱而赤者存焉遂生代宗柳氏舊聞代宗以開元十四年十月十三日生於東都上陽宮之別殿玄宗幸汝州之温湯有望氣者云宮中有天子氣玄宗即日還宮是夜帝降誕冊獨孤及表置天興節其日慶雲見常袞賀表曰十月良月遠膺盈數之期後天奉天近和下元之曆從風蕭索抱日縈迴色涵流渚之虹影雜繞樞之電

講三教德宗不立節止于群臣稱觴上壽樂德宗孟夏

十四日降誕節昭義節度使王虔休獻繼天誕聖樂侯

嘉作獻壽文王

聖壽節頌宗正月二十日號聖壽節齊抗

進衣憲宗亦不置節名元和七年二月降誕日宰臣舉

舊制例進衣一副李吉甫獨進馬二疋賜通天犀帶一

條金石凌一合寶

賀太后穆宗七月六日降誕太常禮院奏准故事合休

假上從之先是尚書左丞常綬以東朝舊恩多所陳奏

請降誕日請百官詣光順門先賀皇太后然後上皇帝

壽書之史冊光示萬古帝欣然納焉其後竟以降誕受

賀禮無所據罷之上

慶成節文宗太和七年八月中書門下奏云陛下馭三統之元膺千年之連當誕聖之日為河清之祥夫四時成歲百穀成實必在首冬用成神化臣等請以十月十日為慶成節是日於宮中奉迎太皇太后與昆弟諸王盛陳宴樂群臣詣延英門奉觴上千萬歲壽州府置宴一日上悅從之上

慶陽武宗六月十一日生號慶陽節

壽昌宣宗六月二十二日壽昌節

延慶懿宗十月十四日延慶節

應天僖宗五月八日應天節

嘉會昭宗三月二十二日生龍紀元年帝載誕之日群臣表為嘉會節從之群臣表賀曰陛下德邁方圓道融三五因社鳴而正位逢井聚以樂推值清明馭氣之時當仁壽悅隨之始固可同在鶴筭歲比山呼永符垂拱之風長保後天之慶

乾和哀帝九月三日號乾和節群臣表曰陛下九五飛龍四三應運國稱利見天表殊休當誕聖之日感真人以衛室居在藩之際實羽容以獻符敢循故典爰定美文

萬壽唐莊宗以天啓元年十月癸亥生于晉陽宮在妊時太后常夢神人黑衣擁扇夾侍左右載誕之辰紫氣

天中言
出于庭戶即位以誕日為萬壽節

應聖明宗九月九日號應聖節

千春末帝正月二十三日生清泰元年九月日宰臣李愚等表曰以獻歲元正三月是倚蘭降聖之辰梅花映雪于上林椒酒迎春于秘殿謂于是月特舉嘉名請以降聖日為千春節從之

天和晉高祖二月二十八日生馮導等表曰斗柄正邪律吹仲春當帝王出震之方是天地同和之日請以其日為天和節庶夫稱觴萬壽稍申將順之心節配四時永洽好生之德從之

啓聖少帝六月二十一日生馮導等表曰大電繞垣

后繼羲農之運五星聚井貞人啓文景之基昌圖允怡于千年嘉慶宜光於載誕當大雨時行之日乃常星不見之辰請以其日為啓聖節使北角天涯望南山而祝壽九州四海仰北極以傾心從之

聖壽漢高祖二月四日號聖壽節

嘉慶隱帝三月初九日生百寮上表曰色變長瀾啓皇靈之寶構光流華渚開聖緒於瑤圖當九龍浴聖之辰是五緯聯光之夕凡蒙地載共祝天長請以其日為嘉慶節從之

永壽周世宗九月二十四日生百寮上表曰壽丘降跡爰符出震之期里社應祥式契乘乾之運候屬澄河時

當降聖鰈水鷓林望堯雲而獻祝栢主殺璧趨禹會以
駿奔請奉是日為天清節所冀金相王振負寶曆以彌
新地久天長煥天編而不朽從之

天壽帝八月四日生名夫壽節

長春唐明帝登極每夕於宮中焚香祝天曰某胡人因
亂為衆為推願天早生聖人為生民主明年丁亥二月
十六日宋太祖生于洛陽夾馬營初太祖母杜氏夢日
入懷而孕生之夕神光照室胞如齒蓄金被金色三日
不變異香馥郁經月不散人因號其地為香孩兒營受命
建隆元年群臣上表云軒帝生于壽丘發統樞之異
夏禹誕于石紐流貫鼎之祥吳不炳耀靈符延長寶曆

諒惟聖德允協昌符請以二月十六日為長春節長編

乾明太宗母杜氏夢神人捧日以授已而有娠遂主帝

於浚儀官舍是夜赤光上騰如火閭巷聞有異香時晉

天福四年十月十七日甲辰也宋史太平興國二年五月

宰臣上表云乾元發祥萬物資始以聖繼聖謂之大明

願合二義之稱用表無疆之慶請以十月十七日為乾

明節淳化元年政為壽寧節田錫獻祝壽詩

承天初乾德五年五星如連珠聚于奎當魯分從鎮星

辰見東方占曰有德受慶大人奄有四方子孫蕃昌明

年正月元德皇后李氏夢以裙承日有娠十二月二日

生貞宗於開封府第赤光照室左足指有文成天字至

道三年即位八月以生日為承天節群臣上壽於崇德殿晏殊作承天節述聖賦楊億作承天節頌

乾元仁宗母李氏夢一羽衣之士跣足從空而下云來為汝子時上未有嗣聞之大喜云當為汝成之是夕召幸有娠明年四月十四日生仁宗而幼年每穿履鞮即亟令脫去常徒步禁中嘗呼為赤脚仙人蓋古之得道李君也一云仁宗以祥符三年生章懿夢二日在天其一忽墜以裙承之乾興元年帝即位二月宰臣丁謂等上表云王瑤誕祥式契貫星之兆璿樞紀曆爰標出震之期陛下清寧毓粹聰哲凝華候回炎律氣應薰風離德之融輝仰榮河之啓瑞請以四月十四日為乾元

節從之天聖五年八月趙良規上乾元節祝聖壽賦召試學士院十四日賜及第 貞宗未有仁宗嘗遣左璫詣茅山祈嗣遇王異人言王貞人已降生于宋朝璫問王貞人本是何人曰古燧人氏章懿亦夢羽衣數百人從一仙官自空而下曰此托生于夫人及生宮中火光燭天始行步常持槐木簡以筋鑽之貞宗問何用曰試鑽火耳帝顧后妃曰異人之言信不虛矣

元符宮石刻

壽聖英宗濮王允讓子也天聖十年正月三日生于宣平坊赤光滿室或見黃龍游光中初王夢兩龍與日並墮以衣承之復戲于空中其一龍視王曰吾非王所能有後仁宗立為皇子

事嘉祐八年即位宰臣請以生日

為壽聖節詔答曰赤制告圖肇承題序青煇動陸俯協
誕期卿等緣華封之素祝建壽聖之嘉名是用依允治
平元年正月己亥親王樞密以下詣垂拱殿宰臣百官
以下及契丹使詣紫宸殿上壽

同天神宗慶曆八年四月十日生於濮王宮群鼠吐五
色氣成雲治平四年正月即位二月宰臣等表曰誕聖
題期表靈源之濬發揆時紀節昭皇德之開光當正陽
統月之辰乃甲觀襲祥之日慶由運會道與天同請以
其日為同天節熙寧元年垂拱紫宸殿上壽史事當神
宗之未生也武夷山道士吳懷王有道術指武夷君像
曰歲在戊子降為人主又指魏王像曰三十有八載當

繼世御極撫平四海後其語皆驗武夷志 宋建守陳豐

過武夷山詩昇真洞口接天門靈草丹桃日日春聽說

列仙來瑞世三朝德業在斯民蓋真宗神宗哲宗皆武

夷仙真應世故有三朝德業之句方輿勝覽

興龍哲宗十二月八日生宰臣表云夢日儲祥預席有

開之慶奉符踐祚適丁利見之期請以其日為興龍節

天寧徽宗以十月十日生宰臣章惇等表曰詩紀生民

易稱出震時惟陽月瑞集樞星肇開震風之祥永御光

華之旦離明繼照敷同四海之歡天德出寧咸祝萬年

之節請以其日為天寧節互見五月五日

乾龍欽宗四月十三日乾龍節

天申高宗建炎元年以五月二十一日為天申節詔寢
 上壽禮群臣拜表稱賀吳芾表云華諸呈祥預紀有開
 之慶薰風從律式逢載夙之辰史事高宗帝后生也徽
 宗夢吳越王引御衣云我好來朝使留住我終須還我
 山河夢覺與鄭后言朕夜來被錢王乞取兩浙甚急鄭
 后奏云昨夜帝妃生子及建炎渡江都錢塘百有餘年
 豈非應乞兩浙之夢乎貴耳集洪皓在北買一妾東平人
 借其母來魯侍明節劉后言帝后初生高宗時夢金甲
 神人自稱錢武肅王即錢鏐也年八十一高宗亦年八
 十一卜都錢塘事不偶然湖海新開
 會慶孝宗太祖七世孫也父秀乃王母張氏夢府君擁一

赤羊來遺之曰以此為識已而有娠以建炎元年十月
 二十二日生于秀州青衫牖之官舍紅光滿室如日正
 中紹興三十二年受禪八月以生日為會慶節十月詔
 節日權免上壽吳芾表云祐格高穹方啓明昌之運慶
 鍾良月聿逢震夙之期史事秀州外醫張浩云少為德
 清閭官一日過嘉興忽覩丞廳赤光照天疑為回祿亟
 入視之乃趙縣丞室中適免娠是誕育孝宗也揮塵
 重明光宗以九月四日為重明節
 瑞慶寧宗以十月十九日為瑞慶節
 天基理宗以正月五日為天基節
 乾會度宗理宗兄榮王子也方母娠時有飛語遂密使

女醫治藥毒之而榮王不知也煮藥者見有金龍于上
知將生貴人懼不敢煮因傾瀉其器以故得不進遂產
孟啓孟啓度宗舊諱也結志景定五年即位十二月甲
辰詔以生日為乾會節史

天瑞恭帝以九月生日為天瑞節史

降誕誕大也天子生日降誕五篇

夫謂生為降似矣乃曰降誕謂天子之生之大耶書
多方乃大降罰崇亂有夏大降顯休命於成湯亦
可云誕降耶

謝宣遠答靈運詩華宗誕吾秀之子紹前胤南齊紀
天誕叡聖河嶽炳靈魏高方氏頌誕茲令胤幽感

孔昭 以誕為生此外無多見玉篇黃韻

左思贈妹詩戔戔令妹應期誕疑本論此生陸機詩誕育洪曹
纂成魯左九嬪誅篤生公主誕膺休禎若以重為

詩書中凡云誕者乃也濶也欺也生民詩上文明言
載生載育故下文云誕彌厥月誕實之隘巷誕皆訓

大非訓生育也今人直謂慶生為慶誕生辰為誕節
是為慶大與大節矣類小按大禹謨帝乃誕敷文德

則訓乃亦非
書武成云誕育天命以撫方夏又云惟九年大統未

集大誥云有大艱于西土殷小腆誕敢紀其序又云
天降戾於周邦惟大艱人誕隣胥伐於厥室康誥云

天乃大命文王殪戎殷誕受厥命多士云誕淫厥泆罔顯于天惟時上帝不保降若茲大喪多方云有夏誕厥逸乃大淫昏不克終日又云誕作民主罔可念聽惟求爾多方大動以威康王之誥云改大邦殷之俞惟周文武誕受美若按書大誕多連言之則誕字訓大似不可拘拘如孔傳毛鄭所云也

朱氏曰生民之什多誕字皆訓大後有不甚通者疑

但發語詞呂氏讀詩記按此說似是誕先登於岸依毛鄭

注則牽強矣上靈不替朕命誕敢不祗承後張衡語

書無逸云乃諺既誕孔安國曰欺誕也荀子脩身篇

曰匿行曰詐易言曰誕淮南說林云管子以小辱成

大榮蘇秦以百誕成一誠許慎說文詞誕也袁宏漢

紀云西方有神其名曰佛世俗之人以為虛誕劉

峇盧謔書然後知聃周之為虛誕嗣宗之為妄作文

士傳阮籍放誕有傲世情晉中興書孫承公少誕任

不羈晉陽秋羅友誕肆非治民才孫楚莊周贊謾弔

鼓正放此誕言世說有任誕篇宋符瑞志武帝少時

誕節嗜酒魏大武紀沙門之徒假西戎虛誕坐致妖

孽此誕字正解也習非不悟特詳正之

符命

五星入昴堯在位七十年將以天下禪舜乃潔齋脩壇

塲于河雒率舜等升首山遵河渚有五老游焉蓋五星

之精也相謂曰河圖將浮龍啣玉苞刻版題命可卷金
泥王檢封書成知我者重瞳黃姚視五老飛為流星上
入昴宋書比考識任彥昇宣德皇后令五老游河飛星
入昴互見星門

李翰注云堯見五老入于河一老人曰河圖將來告
帝期又一日河圖推龜告帝謀又一日山川魚鰲荷
聖恩又一日河圖推龍銜玉繩歌訖五老飛于天入
于昴不知出何典記海錄碎事引之

得王曆舜耕于曆山得王曆于河際之巖舜知天命在
已体道不倦搜神記耕于曆夢眉長与髮等宋志
擁璿舜在位十有四年奏鍾石笙篥未罷而天大雷雨

疾風發屋拔木桴鼓播地鐘磬亂行舞人頓伏樂正狂
走舜乃擁璿持衡而笑曰明哉夫天下非一人之天下
也亦乃見于鐘石笙篥乎乃薦禹于天使行天子事舜
乃設壇于河依堯故事至于下畀榮光休氣至黃龍負
圖出于壇畔赤文綠錯其文言當授禹宋志
神降夏道將興青龍止於郊祝融降于崇山國語
天變禹將受位天意大變迅風靡木雷雨晝冥以明將
去虞而適夏也樂稽曜嘉
白狼銜鈎白虎通湯背有四肘在亳能脩其德東至於洛觀帝
堯之壇沉璧還立黃魚雙踴黑鳥隨魚止于壇化為黑
玉又有黑龜竝赤文成字言夏桀無道湯當代之擣杵

之神見于邳山有神牽白狼銜鉤而入商朝金德將盛
鑿自山溢湯將奉天命放桀夢及天而錫之遂有天下

宋志

赤爵銜書初黃帝之世讖言曰西北為王期在甲子昌
制命發行誅且行道及公劉之後十三世而生季歷季
歷之十年飛龍盈於殷之牧野此蓋聖人在下位將起
之符也子昌為西伯作邑于豐文王之妃曰太如夢商
庭生棘太子發植梓樹於闕間化為松柏棫柞以告文
王文王幣率群臣與發並拜告夢季秋之甲子赤爵銜
書及豐置于昌戶昌拜稽首受其文要曰姬昌蒼帝子
亡殷者紂竹書季秋之月甲子赤爵銜丹書入于鄴止于

昌戶其書云敬勝怠者吉怠勝敬者滅義勝欲者從欲
勝義者凶凡事不強則不枉不敬則不正枉者廢滅敬
者萬世以仁得之以仁守之其量百世以不仁得之以
仁守之其量十世以不仁得之不仁守之不及其世尚書

帝命驗

鳳銜書有鳳凰銜書游文王之都書又曰殷帝無道虐
亂天下皇命已移不得復久靈祇遠離百神吹去五星
聚房昭理四海宋志

魚鳥武王伐紂度孟津中流白魚躍入王舟王俯取魚
長三尺目下有赤文成字言紂可伐王寫以世字魚文
消燔魚以告天有火自天止于王屋流為赤鳥鳥銜穀

馬穀者紀后稷之德火者燔魚以告天天火流下應以吉也遂東伐紂勝於牧野兵不血刃而天下歸之上武王得白魚喉下文曰以予發論衡

魚水精白者殷之色也烏者孝烏赤者周之應氣也先得白魚後得赤烏殷之統絕色移在周矣世見武王伐紂出遇魚烏則謂天用魚烏使武誅紂蓋魚遭自躍王舟逢之火偶為烏王仰見之非魚聞武王之德而入其身烏知周家當起集於王屋也論衡

赤虹化玉魯哀公十四年孔子夜夢三槐之間豐沛之邦有赤煙氣起乃呼顏淵子夏往視之驅車到楚西北范氏街見芻兒摘麟俛其左前足薪而覆之孔子曰兒

來汝姓為赤誦名子喬字受紀孔子曰汝豈有所見耶兒曰見一禽巨如羔羊一頭上有角其末有肉孔子曰天下已有主也為赤劉陳二氏為輔五星入井從歲星兒發薪下麟示孔子孔子趨而往麟蒙其耳吐三卷圖廣三寸長八寸每卷二十四字其言赤劉當起曰周亡赤氣起大耀興玄丘制命帝卯金孔子作春秋制孝經既成使七十二弟子向北辰星盤折而立使曾子抱河洛事北向孔子齋戒向北辰而拜告備于天曰孝經四卷春秋河洛凡八十一卷謹已備天乃洪鬱起白霧摩地赤虹自上下化為黃玉長三尺上有刻文孔子跪受而讀之曰寶文出劉季握卯金刀在軫北字禾子天下服宋志

孔子夢三槐間豐沛市有赤虺起呼顏淵子夏往觀之
見赤蛇化為黃金上有文曰卯金刀後高祖起豐沛樓
子哀公時西狩新者獲麟擊錫左足將以示孔子孔子
見俛而泣抱麟曰爾孰為來哉孰為來哉反袂拭面仰
視其人龍顏日角夫子奉麟之口須臾吐三卷圖一為
赤伏劉季興為王二為周滅夫子將終三為漢制制作
孝經夫子還謂子夏曰新主將起其人如得麟者操琴
天子氣占氣者云山東有天子氣秦始皇乃東遊欲以
厭之漢紀高祖即自疑七匿隱於芒碭山潭巖石之間呂
后與人俱求常得之高祖怪問之呂后曰季所居上常
有雲氣故從往常得季高祖心喜沛中子弟或聞之多

欲附者矣漢史

抱朴子云班史云呂氏望雲而知高祖所在天豈獨
開呂氏之目而掩眾人之目耶

天授初劉媪妊高祖而夢與神遇震電晦冥有龍蛇之
怪及長而多靈有異於眾是以王武感物而折契呂公
觀形而進女秦皇東游以厭其氣呂后望雲而知所處
始受命則白蛇分西入關則五星聚故淮陰留侯謂之
天授非人力也王命論俱姬宗之在水滸也鸞鷲鳴於
岐山劉姓之在中陽也蛟龍降於豐澤通史
朱光赫矣高祖肇載天祿沈跡中鄉飛名帝錄慶雲應
輝皇階授木形雲晝聚素靈夜哭金精仍頽朱光以渥

功臣 始起沛澤則神母夜號以彰赤帝之符王命論

徵應蓋在高祖其興也有五一曰帝堯之苗裔二曰體

貌多奇異三曰神武有徵應四曰寬明而仁恕五曰知

人善任使

大橫文帝初為代王丞相太尉共誅諸呂使人迎之帝

報太后計猶豫未定卜之兆得大橫占曰大橫庚寅余

為天王夏啓以光帝曰寡人固已為王又何王乎卜人

曰所謂天王者天子也漢書

白衣天子昭帝元鳳二年太山有大石自起立上林有

祁樹枯僵自起生枝葉蟲齧其葉成文曰公孫蒨已立

陳留襄邑王社忽移至長安博士晁孟占之曰石陰類

太山岱宗王者禪代之處將有廢故之家姓公孫名病

已從白衣為天子者時昭帝幼少霍光輔政以孟妖言

誅之及昭帝崩昌邑王又廢光立宣帝武帝曾孫本名

病已在民間白衣三世如孟言焉漢書

雉集秦文公時陳倉人獵得獸若彘不知名牽以獻之

逢二童子童子曰此名為媚宋志常在地中食死人腦

即欲殺之拍捶其首媚亦語曰二童子名陳寶得雄者

王得雌者霸陳倉人乃逐二童子化為雉雌上陳倉北

坂為石秦祠之列異傳其雄者飛至南陽其後光武

起於南陽搜神記

宋志云穆公得之至文公立祠文是穆遠祖也大誤

白水真人哀帝時夏賀良上言漢家歷運中衰當再受命於是改號為太初元年稱陳聖劉太平皇帝以厭聖之及王莽篡位忌惡劉氏以錢文有金刀故改為貨泉或以貨泉字文為白水真人後望氣者蘇伯阿為王莽使至南陽遙望見春陵郭喏曰氣佳哉鬱鬱葱葱然及始起兵還春陵遠望舍南火光赫然屬天有頃不見初道士西門君惠李守等亦云劉秀當為天子後紀徵符世祖之興有四一曰帝皇之正統二曰形相多異表三曰體文而知武四曰履信而好士若其徵符初育則靈光鑒于室隩嘉禾滋于邑壤其望舊廬有火光之異其渡呼沱有河合之應西門君惠光識其諱強華

符千里同驗劉歆改名而隕其身王長錯卦而見吉兆故王遵謂之天授非人力也傳幹王命論俱見後書

嘉禾生懷帝初載嘉禾生于南昌望氣者又云豫章有天子氣及國家多難宗室迭興皆卒於傾覆而懷帝以豫章主登天位劉向之讖云滅亡之後有少而水名者得之起事者據秦川西南乃得朋按愍帝蓋秦王之子得位於長安固秦地也而西以南陽王為右丞相東以琅邪王為左丞相上諱業故改鄴為臨漳漳水名也由此推之亦有徵祥而皇極不建禍辱及身豈上帝臨我而貳其心將由人能弘道非道弘人者乎淳耀之烈妹渝故大命重集于元帝晉紀論

真人之應初秦始皇東巡濟江望氣者云五百年後江東有天子氣出於吳而金陵之地有王者之勢於是秦始皇乃改金陵曰秣陵鑿北山以絕其勢孫權之稱號自謂當之孫盛以為始皇逮于孫氏四百三十七載考其歷數猶為未及元帝之渡江也乃五百二十六年真人之應在於此矣晉紀

湖開吳之未七也吳郡臨平湖一旦自開湖邊得石函中有小青石刻作皇帝字舊言臨平湖塞天下亂開則天下大平吳人以為美祥俄而吳滅後元帝興於江左吳七後蔣山上常有此雲數術者亦云江東猶有帝王氣宋志元帝渡江望氣者云蔣山紫氣時時晨見庾闡揚

梓樹更榮松陽門內有大梓樹大四十五圍舉樹盡枯

死永嘉中一旦忽更榮茂太興中元帝果繼大業豫章記

槐木蒼于豫章庾仲初樊梓擢秀于祖邑宣帝祖為豫

章太守故云祖邑郭璞南王廙為鄱陽太守有枯樟樹

更生王敦表勸進中宗曰皓獸應瑞而來臻樟樹久枯

而更榮臧榮緒

雀登鷄背中宗為丞相時有鷄雛者而雀飛集其背驅

而復來如此再三占者云鷄者酉酉者金火雀變而來

赴之即王踐祚之象也又云元帝時三雀共登一雄鷄

皆三入安東廳占者以為當進三爵為天子洞林記

青氣出社武帝咸寧元年大風吹帝社樹折有青氣出

社中占者以為東筦有天子氣時琅邪武王伯封東筦
伯元帝祖也初武帝伐吳琅邪武王伯率眾出塗中而
王渾逼歷陽王濬已次近路孫皓欲降送天子璽綬近
越二將而遠送詣伯識者咸怪之宋志

倒柳忽生康寧初為吳王成帝咸和六年五月曲阿有
柳樹倒地六載是月忽復起生九年五月甲戌吳雄家
有死榆樹是日因風雨起生與漢上林斷柳起生同象
于時雖改封琅邪而猶食吳郡為邑是帝超正體饗國
之象也曲阿先亦吳地象見吳邑雄之舍皆天意也晉志
僵栗起生孝武帝始四歲時哀帝興寧三年五月廬陵
西昌縣脩明家有僵栗樹是日忽復起生及得位嗣統

識者竊曰西昌脩明之祥帝諱實應之矣是與漢宣帝
同象也上

神告玉璧晉安帝時冀州釋法稱將死告其弟子晉嚴
曰嵩山神告我江東有劉將軍漢家苗裔當受天命吾
以璧三十二枚并鎮金一餅與之劉氏卜世之數也嚴
告同學法義法義以義熙十三年于嵩廟石壇下得玉
璧三十二枚三十二者二三十也宋有天下相承八帝
享祚六十年廣古今五行記

社樹重盛漢光武社於南陽漢末而其樹死劉玄德有
蜀乃應之而興及晉季年舊根始萌至宋武初而盛續
醉卧異形宋武少時誕節嗜酒自京都還息於逆旅逆

旅姬曰室內有酒自入取之帝入室飲於盎側醉卧地
 時司徒王謐有門生居在丹徒還家亦至此逆旅逆旅
 姬曰劉郎在室內可入共飲酒此門生入室驚出謂姬
 曰室內那得此異物姬遽入之見帝已覺矣姬密問向
 何所見門生曰見有一物五采如蛟龍非劉郎即門生還
 以白謐謐戒使勿言而與結厚宋志帝素貧嘗負刀遶社
 錢三萬經時無以還被逵執謐密以已錢代償由是得

釋南史

龍章武帝嘗游京口竹林寺獨卧講堂前上有五色龍
 章衆僧見之驚以白帝帝獨喜曰上人無妄言行止時
 見二小龍附翼樵漁山澤同侶或亦覩焉及貴龍形更

大又經客下邳逆旅會一沙門謂帝曰江表當亂安之
 者其在君乎

乘龍逐日齊高帝年十七時嘗夢乘青龍上天西行逐
 日宋明帝遣孫奉伯夢上乘龍上天於下捉龍脚不得
 及覺叙夢因謂曰兗州當大庇生靈而弟不得與也南紀

天十九子參軍崔靈運夢天謂已蕭道成是我第十九
 子我去年已使授其天子位考自三皇五帝以降受命
 之次至帝為十九也上元徽四年帝為領軍從南郊望
 氣者陳安寶見太祖身上黃紫氣屬天安寶謂親人王
 洪範曰我少來未嘗見軍上有如此氣也志

九錫齊太祖在淮陰里城塹掘得古錫九枚下有篆書

荀伯玉諸人皆不能識時紀僧貞獨言曰何須辨此久遠之物錫而有九九錫之徵也帝喜而賞之

談

天墜玉璽昇明三年四月二十四日滎陽郡人尹千於嵩山東南隅見天雨石墜地石開有玉璽在其中璽方三寸文曰戊丁之人與道俱肅然入草應天符掃平河洛清魏都又曰皇帝運興千奉璽詣雍州刺史蕭赤斧赤斧以獻

南史紀

異夢武帝諱願字宣遠小諱龍兕生於建康青溪宅其夜陳孝后劉昭后同夢龍據屋上故字上馬

南齊紀

年十

三夢舉體生毛髮生至足又夢人指上所踐地曰周文王之田又夢虛空中飛又夢着孔雀羽衣庾温云雀爵位也又夢鳳皇從天飛下青溪宅齋前兩翅相去十餘丈翼下有紫雲氣及在襄陽夢着桑屐行度太極殿階庾温云屐者運應木也及在郢州夢人從天飛下頭插筆來畫上衣兩邊不言而去庾温釋云畫者山龍筆蟲也

志

居室雲氣梁武帝坐而有異光狀貌殊特日角龍顏重岳虎顧舌文八字項有浮光身映日無景兩髀駢骨項上隆起有文在右手曰武帝為兒時能蹈空而行及長所居室中常若雲氣人或遇者體輒肅然初為衛軍王儉一見深相器重謂何憲曰此蕭郎三十內當作侍中出此則貴不可言王融識鑒過人尤敬異帝謂所親曰

天中記

卷之三

宰制天下必在此人行經牛渚逢風入泊龍瀆有一老人謂帝曰君龍行虎步相不可言天下方亂安之者其在君乎問其名氏忽然不見南史
六龍守柱初齊高帝夢履而登殿顧見武明二帝後一人手張天地圖而不識問之荅曰順子後及崔慧景之逼長沙宣武王懿入援至越城乘馬飛半天而墜帝所馭化爲赤龍騰虛獨上時臺內有宿衛士爲覲常見太極殿有六龍各守一柱末忽失其二後見在宣武宅時宣武爲益州覲乃往蜀伏事及宣武在郢此覲還都乃見六龍俱在帝所寢齋遂去郢之雍中途遇疾且死謂同侶曰蕭雍州必作天子具以前事語之上

手文王字隋文帝爲人龍顏額上有五柱入頂目光外射有文在手曰王周文帝見而歎曰此兒風骨不似世間人定州城門久閉不行齊文宣時或請開之以便行路文宣不許曰當有聖人來啓之及帝除摠管至而關之莫不驚異隋書

唐興西京朝堂北頭有大槐樹隋曰唐興村門首文帝移長安城將作太監高頰常坐此樹下檢校後栽樹行不正欲去之帝曰高頰坐此樹下不須殺之至今先天一百三十年其樹尚在柯葉森竦根株盤礴與諸樹不同承天門正當唐興村門首今唐家居焉朝野僉載武德初太行山大聲曰唐國興理萬年太原事跡雜記

天子氣隋末望氣者云龍門有天子氣連太原甚盛故
煬帝置離宮數遊汾陽以厭之後高祖起義兵汾陽遂
有天下咸定錄

阿婆隋煬帝與神堯俱是獨孤外家後因賜宴煬帝於
衆中因戲神堯神堯高額面皺帝曰爲阿婆面神堯忿
恚快悵歸語竇后竇后欣躍曰公封於唐阿婆乃是堂
主堂者唐也神堯喜悅與秦齊諸王私相賀焉芝田錄

空中言是天子唐高祖仗隋爲殿內少監時尚食奉御
郭弘道善相言於高祖曰公天中伏犀下接于眉此非
人臣之相高祖取弘道銀盆置地引弓射之謂曰向言
有驗當一發中之既發應弦而中弘道曰願公事驗之

日賞賜金盆高祖大悅後爲太原留守鎮并州時武士
護詰朝嘗於街內獨行聞空中有言曰唐公是天子士
護尋聲不見有人乃以白高祖并進兵書高祖悅之其
夜士護夢高祖乘龍上天旦以狀聞高祖大悅于是出
入卧内妾以心腹後起兵太原次臨汾去絳郡二十餘
里有紫雲如華蓋樓閣之形正臨高祖之上

石中靴迹武德六年車騎將劉山濤上書言高祖龍潛
時數往來洛郊之庄曾踐二石靴迹見于石中至今猶
在高祖令鑿之深二寸餘其迹愈明乃止

名在圖籙許世緒并州人見隋祚將亡言於高祖曰天
道輔德人事與能蹈機不發必貽後悔今隋政不綱天

下昂沸公姓當圖錄名應歌謠舊唐竇抗與高祖少相親
狎及楊玄感作亂高祖統兵隴右抗言於高祖曰玄感
抑為發蹤耳李氏有名圖錄可乘其便天之所啓也高
祖曰無為禍始何言之妄也上

帝王之徵高祖將舉義師西入長安夜夢忽身死墜于
床下為群蛆所食及覺甚惡之乃詣智滿禪師而密語
之滿即賀曰公得天下矣帝大驚謂滿曰何謂也滿曰
人臣不敢直指天子故曰陛下死是斃也墜床是下也
蛆趨附也群蛆共所食者是億兆趨附至尊之象也甚
吉又曰貧道為沙彌日嘗工易今敢為公占之及卦成
曰得乾飛龍在天又是帝王之徵也帝至霍邑又夢

馬無數飛滿空中帝問是何軍伍對曰是公身中之神
也若無此何以威制天下言訖並飛入帝身帝覺召太
宗言之復曰吾事濟矣太宗拜於前連呼萬歲者數四
帝復大悅其後即位即命復營其寺賜額為興義寺以
太原帝舊宅產業並賜之永充常住今之寺內見有圓
夢堂及塑師像並存洛中紀異

服泰階義寧二年五月甲子高祖即位木宮曰甲水宮
日子支干相生成字為李雖子卯不舉而以是為戒此
臣子所以服泰階也顧况高祖造唐表

命名高祖之臨岐州太宗時年四歲有書生自言善相
謁高祖曰公貴人也且有貴子見太宗曰龍鳳之姿天

日之表年將二十必能濟世安民矣高祖懼其言世將

殺之忽失所在因採濟世安民之義以為名焉唐咸

太宗生太宗為秦王高祖有製詩云聖德合皇天五宿

連珠見和風拂世民上下同歡宴帝于宮西造宅初成

高祖送王璽以至于帝所縉紳相謂曰詩及王璽蓋秦

國之祥瑞者歟府册

龍飲池中太宗未建義時常飲酒醉卧劉文靜家文靜

坐樓上見宅南大池中有白龍下飲水池中大魚皆躍

上岸以百數良久乃隱家人共見極驚駭太宗睡覺謂

文靜云醉中渴甚夢入公家池中飲水極清冷快意文

靜視其休猶濕也寓

紫雲屬天高祖既舉義師之日太宗所居處有紫雲當

其上俄變為五色狀如飛龍武德八年拜中書令嘗夜

於嘉猷門見神人長數丈素衣冠呼太宗曰我當令汝

作天子太宗再拜忽不見所居弘義宮中有一大池常

時有佳氣鬱鬱數百尺太宗心獨異之至九年其氣轉

盛上屬于天六月定內難立為皇太子又有方士喬伏

仁善言命見建成元吉俱有爭心因謂所親曰秦王上

應天籙當為元君此二人乃驅除耳息隱海陵之未發

也太史奏云太白入南斗秦王得天下其鋒不可當自

非皇天眷顧何以得此府册

蝸迹成天睿宗初生舍涼殿則天乃於殿內造佛氏有

天中記

王像馬及衣閑觀其側王像忽言爾後當為天子
冀王時寢齋壁上蝸跡成天字上懼遽掃之經數日如
初及即位雕王鑄黃金為蝸形分置於釋道像前
墜樓無損玄宗始三歲封楚王時則天因御高樓抱之
眺望誤墜于地左右失聲奔下扶擁帝怡然無虧損之
狀則天甚奇之

紫雲在上玄宗兼潞州別駕州境有黃龍白日杲天嘗
出畋有紫雲在其上後從者望而得之前後符瑞凡一
十九事所居宅外有水池浸溢頃餘望氣者以為龍氣
四年四月中宗幸其第因遊其池結綵為樓船令巨象
踏之唐書龍變海池亦呈慶文

赤龍據案玄宗臨潞州景龍二年四月十七日在廳事
假寐白鶴觀道士宋大辨等三十人同見赤龍據案滿
賦十上徵時嘗至洛陽令崔日知宅崔設饌未熟明皇
因寢庭前一架藤花初開日知見巨蛇食藤花逡巡不
見上覺曰饑甚夢中食藤花甚美日知乃知他日啓聖
之驗也逸史

著立四年中宗將祀南郊來朝京師將行使術士韓禮
筮之著一筮子然獨立禮驚曰著立奇瑞非常之事也
不可言唐書將入朝有軍人韓凝禮自謂知兆上因以食
箸試之既布卦一箸無故自起凡三偃三起觀者以為
大吉徵國史纂異凝禮曰大人之瑞也潘炎賦

寢堂紫氣上還京後州內所居寢堂上有紫氣七日不散宅內及州街有大人迹長二尺五寸唐隆元年六月二十日夜除妖孽明日索崇嗣聞空中有人云臨淄王誅韋氏相王得天下王
 名應上所居里名隆慶時人語訛以隆為龍韋庶人稱制改元又為唐隆皆符御名上益自負唐開元二年八月太子賓客薛謙光獻東郡九鼎銘其豫州鼎銘武后所製文曰犧農首出野昊應期庚虞繼踵湯禹乘時天下光宅域內雍熙上玄降祉方建隆基宰相姚崇盧懷慎等奏曰聖人啓運休兆必彰故化馬為龍預派謠頌秀為天子早著冥符臣等今會兄薛謙光所獻東郡鼎銘

大聖天后所製其文云上玄降祉方建隆基豫州處天地之中所以遠包四海銘文獨聖后所製固必先感二儀靈慶昭彰曠絕今古臣等忝陪近侍喜萬常情請宣付史官并頒示內外許之冊
 上黨天子氣開元八年鄭州人元承微上封事曰謹按魏典及北齊志後魏太平真君九年內學者奏言上黨有天子氣在壺關大王山于時太武南巡親幸上黨掘大王山累石為三封又斬其北鳳皇山南足以斷之太武之後百有餘年高歡以內學之言復欲妄干符命因勒兵馬來在晉陽舍大王山六旬而去更有上黨百姓從在晉陽因名上黨之坊實曰晉陽之地歡又居此偽

以應之論其僭應則高歡不應于孫權語以虛讓則太武有同于羸政暗于時運豈不惜哉臣等恭尋符命壺關天子之氣正是陛下當焉玄穹上瞻符命下鍾故使歷試潞州所以用當其應此天意也豈人事平然而一幸潞州三移灰瑄壺關之地歲時為蒐狩之場大王之山朝夕即豫遊之所始而龍潛上黨尋乃鳳舉咸京內學之言果合符契又按內學所奏符應年曰太平真君太平則叶今辰真君則更明陛下自唐至魏三百餘年觸類而推無不僉應伏願陛下上承天命下諭人心昭告寰瀛編列國史從之

氣成樓閣肅宗初為皇太子天寶十三載觀安祿山有悖逆之狀恐危宗廟遂精誠祈夢其夜夢故內侍普寂等二人昇一案覆以黃帕自天而下直至帝前素版丹書文字甚多既寤所記者惟四句曰厥不云乎惟其惟時上天所保福祿不虧十五載玄宗幸蜀留上在後宣諭百姓賊追至渭北便橋已斷水瀑漲無舟楫上號令水濱百姓歸者三千餘人渭水可涉又遇潼關散卒誤以為賊與之戰士衆多傷乃收其餘衆北上軍既濟其後皆溺上喜以為天之佑時從上惟廣平建寧二王及四軍將士纔二千人自奉天而北夕次永壽百姓遮道獻牛酒有白雲起西北長數丈如樓閣之狀議者以為天子之氣自是紫雲擁帝所乘馬聚散不時至平涼郡

路傍遇一伏兔命左右索弓箭因謁左右曰吾若破賊射則中之不然則否一發而斃左右咸稱萬歲上初發平涼有彩雲浮空白鶴前引出軍之後有黃龍自上所憇屋騰空而去上行至豐寧南見黃河天塹之固欲整軍北渡以保豐寧忽大風飛沙跬步之間不辨人物及迴軍趨靈武風沙頓止天地廓清于後彭原郡受冊太上皇下詔曰間者日抱載赤雀白狼之瑞接武存臻此皆皇帝聖敬之符孝友之感也冊唐舊唐

夢為虎趨武宗夢為虎所趨命京兆同華格虎以進至大中即屬虎南部新書

光曜燭身宣宗初封光王十餘歲時遇重疾沈綴忽有

光輝燭身厥然而興正身拱揖如對臣寮乳媪以為心疾穆宗視之撫其背曰此吾家英物非心憊也賜以玉如意御馬金帶當夢乘龍昇天言之於鄭后乃曰此不且人知者幸勿復言舊唐

改名兆會昌末年武宗忽改御名為火下火及宣宗以光王龍飛于古文光字實從光馬噫先兆之明若是耶真陵十七事

水變芳醪宣宗在藩時常從駕回而誤墜馬人不之覺比二更方能興時天大雪四顧悄無人聲上寒甚會巡警者至大驚上曰我光王也不悟至此方困且渴若為我求冰警者即于旁近得水以進遂委而去上良久起

舉甌將飲顧甌中水盡為芳醪矣上喜獨自負舉一甌已而體微煖有力步歸藩邸後遂即帝位上

拔暈懿宗初封鄆王藩邸時常經重疾郭淑妃侍醫藥

見黃龍出入於卧内既間妃以異告帝曰慎勿復言宣

宗制泰邊陲樂曲詞有海岳晏咸通之句又大中末京

城小兒疊布漬水紐之向日謂之拔暈帝果以鄆王即

大位以咸通為年號

唐舊

神首煙騰晉高祖在晉陽時牙城有僧坊曰崇福坊之

廡下西北隅有泥神神之首忽一日有煙生其騰郁如

曲突之狀坊僧奔赴以為人火所延乃俯而視之無所

有焉事尋達帝帝召僧之臘高者問之僧曰貧道見莊

宗將得天下曾有此煙觀其噴湧甚于當時可知矣

府冊

木中朱字梁開平二年使其將李思安改潞州營于壺

關伐木為柵破一大木中朱書文六字曰天十四載石

進思安表上之其群臣皆賀以為十四年必有遠夷貢

寶者司天少監徐鴻獨謂其所親曰自古無一字為年

號者上天符命豈缺文乎吾以為丙申之歲當有石氏

王此地者天字取四字中兩畫加之于傍則丙字也移

四字外圍以十貫之即申字也後至丙申歲普高祖以

石姓起并州如鴻之言

稽神錄

又易云晉者進也

府冊

葭蘆如旗漢高祖後為河東節度使天福十一年天下

大水太原葭蘆茂盛最上一葉如旗狀皆南指焉明年

遂即帝位

虺出鼻間周太祖微時嘗晝寢有如小虺五色出入額鼻之間在太原時有神尼同姓見太祖謂李瓊曰我宗天上大仙當爲世界主瓊詰其故曰頂上有肉角也及爲樞密時北征如澶淵旭日日邊有紫光氣果當太祖馬首之上高不及百尺從官異之至鄴都一夕在亭院齋忽有黃氣起於前繚繞而上遽際于天太祖於黃氣中仰見星文紫微文昌爛然在目駭曰予在室中而見天象不其異乎密告知星者乃拜賀曰坐見天衢物不能隔至貴之祥也異日又于署衙中有紫氣起于幡竿龍頭之上凡二日觀者異之及討李守真于河中守真

登陴瞰陣氣色不懌獨言曰是何妖變後城中人言見太祖軍上有紫氣如樓閣車蓋之狀故也

著躍卓立世宗在民間嘗與商頡跌販貨至江陵有卜者王處士世宗因頡跌氏同往問焉方布卦忽有一著躍出卓然而立卜者大驚曰吾家筮法十餘世矣常記曾祖以來遺言凡卜筮而著自躍出者其人貴不可言况又卓立不倒得非爲天下之主乎遽起再拜世宗雖佯爲詰責而私心甚喜

五代史補

紫雲黃龍董遵誨父宗本仕漢爲隋州刺史宋太祖微時客遊至漢東依宗本遵誨憑藉父勢嘗侮之一日謂太祖曰每見城上紫雲如蓋又夢登高臺遇黑蛇約長

百尺餘俄化龍飛騰東北去雷電隨之是何祥也太祖皆不對他日論兵戰事遵誨理多屈拂衣而起太祖乃辭宗本去自是紫雲漸散及即位一日便殿召見遵誨因諭之曰卿尚記往日紫雲及龍化之夢乎遵誨再拜呼萬歲

觸墜無傷太祖嘗試惡馬不施銜勒馬逸上城斜道額觸門楣墜地人以為首必碎太祖徐起更追馬騰上一無所傷又嘗與韓令坤博土室中雀鬪戶外因競起掩雀而室隨壞續史

冰合靖康之變康王嘗質金人軍中及遣還康王奔相州召兵勒王因登郡圃飛仙亭視其牌額持弓矢而視

曰若中此牌則必聞京師音耗果三發三中左右動色相賀又語幕府曰夜來夢皇帝脫所御袍賜吾吾解襜衣而服所賜此何祥也頃時詔來命為大元帥速頒兵入衛時王發兵相州使臣馳報黃河未凍衆失色王禱天地河神行至子河渡而河水凍已合遂渡河時徽宗欽宗已北狩矣續夷堅志

將子入宮顯仁后在北地未知高宗即位嘗用象戲局子裹以黃羅書康王字貼於將上焚香禱曰令三十二子俱擲於局若康王字入九宮者者必得天位一擲其將子果入九宮他子皆不近后喜甚即具奏徽廟大喜復謂后曰瑞卜昭應異常可無慮矣揮塵錄

元中言 卷三十一 三十九
掛閣屹立佛宇掛鐘之閣多虛其中宋孝宗幼歲時偶
至秀州東塔寺登鐘樓遊戲而僧徒先以遽蔭覆空處
上誤履其上遂併墜焉傍觀者失色亟視之乃屹立席
上畧無怖容嘉興志先夕主山者夢金龍掛于樓閣間翌日
而見孝宗之事嘉興志
莽採懿溫事不錄閣位事別見

后妃

后天子之配謂之后后者君也天子之配至尊故謂后也后者何也明海內之小君也白虎通
大倫自古受命帝王及繼體守文之君非獨內德茂也蓋亦有外戚之功焉故易基乾坤詩首關雎書叙釐降

春秋譏不親迎夫妻之際人道之大倫也史外戚

侍君古者后夫人將侍君前息燭後舉燭至于房中釋朝服襲燕服然後入御史奏鷄鳴于階下然後夫人鳴佩王于房中告去也然後應門擊柝告闕也然後少師奏質明于陛下然後夫人入庭立君出朝書大傳

彤管古者后夫人必有女史彤管之法后妃群妾以禮御于君所女史書其日月授之以環以進退之生子月辰則以金環退之當御者以銀環進之著于左手既御著于右手左者陽也以當就男故著左手右手陰也既御而復故此女史之職也五經要義

宣陰化周禮王者立后后正位宮闈同體天王夫人坐

論婦禮九嬪掌教四德世婦主喪祭賓客女御序于王之燕寢頒官分務各有典司女史彤管記功書過居有保阿之訓動有環佩之響進賢才以輔佐君子哀窈窕而不淫其色所以能述宜陰化脩成內則閨房肅雍險謁不行也後漢

理陰陽后妃者所以郊天祀地祇奉祖宗外以肅恭明神內以帥正九嬪理陰陽者猶天之有地陽之有陰後漢

令淑古之王者必求令淑以對揚至德恢王化於關雎植奏

致淳風於麟趾及臻三季並亂茲緒義以情溺位由寵昏貴賤無章下陵上替興衰隆廢皆是物也晉漢春秋

統六宮棧潛疏曰在昔帝王之治天下不惟外輔亦有內助治亂所由盛衰從之是以聖哲慎立元妃必取先代世族之家擇其令淑以統六宮虔奉宗廟陰教聿脩由內及外先王之令典也若因愛登后使賤人暴貴臣恐後世下陵上替開張非度亂自上起也魏志

椒房皇后稱椒房詩云椒聊之實蔓衍盈升美其繁興以椒塗石亦取温煖除惡氣也猶天子赤泥殿上曰丹

墀應劭漢官儀長樂宮有椒房殿黃圖上官桀父子並為將軍有椒房中宮之霍光傳抑損椒房玉堂之盛寵谷永傳後

宮則掖庭椒房后妃之室西都賦班政蘭閨宣禮椒屋後紀椒庭綺觀淫粧怪飾宋后傳寶命方昌椒廷虛位南齊傳升

蘭殿以正位踐椒庭而齊北史椒掖之中舊制不願生

太子元魏椒掖播晨牝之風蘭殿絕河雎之響晉傳

簡文元帝出自儲藩妃並先殂不建椒閣梁后初踐椒

宮逞臬心于長樂晉傳蘭殿長陰椒塗弛衛選椒宮御史

乘輦皇后婕妤乘輦餘皆以茵四人輿以行漢舊儀

湯沐邑皇后太子各食三十縣曰湯沐邑上

王璽皇后王璽文與帝同皇帝之璽金璃虎紐上皇后

有金璽盤璃鈕文曰皇后之璽隋志

六宮內宰以陰禮教六宮鄭玄曰六宮謂后也婦人稱

寢曰宮后象王立六宮而居之亦正寢一燕寢五之六

宮若今稱皇后為中宮矣周禮

輔君德夫后妃專夕配以德升姬嬙并御進非色幸欲

使情有覃被愛罔偏流專貞內表妖蠱外息至於降班

在四簪珥成行同列者三環珮係響乃可以燮理陰教

輔佐君德宋書

配皇極作配皇極齊體紫宸象玉床之連後星喻金波

之合義璧晉書

璇宮少昊以金德王母曰皇娥處璇宮而夜織或乘桴

木而晝遊拾遺記

唐媛昔在軒轅陶化正刑刑于壺闈以臨百官煌煌后

妃玄統是閑穆穆夫人爰採繁繁關雎首化萬國承流

實有淑女允作好逑唐媛興媯文母盛周德音不囀弘

濟大繇

皇甫規女師歲

古先哲王莫不明后妃之制順天地之

德故二妃嬪媯虞道克昌任妣配周周室用光

魏收後魏書

魏收書皇后傳亡此段見初學記因載之

翼夏降暨三代創業之君亦賴賢妃用佐厥勲塗山翼

夏有莘贊殷

謝承三夫人歲

三代興滅夏之興也以塗山而桀之放也用末喜殷之

興也以有娥及有嬖而紂之滅也嬖妲已周之興也以

姜嫄及太任太姒而幽王之禽也淫褒姒

漢史

稱號秦并天下多自驕大官備七國爵列八品

後漢初

因秦稱號帝母稱皇太后后稱皇后而加以美人良人

八子七子之屬至孝武制婕妤之徒凡十四等降及魏

晉母后之號皆因漢法自夫人以下世有增損焉

梁書

吕后遷園中元元年告詞高廟曰高皇吕后不宜配食

薄太后慈仁孝文皇帝賢明子孫賴福延至于今宜配

食地祇高廟今上薄太后尊號為高皇后遷吕太后于

園

東觀漢記

求故劔漢宣帝許后起微賤及帝即位大臣議立后皆

心儀霍光女亦未有言上乃詔求微時故劔大臣知肯

遂白立許后字平君

漢書

沙麓兆祥元帝王皇后齊田氏之苗裔祖父翁孺自東

平陵徙元城元城建公曰昔春秋沙鹿崩晉史卜之陰

為陽雄土火相乘故沙鹿崩後六百四十五年宜有聖

女興其齊田平今翁孺之往正值其地日月當之元城
 郭東有五鹿之墟即沙鹿地後八十年當有貴女興天
 下翁孺生禁禁妻李氏方妊身夢月入其懷生女是為
 元后每許嫁未行所許者輒死卜相者云當大貴遂為
 元帝皇后生成帝宋書曆集周邦徽音充嗣氣淳漢國沙
 麓發祥宋書文帝路清漢表靈魯沙膺慶齊后
 白鸞銜石元后在家嘗有白鸞銜白石大如指墜后績
 筐中后取之石自剖為二其中有文曰母天地后乃合
 之遂復還合乃寶錄焉後為皇后常并置璽笥中謂為

天璽也西京雜記

辭輦孝成班婕妤居增成舍成帝遊於後庭嘗欲與婕

妤同輦載婕妤辭曰觀古圖畫賢聖之君皆有名臣在
 側三代末主廼有嬖女今欲同輦得無近似之乎上善
 其言而止太后聞之喜曰古有樊姬今有班婕妤後趙
 李得幸婕妤退處東宮作賦以自傷云陳女圖以鏡監
 兮顧女史而問詩悲晨婦之作戒兮哀褻間之為郵美
 皇英之女虞兮榮任姒之母周漢
 色如紅玉趙飛鸞為皇后其女弟為昭儀在昭陽殿后
 體輕腰弱善行步進退昭儀不能及也但昭儀弱骨豐
 肌尤工笑語二人並色如紅玉為當時第一皆擅寵後

宮西京雜記

椒風哀帝寵愛董賢又召賢女弟以為昭儀位次皇后

天中記

更名其舍為椒風以配椒房云前漢

國廢投火平帝即位年九歲成帝母太皇太后稱制王
莽欲以女配帝以固其權太后意不欲也莽設變詐奏
言皇帝即位三年長秋宮未建液庭尉媵未充令人奏
言其女漸漬德化有窈窕之容宜承天序奉祭祀詔遣
策告宗廟雜加卜筮皆曰兆遇金水王相卦遇父母得
位所謂康強之占逢吉之符也便時迎入未央宮立為
后歲餘平帝崩立孺子嬰尊皇后為皇太后莽篡改皇
太后為安定公太后太后時年十八矣為人婉嫕有節
操自劉氏廢常稱疾不朝會莽敬憚傷哀欲嫁之乃更
號為黃皇室主令立國將軍成新公孫建世子祿飾將

璽往問疾后大怒笞鞭其旁侍御因發病不肯起莽
不復彊也及漢兵誅莽燔燒未央宮后曰何面目以見
漢家自投火中而死前漢

率八妾明帝明德馬皇后援之女也永平三年有司奏
立長楸宮以率八妾上未有所言皇太后曰馬貴人德
冠後宮即其人也遂立為后東觀漢記先是數日夢有小飛
蟲無數附着身又入皮膚中而后飛出既正位宮闈愈

自謙肅本紀

觀畫馬后美於色厚於德帝用嘉之嘗於觀畫過虞舜
像見娥皇女英帝指之戲后曰恨不得如此為妃又前
見陶唐之像后指堯曰嗟乎群臣百僚恨不得為君如

是帝顧而笑

陳思王
盡贊序

日角偃月順帝順烈梁皇后名妘大將軍商之女永建
三年與姑俱選入掖庭相工茅通見之驚賀曰此所謂
日角偃月相之極貴也太史卜兆得壽房遂以為貴人
常特被引御從容辭於帝曰願思雲雨之均澤識貫魚
之次序帝加敬焉陽嘉元年有司奏立長秋宮紀帝貴
人有寵者四人莫知所建議欲探籌以神定選胡廣等
上疏曰詔以立后大事欲假之籌策決疑靈神恃神任
筮既不必當賢就值其人猶非德選夫岐嶷形於自然
倪天必有異表宜參良家簡求有德德同以年年鈞以
貌稽之典經斷之聖慮廣乘氏侯商元帝外戚春秋之

義娶先大國梁小貴人宜配天祚正位坤極帝從之乃
于壽安殿立貴人為皇后紀

抵璽獻帝曹皇后名節操中女也操使華歆郗慮弒伏
后明年立節為后魏篡漢遣使求璽綬后怒不與如此
數輩后乃呼使者入親數讓之以璽抵軒下因涕泣橫
流曰天不祚爾左右皆莫能仰視後漢
月下聚雪先主其後體貌特異王質柔肌熊媚容冶先
主召入綃帳中於戶外望者如月下聚雪河南獻王人
高三尺乃取王人置后側晝則講說軍謀久則擁后而
玩王后與王人縈白齊潤觀者殆相亂惑拾遺
絳紗繫臂胡貴妃名芳奮女也晉武帝多簡良家子女

以充內職自擇其美者以絳紗係臂芳既入選拜為貴
 嬪時帝多內寵平吳之後復納孫皓宮人數千自此掖
 庭殆將萬人而並寵者甚衆帝莫知所適常乘羊車恣
 其所之至便宴寢宮人乃取竹葉插戶以鹽汁灑地而
 引帝車然芳最蒙愛幸殆有專房之寵焉帝嘗與之擣
 蒲爭矢遂傷上指帝怒曰此固將種也芳對曰比伐公
 孫西距諸葛非將種而何帝甚有慚色晉傳

一夜齒生成恭杜皇后諱陵陽少有姿色然長猶無齒
 生有來求婚者輒中止及帝納采之日一夜齒盡生上
 羊為徘徊宋文帝潘淑妃者本以貌進始未見賞帝好
 乘羊車經諸房淑妃每莊飾褰帷以候并密令左右以

鹹水灑地帝每至戶羊輒舐地不去帝曰羊乃為汝徘徊
 况於人乎於此愛傾後宮南史

賦見意孝武殷淑妃南郡王義宣女也義宣敗後帝
 密取之寵冠後宮假姓殷氏及薨帝常思之遂為通
 替棺欲見輒引替觀屍如此積日形色不異追贈貴妃
 上痛愛不已精神罔罔立別廟于都下時有巫者能見
 鬼說帝言貴妃可致帝大喜令召之有少頃果於帷中
 見形如平生帝欲與之言默然不對將執手奄然便歇
 帝尤哽恨於是擬李夫人賦以見意焉止葬畢數與群
 臣至殷墓謂劉德願曰卿哭貴妃若悲賞加厚賞德願
 應聲便號慟撫膺擗踊涕泗交流上甚悅以為豫州刺

史又令醫術人羊志哭殷氏志亦嗚咽他日有問志卿那得此副急淚志時新喪愛姬荅曰我爾日自哭亡妾耳宋賦見始平王子鸞傳

寢卧雲氣齊高昭劉皇后諱智容壽之女也后母栢氏夢吞玉勝生后時有紫光滿室以告壽之壽之曰恨非是男桓笑曰雖女亦足興家矣后寢卧見有羽蓋蔭其上家人試察之常見其上掩藹如似雲氣年十七裴方明為子求婚酬許已定后夢見先有迎車至猶如常家迎法后不肯去次有迎至龍旂豹尾有異於常后喜而從之既而與裴氏不成婚竟嬪于上南史景陽鐘聲武帝數遊幸諸苑園載宮人後車宮內深

隱不聞端門鼓漏聲置鍾於景陽樓上宮人聞鍾聲早起裝飾至今此鍾唯應五鼓及三鼓也車駕數幸琅邪城宮人常從早發至湖北埭鷄始鳴南齊傳故呼鳥鷄鳴

埭南史

步生蓮華東昏侯所愛潘貴妃名玉兒帝大起芳樂諸殿又別為妃起神仙求壽玉壽三殿皆而飾以金璧其王壽中作飛仙帳四面繡綺窓間盡畫神仙又鑿金為蓮花以帖地令妃行其上曰此步步生蓮華也服御極選珍寶琥珀釧一隻直百七十萬南紀齊七梁武帝見玉兒有國色將留之王茂曰亡齊者此人留之恐貽外議帝乃出之軍主田安啓求為婦玉兒泣曰昔嘗見遇時

主今豈下匹非類死而后已義不受辱及見縊繫美如生輿出尉史俱行非禮傳四十五

半面粧元帝徐妃諱昭佩妃無容質不見禮帝三二年一入房妃以帝眇一目每知帝將至必為半面粧以俟

帝見則大怒而出妃性嗜酒多洪醉帝還房必吐衣中與荊州後堂瑤光寺智遠道人私通帝左右暨季江有

姿容又與淫通季江每嘆曰栢直狗雖老猶能獵蕭漂陽馬雖老猶駿徐娘雖老猶尚多情時有賀徽者美色

妃要之於普賢尼寺書白角枕為詩相贈答南史新聲陳后主張貴妃名麗華年十歲為龔良婦給使後

主見而悅之因得幸甚被寵遇後主於光昭殿前起臨

春綺結望仙三閣極其瑰麗後主自居臨春閣張貴妃居結綺閣龔孔二貴妃居望仙閣並復道交相交來又

以宮人袁大捨等為女學士每引賓客游宴則史諸貴人女學士與狎客共賦新詩采其尤豔麗者以為曲調

被以新聲其曲有玉樹後庭花臨春樂等其畧云璧月夜夜滿瓊樹朝朝新大抵所歸皆美張貴妃孔貴嬪之

容色也張貴妃嘗於閣上靚粧臨軒檻宮中遙望飄若神仙後隋軍剋臺城貴妃與後主俱入井隋軍出之

晉王廣命斬之於青溪中上鑄金元魏故事將立皇后必令手鑄金人以成為吉不

成則不得立也後宮產子將為儲貳其母皆賜死道武

劉氏鑄金人不成慕容氏成遂立之劉生明元道武末

以舊法薨魏書

天地母宣武靈皇后胡氏國珍女也母皇甫氏產后之

日赤光四照京兆山北縣有趙胡者善於卜相國珍問

之胡云賢女有大貴之表方為天地母生天地主勿過

三人知也宣武聞其姿行召入掖庭為世婦生明帝後

臨朝得志逼幸肆情武泰初爾朱榮稱兵沉之于河上

陽伯花楊華本名白花父大眼為魏明將華勇力容貌

如作妻古后逼通之華懼及禍乃率其部曲來降胡

太后追思之不能已為作楊白華歌辭使宮人晝夜連

臂蹋足歌之辭甚悽惋焉梁傳其詞曰陽春二三月楊柳

齊作花春風一夜入閨闈楊花飄蕩落南家含情出戶

脚無力拾得楊花淚沾臆秋去春還雙燕子願啣楊花

入窠裏古樂府

握槊北齊武成胡后其母盧道約女初懷孕有胡僧詣

門曰此宅葫蘆中有月既而生后武成寵幸和士開每

與后握槊因此與后奸通自武成崩後數出詣佛寺又

與沙門曇獻通布金錢于獻席下又掛寶裝胡牀于獻

屋壁武成平生之所御也置百僧于內殿以獻為昭玄

都統僧徒遙指太后以美獻乃至謂之為太上者北史

續命後主馮淑妃名小憐大穆后從婢也穆后愛衰以

五月五日進之號曰續命慧黠能彈琵琶工歌舞後主

惑之坐則同席出則竝馬願得生死一處命淑妃處隆
基堂淑妃惡曹昭儀所常居也悉令反換其地周平齊
後主至長安請周武帝乞淑妃帝曰朕視天下如脫屣
一老嫗豈與公惜也仍以賜之及帝遇害以淑妃賜代
王達甚磬之

禪代憤惋周宣帝楊后名麗華隋文帝女也初宣帝不
豫詔隋文入禁中侍疾受遺輔政后初不豫謀及嗣立
幼冲后知有異圖意頗不平及行禪代憤惋愈甚隋文
內甚愧之開皇初封后為樂平公主後又議奪其志后
誓不許乃止

三女俱后後周獨孤信三女俱為后各生周隋唐一朝

天子長生周武帝次生隋煬帝次生唐高祖獨真

文則唐太宗文德后長孫氏晟之女也嘗撰古婦人善

事勒成十卷名曰女則自為之序又著論駁漢明德馬

皇后以為不能抑退外戚令其當朝貴盛乃戒其龍馬

水車此乃開其禍源而防其末事耳唐書

幼擬楚辭太宗賢妃徐氏名惠生五月而能言四歲誦

論語毛詩八歲好屬文其父孝德試擬楚辭云山由不

可以久留詞甚典美自此徧涉經史手不釋卷太宗聞

之納為才人其所屬文揮翰立成詞華綺贍上

粧殿長安崇聖寺有賢妃粧殿太宗曾召妃久不至怒

之因進詩曰朝來臨鏡臺粧罷暫徘徊千金始一笑一

召詎能來

傳載

誕夕雉雊則天初誕之夕雌雉皆雊右手中指有黑毫

左旋如黑子引之長尺餘

酉陽雜俎

配地象月高宗廢王后韓瑗諫曰王者立后配天地象

日月匹夫匹婦尚知相擇况天子乎

唐書

天子之與后猶

日之與月陰之與陽相湏而成者也

昏義

后妃者猶天之

有地陽之有陰也

盧杭奏事

承祖廟母天下高宗將以武氏為后來濟諫曰王者立

后以承宗廟母天下宜擇禮義名家幽閑令淑者副四

海之望稱神祇之意故文王興妣關雎之化蒙被百姓

其福如彼成帝從欲以婢為后皇統中微其禍如此陛

下詳察之

唐書

花子掩痕天后每對宰臣令上官昭容坐于床裙下記

所奏事一日宰相李某對事昭容竊窺上覺退朝怒其

取小刀劖于面上不許拔昭容遽為乞拔刀子詩後為

花子以掩痕也

北戶錄

秉機政昭容名婉兒西臺侍郎儀之孫父庭芝與儀死

武后時母鄭方姪夢巨人界大秤曰持此秤量天下昭

容生踰月母戲曰秤量者豈爾耶輒啞然應後內秉機

政符其夢云自通天以來內掌詔命中宗立進拜昭容

帝引名儒賜宴賦詩婉兒常代帝及后長寧安樂二公

主衆篇並作而采麗益新又差第群臣所賦賜金爵故

天中記

卷十二

五十一

朝廷靡然成風當時屬辭大抵浮靡然皆有可觀昭容力也帝后之敗斬闕下唐詩紀事

半臂易麪玄宗王皇后始以色進及上登位不數年恩

寵日衰后憂畏不自安撫下有恩幸免諛語共危之忽

一日泣訴於上曰三郎獨不記阿忠脫新紫半臂更得

一斗麪為三郎生日湯餅耶何忍不追念於前時上聞

之戚然改容松窓雜錄阿忠后自呼其父名也

異質楊妃廣西容州普寧縣雲陵里人父維母葉氏生

妃有異質都部署楊康求為女時楊玄琰為長史又從

康求為女携至京進入壽王宮城西至今有楊妃井廣西志

娘子開元初武惠妃特承寵遇故王后廢黜惠妃薨上

悼惜久之後庭數千無可意者唐舊上心忽忽不樂使高

力士潜搜外宮得玄琰女于壽邸既笄矣度為女道士

號太真冊帝昭訓女配壽邸太真髮鬢膩理纖穠中度

舉止閑德光彩煥發轉動照人上甚悅於鳳凰園冊為

貴妃進見之日奏霓裳羽衣以導之定情之夕授金釵

鈿合以固之上又自執麗水鎮庫紫磨金琢成步搖至

粧閣親與插鬢上謂宮人曰朕得貴妃如得至寶也乃

製曲子曰得寶子自是六宮無復進幸者宮中呼為娘

子實數實同皇后

遺轍玄宗至馬嵬驛令高力士縊貴妃於佛堂梨樹之

前馬嵬媼得鞵一隻過客求而翫之百錢一觀獲錢無

數國史補香囊貴妃初瘞時以紫褥裹之肌膚已壞而香囊仍在

內官以獻上皇視之悽惋乃令圖其形於別殿朝夕視

之舊善

梅精梅妃姓江氏名采蘋開元中高力士使閩越見其

少麗選侍明皇大見寵幸性喜梅上以其所好戲名曰

梅妃上與妃聞茶顧諸王戲曰此梅精也吹白玉笛作

驚鴻舞一座光輝闕茶今又勝我矣後楊妃入侍遷於

上陽東宮上在花萼樓會夷使至命封珍珠一斛密賜

妃妃不受以詩付使者曰為我進御前也曰柳葉雙眉

久不描殘妝和淚污紅綃長門自是無梳洗何必珍珠

慰寂寥上覽詩悵然不樂令樂府以新聲度之號一斛

珠曲名始此也妃傳

花見羞後唐明宗淑妃王氏邠州餅家子也有美色號

花見羞少賣梁將劉鄴為侍兒鄴卒明宗納之本傳

鬼神在前京兆李植字化光觀察使士衡之孫初為侍

禁約婚曹彬女孫娶迎入門見鬼神千萬在前驚走踰

墻避之曹即時還父母家俄而仁宗聘入宮郭后廢冊

為皇后即慈聖光獻也王銍默記光獻在父母家時與群女

共為撚錢之戲而后一錢輒獨旋轉盤中凡三日方止

陸游避暑漫抄

待康宋高宗吳皇后開封人父近嘗夢至一亭扁曰待康傍植芍藥獨放一花殊妍麗可愛花下白羊一近寤而異之后以乙未歲生方產時紅光徹戶外年十四高宗為康王被選入宮人謂待康之徵宋史

四星中宮天極星後有四星末大星正妃後三星後宮之屬也史煌煌四星著天垂曜赫赫后妃是則是效漢後

傳幹皇

軒轅權軒轅黃龍體前大星女王象旁小星御者後宮屬漢書軒轅十二星後宮屬契援神軒轅龍體主后妃也石

壺政穆宣房樂韶理坤則順成星軒潤飾顏延年宋

奉軒景以柔明發迹處椒風以婉變升名謝莊勝軒

懷光素舒佇德謝玄暉齊明后冊

長秋後漢明帝永平三年有司奏立長秋宮注皇后所

居宮也長者久也秋者萬物成熟之初也故韋名焉詩

立皇后不敢指言故以宮稱之紀秋宮亦處軒景前虧

南齊書配德早終長秋曠位梁書將行秦宮景帝更名大長

秋應劭曰皇后卿也師古曰秋者收成之時長者恒久

之入故以為皇后官名前百官表

貴相為后魏豹為魏王魏媼納薄姬于宮許負相曰當

生天子豹心喜背漢後豹慮而薄輸織室生文帝前書劉

焉入蜀有異志聞善相者言吳壹妹當大貴為子瑁納

之先主定益州以為夫人蜀志元和初李錡反有相者言

爾朱氏當生天子錡納為侍人錡誅設入掖庭侍郭后
 憲宗幸之生宣宗唐書符彥卿女術者曰此天下母也李
 守真素有異志為子崇訓娶之據河中叛及城破周高
 祖以歸彥卿世宗即位納為皇后五代史補
 鵲巢燈山謝皇后宰相深甫之孫后生而鰲黑醫一目
 太后擇配理宗未定會元夕有鵲巢燈山衆以為后妃
 之祥忽病疹膚蛻瑩白如玉及醫藥去目醫太后曰此
 女端重有福帝理遇之

天閨正位天閨禮亢尊極而衰慙易兆恩宴難留一謝
 天母虞潭武帝楊后配食議曰楊駿肆逆禍延天母晉書

太子

世子太子王世子云者唯王之貳也天子世子世天下
 也穀梁傳所以名之為世子何言欲其世世不絕也韓詩傳
 春秋傳曰王世子會于首止晉有太子申生鄭有太子
 華齊有太子光則周制太子世子亦不定也漢制天子
 稱皇帝其嫡嗣稱皇太子諸侯王之嫡稱世子後代咸
 因之白虎通

立嫡君在立太子者所以防篡殺壓臣子之亂也君薨
 適夫人無子有遺腹必待其產而立之何尊適重正也
 立子以貴不以長者塞愛憎也故春秋公羊傳曰立嫡
 以長不以賢立子以貴不以長也上
 前星心三星天王正位也中星曰明堂天子位也其前

星太子也後星庶子也晉國之上嗣古者元良觀象于

天應前星之環極取法于地視少海之朝宗常表文昌

着於前星秬鬯由於守器周王蒼震發前星之輝黃離

表重輪之瑞劉禹錫箋前星涵瑞采游雷揚遠聲梁劉孝威詩

少微少微星一名處士星儲君副主之宮荆州儲貳副

天庭延三吏儲二謂太子一星在帝座張淵觀象賦

東宮卞壺議曰太子所居宮稱東宮不言太子宫者二

宮以東西為稱明是天子之離宮使太子居之也文選

北齊議者引晉舊事太子在東宮西面為避尊位通典保

傳不可不高天下之選羊祐秉德義克已復禮東宮少

事養德而已山濤啓事魏收按東宮舊事太子宴會多以西

面為禮通典

青宮東方外有東明山有宮焉左右有闕而立其高百

尺畫以五色青石為牆面一門門有銀榜以青石碧鏤

題曰天地長男之宮神異經武后有青宮要記章懷有青

宮要錄舊唐志孫華奏青宮列屬護翼元良唐會要

春宮元良繼體麗正離暉秋坊通夢春宮養德周王穆

宗爰自主鬯春宮齒胄國學韓退之表

少陽聖人在後曰望羊苞懷至德據少陽演孔正体毓

德于少陽注東宮少陽也鄭玄曰東郊少陽諸侯象也

選式載明兩實惟少陽梁王筠正少陽之位主承桃之

則梁簡文表游雷居震春方應守器之禮明兩作離少陽纂

重暉之業

周王褒表

姬周久長實係元良羸秦短祚亦由少

陽

後周蕭嗣

天后撰少陽政範賜太子賢

舊傳

孟侯太子年十八曰孟侯孟侯者於四方諸侯來朝迎

於郊者問其所不知也問人民之所好惡土地所生山

川所有無及父在時皆知之

尚書大傳

鄭元注十八嚮入大

學為成人博問庶事

東序凡學世子及學士必時春夏學干戈秋冬學羽籥

皆於東序

禮記

震維禮絕離景事尊養德比宮贊業東序

梁簡文表

易稱明兩禮云上嗣東序養德震方主器

周禮景

承宸樞光陪極毓問東華飛英上序

宋謝莊表

儀宸中宸天地交會之際也儀宸太子居也

林韻

槿山西北海之外有槿山其上有人號曰太子長琴顯

頊生老童老童生祝融祝融生太子長琴是處槿山始

作樂風

山海經

孝敬皇帝弘龍朔初命許敬宗上官儀等

於文思殿博採古今文集摘其英詞麗句以類相從勒

成五百卷名曰瑤山玉彩表上之

舊唐

裴光庭為弘文館

學士造槿山往則維城前軌二篇獻之明皇詔皇太子

諸王於光順門見光庭謝所以規諷意

唐書

槿山盛風樂

抽簡薦從謹

虞世南從

嗜鮑魚文王使太公望傳太子發嗜鮑魚公不與曰鮑

魚不登俎豈有非禮而可養太子哉

賈傳新書

鶴駕周靈王太子晉七月七日乘白鶴駐山巔謝時入

而去後世稱太子之駕曰鶴駕禁曰鶴禁類漢宮闕

曰白鶴太子所居之地凡人不得輒入故云鶴禁也帖

冢子晉侯使太子申生伐東山臯落氏里克諫曰太子

奉冢祀社稷之粢盛以朝夕視君膳者也故曰冢子左

君行太子居以監國也君行太子從以撫軍也今君

居太子行未有此也公曰寡人聞之立太子之道三身

鈞以年年同以愛疑決之以卜筮子無謀吾父子之間

晉語太子帥師公衣之偏衣佩之金玦將戰狐突諫曰不

可昔辛伯諗周桓公內寵竝后外寵二政嬖子配適大

都耦國亂之本也周公弗從故及於難今亂本成矣立

可必乎孝而安民子其圖之與其危身以速罪也左

思賢苑漢文帝為太子立思賢苑以招賓客苑中有堂

隍六所客館皆廣廡高軒屏風幃褥甚麗西京雜記

博望苑武帝年二十九乃得太子甚喜為立謀使東方

朔枚臯作謀祝及冠就宮上為立博望苑使通賓客從

其所好故多以異端進者前傳

副主元帝以史丹舊臣皇考外屬親信之詔丹護太子

家前傳輔助有力紀丹之輔道副主掩惡揚美傳會善意

雖宿儒達士無以加焉贊

龍樓門成帝初居桂宮上嘗急召太子出龍樓門不敢

絕馳道西至直城得絕乃度還入作室門上遲之問其

故以狀對上大說乃著令令太子得絕馳道云

天中記

四重明帝為太子群臣為樂作歌詩四章以贊太子之德一曰日重光二曰月重輪三曰星重輝四曰海重潤漢末其二章七舊說云天子之德光明如日規輪如月眾耀如星浩潤如海太子皆比德焉故云重古今注玄圃七月七日皇太子會於玄圃園宣猷堂有令賦詩潘尼詩云置酒宣猷庭擊鐘靈沼濱霑恩洽明兩遭德會陽春洛陽記云東宮之北曰玄圃園

宣猷承華陸機太子宴元圃宣猷堂賦詩曰體輝重光承規景數茂德淵冲天安王裕最爾小臣振纓承華匪願伊始惟命之嘉選太子宮在大宮東中有承華門洛陽記思媚皇儲高步承華陸機詩將僕儲皇奉轡承華潘岳詩

坐擅着針杜錫字世嘏為太子中舍人屢諫愍懷太子言辭懇切太子患之後置針着錫常所坐處擅中刺之流血他日太子問錫向者何事錫對醉不知太子詰之曰君喜責人何自作過也晉書

東朝東朝既建淑問莪莪陸機樓昔余與子繾綣東朝潘安仁帝體麗明儀辰作貳君彼東朝金昭玉粹顏延年詩

東儲齊文惠太子長懋正位東儲善立名尚疾篤上表曰地屬元良業微三善攝生舛和顧陰待謝守噐難求視膳長遠本傳正體東儲方樹年德史臣文惠養德東朝同符作者爰造九言實該百行竟陵文惠以晉明帝為太子時立西池乃啓世祖引前例求東曰起小苑上許之

傳本東田反語為顛童文惠竟薨

樂賢堂劉孝綽為太子僕掌東宮管記時昭明太子好士愛文孝綽與陳郡殷芸吳郡陸倕琅邪王筠彭城到洽等同見賓禮太子起樂賢堂仍使先圖孝綽焉

梁書

氣逸風雲昭明道契生知晉安德光天縱遨遊禮樂之圃馳騁仁義之場洛濱之譽振古莫傳河曲之文於焉摩逮夏開方而且愧姬誦擬以多慙昆季八王連枝十俊并學窮百氏文統九流絢氣逸於風雲好詞光於日月

辨正論

進食去蒿邪峙為國子助教授太子經厨宰進太子食菜有邪蒿峙令止之曰此菜有不正之名非殿下宜食

文宣聞而嘉之

北齊書

雙龍符傳符之制太子監國給雙龍之符左右各十兩

左者進內右者付外

唐六典

直東宮劉洎上書曰太子宗桃是繫鼎錯上書令通政

術賈誼奏計務知禮教古者問安而退以廣敬也異宮

而處以遠嫌也太宗勅洎與文本馬周遞日直東宮

唐書

臧膳乾封初太子弘稀見宮臣典膳丞邢文偉臧膳上

啓曰竊見禮大戴記曰太子既冠成人免於保傅之嚴

則有司過之史虧膳之宰史之義不得不書過不書則

死之宰之義不得不徹膳不徹則死之近者以來談議

不接謁見尚稀三朝之後但與內人獨處何由發輝聖

太子紀

卷之三

三

智史雖闕官宰當奉職謹守禮經輒申臧膳太子荅曰
觀尋來請良符宿志自非義均弼諸渠能進此藥石文
偉由是益知名其年左史闕上曰邢文偉以吾兒不讀
書不肯與肉此人甚正直遂拜焉唐書會要

王契崔神慶為庶子時突厥使入朝準儀注太子合預
朝參先降勅書崔神慶上疏曰伏以五品已上所以佩
龜者比為別勅徵召恐有詐妄內出龜合然後應命况
太子元良國本萬方所瞻古來徵召皆用玉契此誠重
慎之極防萌之慮則天甚然之唐舊

春禁梁晉安王上昭明太子玄圃講頌啓云殿下體高
玄曠養道春禁宰籠文圃沙獵義河廣弘明集

交戟舊制太子食湯沐十縣設周衛交戟五日一朝因
坐東箱省視膳食其非朝日使僕中允旦旦請問而已
明不喋黷廣其敬也後漢班彪傳

初拜太子初拜有石山安車一建九旗青色四馬有毳
幢一鹵簿有黃麾太子大小會庭設三箱樂舞六佾納
妃四望車羽葆前後部鼓次有織成袞帶白玉佩步搖
一具九鉅函盛之晉東宮舊事

儲兩褚遂良疏曰兩問安三至必退漢儲視膳五日
乃來崔融表云周儲故事一日三至於寢門晉兩舊儀
一月五朝於左閣

親王

茅土王者封五色土為社則各割方色土與之更立社

燾以黃土直以白茅茅取其繁土取黃者覆被四方書孔

注天子太社以五色土為壇漢制皇太子封為王者受

天子太社之土以所封之方色東方受青土他如其方

色藉以白茅授之歸國以立社故謂之茅土獨斷

顯諸侯周王兼制天下立七十一國姬姓獨居五十三

人周之子孫苟不狂惑者莫不為天下之顯諸侯荀君

服膳太宗伯之職以服膳之禮親兄弟之國以賀慶之

禮親異姓之國周禮春官

削桐唐叔虞者成工弟也成王與叔虞戲削桐葉為珪

以與叔虞曰以此封若史佚因請擇日立叔虞成王曰

吾與之戲耳史佚曰天子無戲言言則史書之禮成之

樂歌之於是遂封叔虞於唐史記後為晉故毛詩曰此晉

也而謂之唐 慶表哉梧德成觀梓上官儀冊門雁魯

拜地冠虞封蘇頌冊

蕃屏襄王伐鄭富辰諫曰昔周公弟二叔之不咸故封

建親戚以蕃屏周管蔡邲霍魯衛毛聃郟雍曹滕畢原

鄆郇文之昭也邠晉應韓武之穆也凡蔣邢茅胙祭周

公之胤也召穆公思周德之不類故糾合宗族于成周

而作詩曰常棣之華鄂不韡韡凡今之人莫如兄弟其

四章曰兄弟閱于墻外禦其侮如是則兄弟雖有小忿

不廢懿親今天子不忍小忿以弃鄭親其若之何周之

天中言

有懿德也猶曰莫如兄弟故封建之其懷柔天下也猶
 懼有外侮扞禦侮者莫如親親故以親屏周左傳二子
 魚曰武王克商成王定之選建明德以藩屏周左傳四
 珍王孔子曰古者分同姓以珍王所以展親親也分異
 姓以遠方之職貢所以無忘服也家語分魯公以夏后氏
 之璜左傳四分寶王于伯叔之國時庸展親葵
 夾輔展喜曰昔周公太公股肱周室夾輔成王成王勞
 之而賜之盟曰世世子孫無相害也載在盟府大師職
 之左傳三
 枝葉昭公將去群公子樂豫曰不可公族公室之枝葉
 也若去之則本根無所庇廕矣葛藟猶能庇其本根况

國君乎親之以德皆股肱也誰敢攜貳若之何去之
 犬牙高帝王子弟地犬牙相制所謂盤石之宗也前諸
 侯王自以骨肉至親先帝所以廣封連城犬牙相錯者
 為盤石宗也中山靖王勝傳周稱百代抑聞麟趾之美漢命六
 官亦樹犬牙之制唐彭王叶犬牙於漢制光麟趾於周
 詩陸展棟王制
 好詩楚元王交高祖少弟也好書多材藝少時嘗與魯
 穆生白申公俱受詩於浮丘伯元王好詩諸子皆讀詩
 申公始為詩傳號魯詩元王亦次之詩傳號曰元王詩
 王敬禮申公等穆生不嗜酒元王每置酒常為穆生設
 醴及王戊即位常設後忘設焉穆生退曰可以逝矣醴

酒不設王之意怠不去楚人將鉗我於市遂謝病去魯
孫德字路叔少時數言事召見其泉宮武帝謂之千里
駒前傳

事文類聚以千里駒入河間王事內蓋同名之誤

平臺梁孝王文子也築東苑方三百餘里廣睢陽城

七十里大治宮室為復道自宮連屬於平臺三十餘里

前傳孝王與鄒枚司馬相如之徒遊於平臺之上齊隨郡

王子隆居序云西園多士平臺盛賓鄒馬之客咸在伐

木之歌屢陳是用追芳昔娛神遊于古水經注

兗園孝王好營宮室苑囿之樂作曜華宮築兗園園中

有百靈山有膚寸石落猿巖栖龍岫又有鴈池池間有

鶴洲鳧渚其諸宮觀相連延亘數十里奇果異樹珍禽

恠獸畢有王日與宮人賓客弋釣其中三輔黃圖

忘憂館孝王遊於忘憂之館集諸遊士各使為賦韓安

國作几賦不成鄒陽代作鄒陽安國罰酒三升賜枚乘

路喬如絹人五匹西京雜記

宗英河間獻王德脩學好古實事求是從民得善書必

為好寫與之留其真加金帛賜以招之所得書周官尚

書禮禮記其學舉六藝脩禮樂被服儒術造次必於儒

者山東諸儒者從而遊武帝時獻王來朝獻雅樂對三

雍宮前傳景十三王河間賢明禮樂是脩為漢宗英上夫

唯大雅卓爾不群河間獻王近之矣贊閑詩西楚好禮

北河

沈約為晉安王謝章

好禮慙河敦詩愧楚

為安陸王謝章

日華宮河間王築日華宮置客館二十餘區以待學士

自奉養不踰賓客

西京雜記

為善最樂東平王蒼光武子也好經書美須髯腰帶十

圍永平中朝京師還國明帝手詔國中傳曰辭別之後

瞻望永懷誦及采菽以增歎息日者問東平處家何等

最樂王言為善最樂其言甚大副是要腹矣又上光武

受命中興頌帝甚善之以其文典雅特令賈逵為之訓

詔

本傳

法琳上秦王啓云殿下好善為樂邁彼東平温易

是歡更方西楚

廣弘明十

晉鄭佐周功宣於寅亮間平輔

漢業崇二藩屏

唐荆王元景册

善書北海敬王睦齊王績孫也少好學博通書傳能屬文又善史書當世以為楷則及寢病帝驛馬令作草書

尺牘十首

後漢

西園曹子建公譙詩云公子敬愛客終宴不知疲清夜

游西園飛蓋相追隨明月澄清景列宿正參差秋蘭被

長坂朱華冒綠池隋于仲文答譙王詩未陪東閣賞獨

詠西園篇褚亮和望月應魏王教詩所欣東館裏預奉

西園篇上官儀詔冊周王文西園孤月秀心鏡而齊明

小山叢桂偃情田而竝烈

引曠獨秀齊豫章王嶷在宋時嘗詣袁粲粲謂人曰後

來佳器也建元中頗有代嫡之意而嶷事世祖恭悌盡

禮未嘗違忤顏色故世祖友愛亦深及薨武帝哀痛特
至敕王融為銘云半岳摧峯中河墜月帝流涕曰此正
吾所欲言也群吏中樂藹劉繪與竟陵王子良牋欲率
僚吏碑藹又與沈約書請文刻石約荅曰丞相風道引
曠獨秀生民冠冕彛倫儀刑寓內自非一世辭宗難或
與此歛酌令旨便是以禮許人

南史齊書

儒林館清河王懌親王中最有名行弟宅豐大踰於高
陽西北有樓出凌雲臺目極京師樓下有儒林館退賓
堂土山釣臺冠於當世斜峯入牖曲沼環堂樹響飛嬰
堦叢花藥懌愛賓客重文藻至於清晨明景騁望南臺
芳醴盈罍佳賓滿席使梁王愧兎園之遊陳思慙雀臺

之燕

如蓋

登僊臨淮王彧博通典籍辨慧清恬性愛林泉又重賓
客至於春風扇揚花樹如錦晨食南館夜遊後園俊民
滿席羽觴流行詩賦並陳清言乍起莫不飲其玄奧忘
其徧恡焉是以入彧室者謂登僊也

上

撰書彭城王勰字彥和敏而耽學雅好屬文既無山水
之適又絕知已之遊敦尚文史物務之暇披覽不輟撰

自古帝王賢達及魏世子孫為三十卷名曰要畧

魏書

宗室領袖任城王澄少而好學文明太后引見誠屬之
顧謂李冲曰此兒風神吐發德音閑婉當為宗室領袖
后為中書令蕭贖使庾萼來朝見登音韻道雅風儀秀

逸謂主客即張彛曰往魏任城以武著稱今魏任城乃以文見美也傳文宣貞固俊遠爵為宗傑社稷是任其棟梁之望也臣史

俊悟樂梁王蕭大圜簡文子也幼而聰敏神情俊悟元帝嘗自問五經要事數十條大圜辭約指明應答無滯元帝甚歎美之因曰昔河間好學爾既有之臨淄好文爾亦兼之然有東平為善彌高前載吾重之愛之爾當效焉周書梁書南史俱不載

無長霍王元軌高祖子也太宗嘗問群臣曰朕子弟孰賢魏徵對曰臣愚闇不盡知其能唯吳王數與臣言未嘗不自失上曰卿以為前代誰比徵曰經學文雅亦漢

之間平也後在徐州唯與西士劉玄平為布衣之交人或問玄平王之長玄平答曰無長問者怪而復問之玄平曰夫人有短所以見其巨至於霍王無所不備吾何以稱之哉唐舊

朱邱陸衰隸邱王制朱邱方開效蓬心於秋實謝朓分以白茅錫其朱

公主

天子嫁女于諸侯必使諸侯同姓者主之諸侯嫁女于大夫必使大夫同姓者主之公羊天子不親主婚故謂之公主諸王即自主婚故其女曰翁主翁者父也言父主其婚也亦曰王主言王自主其婚也漢書

劉攽曰公主之稱本出秦舊男為公子女為公主古者大夫妻稱王故以公配之若謂同姓主之故謂之公主古之嫁女當如周使大夫主之何不謂之夫主乎然則謂之王主者猶言王子也謂之翁主者緣公而生耳初學記云至周中葉天子始謂之公主秦代因之豈因公羊傳云然耶未詳所據

尚主非古尚主之制非古也釐降二女陶唐之典歸妹元吉帝乙之訓王姬歸齊宗周之禮以陰乘陽違天以婦陵夫違人違天不祥違人不義後漢女亂漢家列侯尚公主諸侯則國人承翁主使男事女夫誦於婦逆陰陽之位故多女亂前王吉傳

平陽武帝衛后字子夫為平陽主謳者帝被霸上還過平陽主主見所侍美人既飲謳者進帝獨說子夫帝起更衣子夫侍尚衣軒中得幸還坐驢甚賜平陽主金千斤主因奏子夫送入宮子夫上車主拊其背曰行矣強飯勉之即貴願無相忘前傳

昇仙遺履公主山在華山中漢末王莽秉政南陽公主避亂奔於此峯學道後得昇仙至今嶺上有一隻朱履傳云公主既於山中得道駙馬王咸聞追之不及故留二履以示之潘安仁有公主峯記述異奪沁水園竇憲字伯度恃宮掖聲執遂以賤直請奪沁水公主園田主逼畏不敢計後章帝駕出過園指以問

憲憲陰喝不得對後發覺帝大怒切責憲曰何用愈趙高指鹿為馬貴主園尚見枉奪何況小人哉後漢歌舞平陽第園亭沁水林李適詩平陽館外有仙家沁水園中好

物華

李又詩

望鄉館晉永嘉亂既已渡江諸公主不得隨去安陽公主平城公主奔入兩河界悉為民家妻常怏怏不悅有故鄉之思村民感之共築一臺以居之謂之公主望鄉之館至今巋然王朗懷舊賦云將軍出塞之臺公主望鄉之館述異記義陽神晉惠末群盜蜂起義陽公主自洛中出奔至洛南士卒二千餘人留守不去以衛京都劉曜攻破之主

有殊色曜特逼之主手刃曜不中遂自刃曜竒其正節遣葬之立義陽公主祠民憐之為立廟今義陽神是也上按晉書都不載此三公主事豈任昉猶見晉別史耶置面首宋山陰公主孝武女也適何戢景和中淫恣過度謂帝曰妾與陛下雖男女有殊俱託體先帝陛下六宮萬數而妾唯駙馬一人事不均平一何至此帝乃為主置面首左右三十人帝每出與朝臣常共陪輦主以吏部褚淵貌美就帝請以自侍帝許之宋帝召彥回西上閣宿十日公主夜就之備見逼迫彥回整身而立從夕至曉不為移志公主謂曰君鬚髯如戟何無丈夫意彥回曰回雖不敏何敢首為亂階褚傳彥回終不肯從與

或同居止月餘日由是持申情好傳山陰名楚王
天姻宋世諸主莫不嚴如明帝每嫉之江敷當尚孝武
女上乃使人爲敷作表讓婚曰伏承詔旨當以臨海公
主降嬪頓門寒族本隔天姻顧審輜蔽伏用憂惶雖門
泰宗榮於臣非幸自晉氏以來配尚王姬者雖累經美
胃亟有名才至如王敦懾氣桓温歛威貞長佯愚以求
免子敬多足以違詔王偃無仲都之質而保露於北階
何瑀闕龍工之姿而投軀於深井謝莊殆自同於矇叟
殷冲幾不免於疆鈕王藻雖復疆恨頗經學涉戲笑之
事遂爲寃魂褚暖憂憤用致天絕傷理害義難以具聞
是以仰冒非宜披露丹實非唯止陳下已規全身願寔

乃廣申諸門憂患之切帝以此表遍示諸主以諷切之
并爲戲笑南史王

險霍武帝與殷少故舊以女永興公主妻其子鈞自宋
齊以來公主多驕淫無行永興主加以險霍鈞形貌短
小爲主所憎每被召入先滿壁爲殷歡字鈞輒流涕以
出主命婢束面反之鈞不勝怒而言於帝帝以屏如意
擊主碎於背然猶恨鈞南史

稱下官豫章歸魏明帝拜綜大尉公丹陽王尚莊帝節
壽陽公主字苕梨公主容色美麗綜甚敬之與公主語
常自稱下官及京師傾覆綜棄州北走時爾朱世隆專
權遣取公主至洛陽世隆逼之公主罵曰胡狗敢辱天

王女乎世隆怒遂縊殺之伽藍記

娘子軍高祖女平陽公主柴氏初舉義兵於司竹園號娘子軍即柴紹之妻也南部新書

毀垣太平公主武后所生后愛之傾諸女弟擇薛紹尚

之假萬年縣為婚館門隘不能容翟車有司毀垣以入

自興安門設燎相屬道穢為枯當時群臣劉禕之詩云

憂梓光青陛穠桃藹紫宮元萬頃云離元應春夕帝子

降秋期任奉古云帝子升青陛王姬降紫宸郭正一云

桂宮初服冕蘭掖早升笄皆納妃出降之意也文館記

光艷安樂公主中宗季女也下嫁武崇訓光艷動天下

新唐附會常氏執可炙手道路懼焉萬迴望見車騎連塵

曰血腥血腥不可近也不久而夷滅矣南部

觀拜蕭嵩子衡尚新昌公主嵩夫人賀氏入觀拜席玄

宗呼為親家母禮儀甚盛舊唐

觀戲鄭顯尚宣宗女萬壽公主詔公主執婦禮皆如臣

庶之法苟違吾戒必有太平安樂之禍顯弟顯嘗得危

疾上遣使問之還問公主何在曰在慈恩寺觀戲場上

怒嘆曰我怪士夫家不欲與我家為昏良有以也巫命

召主入宮責之曰豈有小郎病不往省視乃觀戲乎遣

歸鄭氏由是貴戚皆兢兢守禮法如山東衣冠之族通鑑

折筯宣宗選于琮尚永福公主事忽中寢丞相上審聖

旨上曰此女子近因與之會食對朕輒折七筯性情如

此恐不可為士夫妻許別尚廣德公主

東觀
奏記

進食千盤成德軍節度使王元逵自領藩垣頗革父風

職貢結輒於道文宗詔尚壽安公主

新史絳
王悟女

元逵遣段

氏姑詣闕納娉禮段氏進食二千盤并御衣戰馬公主

粧奩及私白身女口等共從如雲朝野榮之

舊唐

合璧事類以千盤字而進令于牙盤大誤觀者

粉侯宋世以駙馬都尉粉侯文及甫抵書邢恕謂駙

馬韓嘉彥兄忠彥為粉侯劉肇傳

明經俊才漢結叔高晉武子褚淵叔高以明經顯於

漢武子必俊才聞於晉實實玄字叔高

中記卷之十二終

